


宋六名家詞



宋六十一名家詞

丁集

明·毛子晉輯



第一輯
第四十種

據汲古閣刊本排印
貝葉山房張氏藏版

中國文學珍本叢書

第一輯 第四十種


中華民國廿五年六月初版

宋六十名家詞丁集

普及本實價四角
特印本實價五角五分

撰著者	毛子晉
校點者	施蟄存
主編者	施蟄存
發行人	張靜廬
總經售	上海雜誌公司

上海總店：四馬路三二一四號
 廣州支店：永漢北路二二九九號
 南京支店：太平路一四八號
 開封支店：中山北街三八四號
 雲南支店：土主廟街四七號



竹屋癡語一卷

高觀國

竹屋癡語

目錄

- | | |
|--------|---------|
| 齊天樂三調 | 玉樓春四調 |
| 臨江仙二調 | 金人捧露盤三調 |
| 賀新郎一調 | 喜遷鶯二調 |
| 青玉案一調 | 醉落魄一調 |
| 花心動一調 | 昭君怨一調 |
| 祝英臺近二調 | 江城子一調 |
| 解連環二調 | 燭影搖紅一調 |
| 清平樂二調 | 更漏子一調 |
| 山花子一調 | 浣溪沙五調 |
| 水龍吟三調 | 聲聲慢一調 |
| 思佳客六調 | 永遇樂一調 |
| 御街行二調 | 霜天曉角三調 |
| 卜算子一調 | 西江月一調 |
| 踏莎行二調 | 戀繡衾一調 |
| 南鄉子一調 | 洞仙歌一調 |
| | 玉蝴蝶一調 |
| | 鳳棲梧三調 |
| | 菩薩蠻六調 |
| | 夜合花一調 |
| | 杏花天四調 |
| | 生杏子六調 |
| | 憶秦娥二調 |
| | 東風第一枝三調 |
| | 闌陵王二調 |
| | 鬲浦蓮一調 |
| | 玲瓏四犯一調 |
| | 眼兒嬌一調 |
| | 點絳脣二調 |
| | 風入松二調 |
| | 柳梢青一調 |

宋六十名家詞

二

少年遊一調

訴衷情一調

夜行船一調

滿江紅一調

酬江月一調

謁金門一調

留春令四調

太常引一調

浪淘沙一調

意難忘一調

雨中花慢一調

八歸一調

瑞鶴仙一調

竹屋癡語

宋 高觀國

齊天樂

碧雲闌處無多雨。愁與去帆俱遠。倒葦沙闌。枯蘭砌冷。寥落寒江秋晚。樓陰縱覽。正魂怯清吟。病多依黯。怕掛西風。袖羅香口去年減。風流江左久客。舊遊得意處。珠簾曾捲。載酒春情吹簫夜約。猶憶玉嬌香臉。塵樓故苑。嘆壁日空簷。夢雲飛觀。送絕征鴻。楚峯煙數點。

又（菊）

叢幽一笑東籬曉。霜華又隨香冷。暈色黃嬌。低枝翠婉。來趁登高佳景。誰偏管領。是彭澤歸來。未荒三徑。最愜清觴。道家標致日風韻。南山依舊翠倚。採花無限。思西風吹醒。萬蕊金寒。三秋夢好。曾記餐英。清詠珊瑚。淚沁怕節去。蜂愁雨。荒煙暝。明日重陽。爲誰替短鬢。

又（中秋後懷梅溪）

晚雲知有關山念。澄霄捲開清霽。素景分中。冰盤正溢。何曾嬋娟千里。危闌靜倚。正玉筯吹涼。翠觴留醉。記約清吟。錦袍初喚醉魂起。孤光天地共影。浩歌誰與舞。淒涼風味。古驛煙寒。幽垣夢冷。應念秦樓十二。歸心對此。想斗插天南。雁橫遼水。試問姮娥。有愁能爲寄。時刻或十。孤光天地共影下分段。非）

玉樓春（擬宮詞）

幾雙海燕來金屋。香滿離宮三十六。春風翦草碧纖纖。春雨浥花紅撲撲。衛姬鄭女腰如束。齊唱陽春新製曲。曲終移宴起笙簫。花下晚寒生翠縠。

又（海棠韻。寅齋挂軸）

胭脂染出春風錦。生怕黃昏人有恨。雨難揩淚玉環嬌。煙不遮愁紅袖冷。醉魂吹斷香魂靜。拂拂翠眉羞帶粉。最憐新燕識風流。只爲春寒消瘦損。

又（春思）

多時不踏章臺路。依舊東風芳草渡。鶯聲喚起水邊情。日影弄開花上霧。謝娘不信佳期誤。認得馬嘶迎繡戶。今宵翠被不春寒。只恐香櫻春又去。

又（憶舊）

春煙澹澹生春水。曾記芳洲蘭棹艤。岸花香到舞衣邊。汀草色分歌扇底。棹沈雲去情千里。愁壓雙鴛飛不起。十年春事十年心。怕說濺裙當日事。

玉蝴蝶（秋思·時刻不載）

喚起一襟涼思。未成晚雨。元做秋陰。楚客悲殘。誰解此意登臨。古臺荒斷。更斜照、新夢黯微月。疎砧總難禁。盡將幽恨。分付孤斟。從今倦看青鏡。既遲助業。可負煙林。斷梗無憑。歲華搖落。

又驚心想蕩汀水雲愁凝。閒薰帳猿鶴悲吟。信沈沈故園歸計。休更侵尋。

臨江仙（東越道中）

俱是洛陽年少客。才華迥出天真。青衫慣拂輭紅塵。酒狂因月舞。詩俊爲梅新。寄語長安風月道。爲花緩作青春。披風沐露問前津。客中春不常。歸去倍還人。

又

風月生來人世。夢魂飛墮仙津。青春日日醉芳塵。一鞭花陌曉。雙槳柳橋春。前度詩留醉袖。昨宵香灑羅巾。小姬飛燕是前身。歌隨流水。咽眉學遠山顰。

金人捧露盤（水仙花）

夢湘雲。吟湘月。弔湘靈。有誰見。羅襪塵生。凌波步弱。背人羞整六銖輕。娉娉裊裊。黃土色。輕明。香心靜。波心冷。琴心怨。客心驚。怕珮解。卻返瑤京。杯擎清露。醉春蘭友。與梅兄。蒼煙萬頃。斷腸是雪冷江清。

又（梅花）

念瑤姬。翻瑤珮。下瑤池。冷香夢。吹上南枝。羅浮夢杳。憶曾清曉見仙姿。天寒翠袖。可憐是倚竹依依。溪痕淺。雪痕凍。月痕淡。粉痕微。江樓怨。一笛休吹。芳信待寄。玉堂煙驟。雨淒遲。新愁萬斛。爲春瘦。卻怕春知。

又

楚宮閒金成屋。玉爲闌。斷雲夢容易驚殘。蠟歌幾疊。至今愁思怯陽關。清音恨阻。抱哀箏。知爲誰彈。年華晚。月華冷。霜華重。鬢華斑。也須念。閒損雕鞍。斜緘小字。錦江三十六鱗寒。此情天闕。正梅信。笛裏關山。

鳳棲梧

雲喚陰來鳩喚雨。謝了江梅。可踏江頭路。拚卻一番花信阻。不成日日春寒去。見說東風桃葉渡。岸隔青山。依舊修眉嫵。歸雁不如爭上住。一行常見相思苦。

又（韻巖室）

巖室歸來非待聘。渺渺千崖。漠漠江千頃。明月清風休弄影。只愁踏破蒼苔徑。摘取香芝醫鶴病。正要臞仙。相伴清閒性。朝市不聞心耳靜。一聲長嘯煙霞冷。

又 湖頭卽席長翁同賦

西子湖邊眉翠嫵。魂冷孤山。誰是風煙主。相喚吟詩天欲雨。嫩涼不隔鷗飛處。移下天孫雲錦洛。翠蓋牽風。綽約凌波女。清約已成君記取。月明夜半魚龍舞。

賀新郎（賦梅）

月冷霜袍擁。見一枝年華又晚。粉愁香凍。雲隔溪橋人不度。的皜春心未縱。清影怕寒波搖動。

更沒纖毫塵俗態。倚高情。預得春風寵。沈凍蝶。挂玄風。一杯正要吳姬捧。想見那柔酥弄白。暗香飄。送回首。羅浮今在否。寂寞煙迷翠隴。人爭奈。桓伊三弄。開徧西湖春意。爛算羣花正作。江山夢。吟思怯。暮雲重。

喜遷鶯（代人弔西湖歌者）

歌音淒怨。是幾度。訴春春都不管。感綠鶯紅。翠煙啼月。長是爲春消黯。玉骨瘦無一把。粉淚愁多千點。可憐損。任塵侵粉蠹。舞裙歌扇。轉盼塵夢斷。峽裏雲歸。空想春風面。燕子樓空。玉臺妝冷。湖外翠峯眉淺。綺陌斷。魂名在寶篋。返魂香遠。此情苦。問落花流水。何時重見。

又（秋懷）

涼雲歸去。再約著。晚來西樓風雨。水靜簾陰。鷓鴣閒。孤影秋到。露汀煙浦。試省喚。幽恨盡。是愁邊新句。倦登眺。動悲涼。還在殘蟬吟處。淒楚空見說。香鎖霧局。心似秋蓮苦。寶瑟彈冰。玉臺窺月。淺淡可憐偷聚。幾時翠溝題葉。無復繡簾吹絮。鬢華晚。念庾郎情在。風流誰與。

菩薩蠻（春思）

春風吹綠湖邊草。春光依舊湖邊道。玉勒錦障泥。少年遊冶時。煙明花似繡。日醉旗亭酒。斜日照花西。歸鴉花外啼。

又（蘇隄芙蓉）

紅雲半壓秋波碧。豔妝泣露嬌啼色。佳夢入仙城。風流石曼卿。宮袍呼醉醒。休捲西風錦。明日粉香殘。六橋煙水寒。

又（水晶臉）

玉鱗熬出香凝軟。并刀斷處冰絲顫。紅縷間堆盤。輕明相映寒。纖柔分勸處。膩滑難停筋。一洗醉魂清。真成醒酒冰。

又

玉闌秋色。知誰主。隔闌一架蒲萄雨。綠蘇怕啼蛩。可堪宮漏長。烏絲吟古怨。清淚消塵硯。夢冷不成雲。峯峯外情。

又（中秋）

何須急管吹雲暝。高寒豔豔開金餅。今夕不登樓。一年空過秋。桂花香霧冷。梧葉西風影。客醉倚河橋。清光愁玉簫。

又（詠雙心水仙）

雲嬌雲嫩羞相倚。凌波共酌春風醉。的皪玉臺寒。肯教金釭單。只疑雙蝶夢。翠袖和香擁。香外有鴛鴦。風流煙水鄉。

青玉案

平生似欠西湖債。每拚了金貂解。嫵媚煙雲多態。雕鞍來處。畫船歸去。花柳春風隘。玉京相接蓬壺界。人畫遙山翠。分黛蘇小不來時節改。一隄風月。六橋煙水。鷺約鷗盟在。

醉落魄

鉤簾翠溼寒江上。雨晴風急。亂峯低處明殘日。雁字成行。界破暮天碧。故人天外長爲客。倚闌一望情何極。新來得個歸消息。去棹回舟。數過幾千隻。

夜合花

斑駁雲開。濛濛雨過。海棠花外寒輕。湖山翠暖。東風正要新晴。又喚醒舊遊情。記年時今日清明。隔花陰。殘香隨笑語。特地逢迎。人生好景難并。依舊鞦韆。巷陌花月蓬瀛。春衫抖擻。餘香半染芳塵。念嫩約杳難憑。被幾聲啼鳥驚心。一庭芳草。危闌晚日。無限消凝。

花心動（梅意）

碧蘚封枝。點寒英。疎疎玉清冰溼。夢憶舊家春。與新恩。曾映壽陽妝額。綠魂青袂。南隣伴。應怪我精神。別恨衰晚。春風意思。頓成羞怯。猶念橫斜性格。惱和靖吟魂。自來清絕。斜傍勁松。偷倚修篁。總是歲寒相識。綠陰結子。當時意。到如今。芳心銷歇。小橋夜清。愁倦陪澹月。

昭君怨（詠春波獨載圖）

一棹莫愁煙艇。飛破玉壺清影。水濺粉消寒。縹雲鬢。不肯凌波微步。卻載春愁歸去。風澹楚

魂驚隔瑤京。

杏花天（春愁）

霽煙消處寒猶嫩。乍門巷、惜惜畫永。池塘芳草魂初醒。秀句吟春未穩。又
燕子來無芳信。小桃也自知人恨。滿面羞紅難問。

又

遠山學得修眉翠。看眉屏、春愁無際。雨痕半溼東風外。不管梨花有淚。西園路、青鞵暗記。怕
行人鞦韆徑裏。一春多少相思意。誰與新來燕子。

又（賦杏花春禽扇面掛軸）

花凝露溼胭脂透。是綵筆、丹青染就。粉綃帕入班姬手。舒卷清寒時候。春禽靜來窺晴晝。聞
冷落芳心知否。不愁院宇東風驟。日日嬌紅如舊。

又（杏花）

玉壇消息春寒淺。露紅玉嬌生靨。小憐髻溼胭脂染。只隔粉牆相見。花陰外、故宮夢遠。想
未識鴛鴦燕。燕飄零、翠徑紅千點。桃李春風已晚。

祝英臺近（荷花）

擁紅妝、翻翠蓋、花影暗南浦。波面澄波。蘭艇採香去。有人水濺紅裙。相招晚醉。正月上涼生風。

露。兩凝佇。別後歌斷雲間。嬌姿黯無語。魂夢西風。端的此心苦。遙想芳臉輕顰。凌波微步。鎮輪與沙邊鷗鷺。

又（閨思）

一窗閒。孤燼冷。獨自箇春睡。繡被熏香。不似舊風味。靜聽滴滴簷聲。驚愁掣夢。更不管庾郎心醉。念芳意一併十日春寒。梅花噉憔悴。懶做新詞。春在可憐裏。幾時挑菜踏青雲。沈雨斷盡。分付楚天之外。

江城子（代作）

綠叢籬菊點嬌黃。過重陽。轉愁傷。風急天高。歸雁不成行。此去郎邊知近遠。秋水闊。碧天長。郎心如妾妾如郎。兩離腸。一思量。春到春愁。秋色亦淒涼。近得新詞知□怨。妾無訴。泣蘭房。

生查子（詠芹）

野泉春吐芽。泥溼隨飛燕。碧澗一杯亭。夜韭無人翦。玉釵和露香。鵝管隨春輓。野意重殷勤。持以君王獻。

又

芙蓉羞粉香。倚竹窺煙霽。眼帶楚波寒。骨豔春風醉。誰傳側帽情。想解遺鞭意。紅葉可憐秋。不寄相思字。

又（史輔之席上歌者贈雲頭香乞詞）

蓬萊一捻雲微骨，龍涎染風味，韻而芳，笑語柔而婉。
花嬌綠髻寒，酒凝清歌怨，翠幄已煙櫻。
銀燭重休翦。

又（木香）

春籠雲潤香露溼，青蛟瘦，偷學漢宮妝，舞徹霓裳後。
酥胸紫領巾，冰翦柔荑手，有意入羅囊。
不肯成春酒。

又

飛花澹澹風被暖，疎疎雨，香潤玉階塵，翠溼紗窗霧。
鈿箏離雁行，寶篋留釵股，唯有鳳樓魂。
夜夜江南路。

又（梅次韻）

香驚楚驛寒，瘦倚湘筠暮，一笛已黃昏，片月尤清楚。
沈沈冰玉魂，漠漠煙雲浦，酸淚不成彈。
又向春心聚。

解連環（柳）

露條煙葉，惹長亭舊恨，幾番風月。愛細縷先牽輕黃，漸拂水藏鴉，翠陰相接。襪軟風流，眉黛淺，三眠初歇。奈年華又晚，縈絆遊蜂，絮飛晴雪。
依依灞橋怨別，正千絲萬緒，難禁愁絕。恨歲久

應長新條。念曾繫花驄。屢停蘭橈。弄影搖晴。恨閒損春風時節。隔郵亭故人望斷。舞腰瘦怯。

又（春水）

浪搖新綠。漫芳洲翠渚。雨痕初足。蕩霽色流入橫塘。石風外瀟瀟。皺紋如縵。藻荇縈迴。似留戀。鶯飛鷗浴。愛嬌雲蘸色。媚日靛藍遠。迷心目。仙源漾舟岸。曲照芳容幾樹。香浮紅玉。記那回。西洛橋邊。灩澦樹翠傳情。玉纖經拘。三十六陂。錦鱗渺芳音難結。隔垂楊故人望斷。浸愁千斛。

燭影搖紅

別浦潮平。遠村帆落。煙江冷。征鴻相喚。著行飛。不耐霜風緊。雲意垂垂未定。正慘慘雲橫疎影。酒醒情緒。日晚登臨。淒涼誰問。行樂京華。輭紅不斷。香塵噴。試將心事卜歸期。終是無憑準。家落年華將盡。誤玉人高樓凝恨。第一休負西子湖邊。江梅春信。

憶秦娥

棲鳥驚。隔窗月色寒於冰。寒於冰。澹移梅影。冷印疎櫺。幽香未覺魂先清。無端勾起相思情。相思情。惱人無睡。直到天明。

又（舟中書事）

歌聲闌。蘭舟只隔芙蓉灣。芙蓉灣。扇搖波影。風捲雲鬟。餘音嫋嫋留飲歡。雙鷺飛處傳情難。傳情難。曲終人去。愁寄湖山。

清平樂（秋葉）

盤枝翦翠葉，葉西風意。吹上玉人雲髻底。無限新涼氣味。飄蕭露捲煙柔，絕憐不逐宮流。寄語多情宋玉，悲秋得似宜秋。

又

春蕙雨溼燕子低飛急。雲壓前山翠失。煙水滿湖輕碧。小蓮相見灣頭。清寒不到青樓。請上琵琶絲索，今朝破得春愁。

更漏子

玉簫閒。清韻咽。人倚畫闌愁絕。雲惱月。月羞雲。半溪梅影昏。恨春風。簫散後。夜夜數殘更漏。情悄悄。思依依。天寒一雁飛。

東風第一枝（爲梅溪壽）

玉潔生英。冰清孕秀。一枝天地春早。素盟江國芳寒。舊約漢宮夢曉。溪橋獨步。看灑落仙人風表。似妙句何遜揚州。最惜細吟清峭。香暗度。照影波渺。春暗寄付情雲。杏愛隨青女。橫陳更憐素娥窈窕。調羹雅意。好贊助清時廊廟。羨韻高。只有松筠。共結歲寒難老。

又（壬戌立春日訪梅溪雨中同賦）

燒色回清。冰痕綻白。嬌雲先暖酥雨。縱寒不壓葭塵。應時已鞭黛土。東君入夜。怕預惱詩邊心。

緒意轉新無奈吟魂。醉裏已題春句。香夢醒幾花暗吐。綠睡起幾絲偷舞。酒醅清惜重斟。菜甲嫩憐細縷。玉纖綵勝。願歲歲春風相遇。要等得明日新晴。第一待尋芳去。

山花子

嫋嫋天風響珮環。鵲橋有女夜乘鸞。也恨別多相見少。似人間。銀浦無聲雲路渺。金風有信玉機閒。生怕河梁分袂處。曉光寒。

浣溪沙

遮坐銀屏度水沈。障風羅幕皺沈金。日遲宮院靜愔愔。繁杏半窺紅日薄。小憐低唱綠窗深。試拈犀管寫春心。

又

魂是湘雲骨是蘭。春風冰玉注芳顏。誰招仙子在人間。濺水裙兒香霧皺。唾花衫子碧雲寒。洞簫聲絕却驂鸞。

又

偷得韓香惜未燒。吹簫人在月明橋。草芳似待玉驄驕。吹絮繡簾春澹澹。隔香羅帳夜迢迢。楚魂須著楚詞招。

又

雲外峯巒翠欲埋。雨沾重葉溼青鞋。小驚春色入寒夢。風月愁新空雁字。神仙夢冷憶鸞敘。淒涼不是好情懷。

又（顯湖樓壁）

一色煙雲澹不消。兩峯眉黛爲誰嬌。春寒猶占木蘭桡。燕子似甘愁寂寞。海棠未肯醉妖嬈。小園嫩約尙蕭條。

蘭陵王 爲十年故人作

鳳簫咽。花底寒輕夜月。蘭堂靜。香露翠深。曾與瑤姬恨。輕別羅山淚。暗替。情人歌聲。怨切。殷勤意欲去。又留柳色和秋爲重折。十年迴淒絕。念鬢怯瑤簪。衣腿香空。雙鱗不度煙江闊。自春來人見。水邊花外。羞倚東風翠袖怯。正愁恨時節。南陌。阻金勒。甚望斷青禽。難倩紅葉春愁。欲解丁香結。整新歡羅帶。舊香官篋。淒涼風景待見了。更何說。

又（春雨）

酒塵閣。幕幕天垂似幕。春寒峭。吹斷萬絲。溼影和煙暗。簾箔清愁曉來覺。佳景惜過却。芳郊外。鶯恨燕愁。不管鞦韆冷紅索。行雲楚臺約。念今古凝情。朝暮如昨。啼紅溼翠春情薄。漫一犁江上。半篙隄外。勾引輕陰趁暮角。正孤緒寂寞。斑駁。止還作。聽點點簷聲沈沈春酌。只愁入夜東風惡。怕催教花放。趁厨花落。溼濃煙草夢。正遠恨怎託。

水龍吟（雲意）

舊家心緒如雲。乍舒乍卷。初無定。西郊載雨。東城隔霧。還聞晴景。愛惱花陰。喜移月地。朦朧清影。任無心有意。溶溶曳曳。蕭散處。有誰問。朝暮如今難准。枉教他慣春人恨。遠峯依舊。前蹤何在。有時愁凝。此興飄然。不妨吹斷。一川輕暝。待良宵再入。高唐夢裏。覓來陽信。

又（爲放翁壽）

道山玉府眞仙。去年再履論思地。西清禁域。香深名重。年高身退。玉振金聲。水增川湧。德兼才貴。愛知章引去。安單穩駕。軒冕付談笑外。蘭玉孫枝競秀。奉親歡。萊衣同戲。蓬萊東接。苧蘿西顧。三山聳翠。賜杖清朝。命堂綠野。放懷高致。似太公出將。衛公入相。爲蒼生起。

又（爲張庵壽）

夜來曾跨青虬。海風嫋嫋吹襟袖。蓬萊誤入。羣仙爭問。劉郎安否。玉塵冰壺。日庭星角。孕成奇秀。看丹分寶鼎。籙傳祕箴。開重寄。長生酒。歸夢驚回。晚漏正長庚輝。纏南斗。祥開華旦。菊香秋杪。張黃霜後。筆掃龍蛇。句裁螭錦。俊才誰右。看功助繡裳。家聲再振。數千齡壽。

聲聲慢（元夕）

壺天不夜。寶炬生香。光風蕩搖金碧。月灑水痕。花外峭寒無力。歌傳翠簾儘捲。誤驚回。瑤臺仙跡。禁漏促。拚千金一刻。未酬佳夕。捲地香塵不斷。最得意輸他。五陵狂客。楚柳吳梅。無限眼

邊春色。鮫綃暗中寄與。待重尋行雲消息。乍醉醒。怕南樓吹斷曉笛。

隔浦連（七夕）

銀灣初霽暮雨。鵲赴秋期去。淺月窺清夜。涼生一天風露。纖巧雲暗度。河橋路。縹緲乘鸞女。正容與。西廂舊約玉嬌誰見。私語柔情不盡。好似冰綃雲縷。回首天涯。又怨阻。無語。西風魂斷。機杼。

思佳客（秋扇）

入手西風意已羞。不須玉斧爲重修。撲螢涼夜沈沈月。障面清歌澹澹秋。休棄置。且遲留。可憐又向篋中收。莫教暗損乘鸞女。漢殿淒涼萬古愁。

又（點太真出浴圖）

寫出梨花雨後情。凝脂洗盡見天真。春從翠髻堆邊見。嬌白紅綃脫處生。天寶夢。馬嵬塵。斷魂無復到華清。恰如佇立東風裏。猶聽霓裳羯鼓聲。

又

有約湖山卻解襟。晝眠占得一庭深。樹邊風色寒滋味。愁裏年華雁信音。驚楚夢。聽瑤琴。黃花尙可伴孤斟。斷雲萬一成疎雨。卻向湖邊看晚陰。

又

鵲翠衫兒穩四停。最憐一曲風清吟。同心羅帕輕藏素。合字香囊半影金。春思倩。畫窗深。誰能拘束少年心。鶯來驚碎風流膽。踏動櫻桃葉底鈴。

又（立秋前一日西湖）

不肯樓邊看畫船。載將詩酒入風煙。浪花濺白疑飛鷺。荷葉藏紅似小蓮。醒醉夢。喚吟仙。光秋一葉草驚蟬。白雲鄉裏溫柔遠。結得清涼世界緣。

又（中秋後一日借月意）

白玉樓臺知幾重。夜來望斷廣寒宮。一分乍闌嬋娟影。二八尤宜冰雪容。雲髻露。月釵風。水晶簾幕正玲瓏。殷勤重爲天香醉。可惜清光付曉鐘。

永遇樂（詠雨書青樓）

淺暈修蛾。脆痕紅粉。猶記窺戶。香斷險空。塵生砌帶。誰喚青鸞舞。春風花信。秋宵月約。歷歷此心曾許。啣芳恨。千年怨結。玉骨未應成土。木蘭艇子。暮愁何在。漫繫寒江煙樹。事逐雲沈。情隨佩冷。短夢分今古。一杯遙夜。孤光難曉。多少碎人腸處。空淒黯。西風細雨。盡吹淚去。

玲瓏四犯

水外輕陰做弄。飛雲吹斷晴絮。駐馬橋西。澗繁舊時芳樹。不見翠陌尋春。問著小桃無語。恨燕鶯不識閒情。卻隔亂紅飛去。少年曾失春風意。到如今。怨恨難訴。魂驚冉冉江南。遠煙草

愁如許。此意待寫翠牋。奈斷腸都無新句。問甚時舞鳳歌鸞。花裏再看仙侶。

御街行（賦簾）

香波半窈深深院。正日上花陰淺。青絲不動玉鉤閒。看翠額輕籠蔥蒨。鶯聲似隔。篆煙微度。愛橫影參差滿。那回低挂朱闌畔。念闌損無人捲。窺春偷倚不勝情。彷彿見如花嬌面。纖柔緩揭。瞥然飛去。不似春風燕。

又（賦橋）

藤筠巧織花紋細。稱穩步如流水。踏青陌上雨初晴。嫌怕溼文鴛雙履。要人送上。逢花須住。纔過處香風起。船兒挂在簾兒底。更不把窗兒閉。紅紅白白簇花枝。恰稱得尋春芳意。歸來時晚。紗籠引道。扶下人微醉。

霜天曉角（春情）

春雲粉色春水和雲溼。試問西湖楊柳。東風外幾絲碧。望極連翠陌。蘭橈雙槳急。欲訪莫愁何處。旗亭在畫橋側。

又

爐煙迥溼。花露蒸沈液。不用寶釵翻炷。閒窗下嬾輕碧。醉拍羅袖惜。春風偷染得。占取風流聲。借韓郎是舊相識。

又（九日蘇隄）

霜清水碧冷浸紅雲溼。休說季倫錦帳。山南岸更花密。露滴空翠幕。雨峯開霽色。不爲穠妝一醉。西風帽爲誰側。

眼兒媚

輕雲終被斷雲留。不肯放春愁。翠樓舊倚。粉牆重見。歌酒風流。今朝畢竟吟清澹。芳意未全酬。東風向晚。鶯花有意。吹轉船頭。

卜算子（泛西湖坐間寅齋同賦。花庵作春晚）

屈指數春來。彈指驚春去。檐外蛛絲網落花。也要留春住。幾日喜春晴。幾夜愁春雨。十二雕窗六曲屏。題徧傷春句。

西江月

小舫半篷山色。斷橋兩岸秋陰。芙蓉消息已愁深。紅染雲機翠錦。幾度煙波共酌。半生風月關心。飛來鷗鷺是知音。一笑歌邊醉醒。

點絳脣

天外青鸞幾時常。向人間住。斷歌零舞。月上闌陰暮。憔悴潘郎。不解爲花去。知何處。夢雲愁雨。怕向西樓去。

又

釣月鋒聞載詩。卻向旗停醉。翠蒲陰外。莫放雙鷗起。水佩仙裳。洒落煙雲意。來相試。玉綰新製。要寫蓬壺記。

踏莎行（九日四日）

水減隄痕。秋生屐齒。瘦筇喚起登高意。翠煙微冷。夢淒涼。黃花香晚。人憔悴。悵古風流。悲秋情味。紫萸初入旗停醉。玉人相見。說新愁。可憐又。溼西風淚。

又

花染煙香。柳搖風翠。春工寫出清明意。翠灣還趁畫船開。粉牆到處驕鸞繫。歌喚紅裙。酒招青旆。吟情又許春風醉。何妨日日。爛芳遊。今宵先向西城睡。

戀繡衾

碧梧偷戀小窗陰。恨芭蕉不展寸心。暗語近陽臺遠。奈秋宵砧斷漏沈。月明欲教吹簫去。隔曉鶯空留怨音。從此是天涯阻。這一場。愁夢更深。

風入袂（春晴）

捲簾日日恨春陰。食新晴。馬蹄只向南山去。長橋愛花柳多情。紅外風嬌日暖。翠邊水秀山明。杜郎歌酒過平生。到處蓬瀛。醉魂不入重城晚。穠歡寄桃葉。桃根繡被嫩。寒清曉鶯聲喚。

醉春醞。

又（前鄰女吹笛）

粉嬌曾隔翠簾看。橫玉聲寒。夜深不管柔荑冷。櫻朱度香噴雲鬢。霜月搖搖吹落梅花。花鏡驚殘。蕭郎日放風蕭閒。何處鶯聲靜。聽三弄霓裳。罷魂飛斷。愁裏關山三十六宮天。近念奴卻在人間。

南鄉子（賦十四絃）

眞柱倚冰絃。曾見胡兒馬上彈。卻笑琵琶風韻古。濺濺。想像湘妃水一簾。寒恨曲中傳。兩摺琴絲費玉纖。不似江南風月好。厭厭。拍手齊看舞袖邊。

洞仙歌（題眞）

輕痕淺暈。偷染春風面。恰似西施影兒現。擬新妝臨鑑。一段天真。閒態度。長恁香嬌玉軟。從今悵袖裏。不暫相離。似笑如顰在舒卷。願芳容不老。只似如今。嬌不語。無奈情深意遠。便雨隔雲疎。暫分攜。也時展丹書。見伊一見。

柳梢青（柳）

翠拂晴波。煙垂古岸。灞橋春色。斜帶鶉啼。亂鶩鶯悲。愁絲如織。爲憐張緒風流。正瘦指宮腰。褪碧絳結。同心留渾不住。天涯行客。

少年遊(草)

春風吹碧。春雲映綠。曉夢入芳烟。幙襯飛花。遠連流水。一望隔香塵。萋萋多少。江南舊恨。翻憶翠羅裙。冷落閒門。淒迷古道。煙雨正愁人。

訴衷情

西樓楊柳未勝煙。寒峭落梅天。東風渡頭波晚。一棹木蘭船。花態度。酒因緣。足春憐。屏開山翠。雨怯雲嬌。盡付愁邊。

夜行船

翦水天風吹醉醒。高樓外凍雲愁凝。袖口香寒。歌喉春暖。不管雁邊寒緊。瓊屑瑤花飛碎影。應須待玉出千頃。小約梅英。教吟柳絮。春在繡紅鴛錦。

滿江紅

擊碎空明。滄浪晚棹歌飛入。西山外紫霞吹斷。赤塵無迹。飛上冰輪涼世界。喚回天籟清肌骨。看明珠影墮冷光斜。蛟龍窟。長嘯外。綸巾側。輕露下。纖絳。聽洞簫聲在。臥虬陰北。千萬江妃留醉夢。二三沙鳥驚吟魄。任天河落盡玉杯空。東方白。

酬江月(靈巖弔古)

萬巖靈秀拱崇臺。飛觀憑陵千尺。清磬一聲簾幕冷。無復宮娃消息。嚮屨廊空。採菰徑。古塵土。

成遺跡。石開松老。斷雲空鎖愁寂。尊寵誰比輕絮。楚腰吳豔。一笑無顏色。風月荒涼羅綺夢。輸與扁舟歸客。舞園歌殘。國傾人去。青草埋香骨。五湖波淼。遠空依舊涵碧。

謁金門

煙墅暝隔。斷仙源芳徑。雨歇花梢魂未醒。溼紅如有恨。別後香車誰整。怪得畫橋春靜。碧漲平湖三十頃。歸雲何處問。

留春令（淮南道中）

斷霞低映。小橋流水。一川平遠。柳影人家起炊煙。髣髴似江南岸。馬上東風吹醉面。問此情誰管。花裏清歌。酒邊情又何日重相見。

又

粉綃輕試。絲裙微褪。吳姬嬌小。一點清香著芳魂。便添起春懷抱。玉臉窺人舒淺笑。寄此情天渺。酒醒羅浮角聲寒。正月挂南枝曉。

又

玉清冰瘦。洗妝初見。春風頭面。等得黃昏月溪寒。愛顧影臨清淺。歷盡冰霜空羞怨。怨粉香消滅。江北江南舊情多。奈笛裏關山遠。

又

王妃春醉夜寒吹墮江南風月。一自情留館娃宮。在竹外、尤清絕。貪睡開遲風韻別。向杏花、休說角冷黃昏豔歌殘。怕驚落胭脂雪。

大帝引

玉肌輕襯碧霞衣。似爭駕翠鸞飛。羞聞武陵溪。笑女伴、東風醉時。不飄紅雨。不貪青子。冷淡卻相宜。春晚湧金池。問一片、將愁寄誰。

浪淘沙（杜鵑花）

啼魄一天涯。怨入芳華。可憐客血染煙霞。記得西風秋露冷。曾浼詞花。明月滿窗紗。倦客思家。故宮春事與愁賒。冉冉斷魂招不得。翠冷紅斜。

意難忘（代贈）

仙子奇容。是名花第一。美古春風。煙香籠淺罩。露靚滄芳。紅憐舞燕。惜驚鴻。想獨步吳宮。料認得嬌雲媚雨。來自巫峯。風流正與歡濃。羨高樓並倚。曲影闌東。獨搖留醉枕。麈墜戀歌鍾。三弄笛。五花聽。莫行樂匆匆。但看取、天長地久。笑語相逢。

雨中花慢

旆拂西風。客應漢星。行參玉節征鞍。緩帶輕裘。爭看盛世衣冠。吟倦西湖風月。去看北塞關山。過離宮禾黍。故壘煙塵。有淚應彈。文章俊偉。穎露囊鋒。巖動萬里呼韓。知素有平戎手段。小

試何難。情寄吳梅香冷。夢隨雁。霜寒立助未晚。歸來依舊。酒社詩壇。

八歸（重韻前一日懷梅溪）

楚峯翠冷。吳波煙遠。吹袂萬里西風。關河迥隔。新愁外。遙憐倦客音塵。未見征鴻。雨帽風山歸夢。杳想吟思。吹入飛蓬。料恨滿幽苑。離宮正愁黯。文通秋濃。新霜初試。重陽催近。醉紅偷染。江楓瘦筇相伴。舊遊回首。吹帽知與誰同。想萸囊酒醜。暫時冷落菊花叢。兩凝佇。壯懷立盡。微雲斜照中。

瑞鶴仙（筇枝）

一枝蒼玉冷。愛露節霜根。從他孤勁。提攜遠塵境。自清癯骨力。歲寒心性。登臨助興。甚偏與。芒屨相稱。笑葛洪。陂外騰飛。渺渺水開煙迥。尋勝撥開林影。斷破苔痕。緩支幽徑。分雲度嶺。待隨處。問梅信。任香挑村醕。寒抱夜月。識盡江山好景。扣禪關。拗巾歸來。萬緣自靜。

竹屋癡語終

竹屋癡語

二五

竹屋癡語跋

寶王詞草堂集不多選。選人者如玉蝴蝶坊刻竟逸去。又如杏花天思佳客諸作。混入他人。先輩多拈出以概時本之誤。陳造序云。高竹屋與史梅溪皆周秦之詞所作。要是不經人這語。其妙處少游美成亦未及也。湖南毛晉識。

夢窗稿四卷

補遺一卷

吳文英

夢窗稿目錄

甲稿

- | | | |
|--------|--------|--------|
| 鎖寒窗一調 | 尉遲杯一調 | 渡江雲一調 |
| 霜葉飛一調 | 瑞鶴仙五調 | 滿江紅一調 |
| 解連環二調 | 夜飛鵲一調 | 一寸金二調 |
| 繞佛閣一調 | 拜新月慢一調 | 水龍吟五調 |
| 玉燭新一調 | 解語花一調 | 慶宮春一調 |
| 宴清都三調 | 齊天樂五調 | 掃花遊四調 |
| 應天長一調 | 風流子二調 | 過秦樓一調 |
| 鬢京樂一調 | 寒翁吟一調 | 丁香結一調 |
| 六么令一調 | 隔浦蓮近一調 | 荔枝香近二調 |
| 浪淘沙慢一調 | 西平樂慢一調 | 瑞龍吟二調 |
| 大舖二調 | 解蹀躞一調 | 倒犯一調 |
| 花犯二調 | 浣溪沙四調 | 玉樓春一調 |
| 點絳脣二調 | 訴衷情三調 | 夜遊宮二調 |
| 醉桃源三調 | 如夢令一調 | 翠江南二調 |
| 定風波一調 | 月中行一調 | 虞美人一調 |

宋六十名家詞

菩薩蠻一調

賀新郎二調

邊羅門引二調

祝英臺近二調

西子妝慢一調

江南春一調

夢芙蓉一調

高山流水一調

霜花映一調

澡蘭香一調

玉京謠一調

探芳新一調

鳳池吟一調

念奴嬌一調

惜紅衣一調

江南好一調

雙喜燕一調

洞仙歌二調

乙稿

江神子四調

風入松四調

雙梁樓三調

天香一調

玉漏遲二調

金盞子二調

永遇樂二調

玉蝴蝶二調

絳都春五調

惜秋華四調

惜黃花慢一調

十二郎一調

燭影搖紅二調

醉奴兒二調

木蘭花慢四調

喜遷鶯二調

探芳信一調

聲聲慢七調

高陽臺四調

翠樓芳一調

三姝媚二調

畫錦堂二調

漢宮春一調

花心動二調

八聲甘州三調

新雁過妝樓二調

淒涼調一調

尾犯一調

東風第一枝

夜合花一調

丙稿

- 丹鳳吟一調
生查子一調
點絳脣一調
燭影搖紅一調
宴清都一調
木蘭花慢一調
朝中措一調
燭影搖紅一調
宴清都一調
西江月一調
惜秋華一調
慶春宮一調
柳梢青一調
水龍吟二調
寒垣春一調
探芳信一調
- 喜遷鶯一調
玉漏遲一調
絳都春一調
掃花遊一調
桃源憶故人一調
水龍吟一調
寒翁吟一調
尾犯一調
聲聲慢一調
朝中措一調
聲聲慢一調
蝶戀花一調
燭影搖紅一調
浣溪沙二調
一翦梅一調
燕歸梁一調
- 柳梢青一調
一翦梅一調
祝英臺近一調
西江月一調
浣溪沙一調
夜行船一調
風入松一調
水龍吟一調
永遇樂一調
秋蕊香一調
點絳脣二調
玉樓春一調
齊天樂一調
探春慢一調
木蘭花慢一調
解語花一調

宋六十名家詞

祝英臺近一調

烏夜啼一調

浪淘沙一調

踏莎行一調

齊天樂一調

繞佛閣一調

秋蕊香一調

疏影一調

聲聲慢一調

木蘭花慢一調

瑞鶴仙一調

浪淘沙一調

水調歌頭一調

思佳客一調

垂絲釣一調

喜遷鶯一調

西河一調

點絳脣一調

滿江紅一調

祝英臺近一調

珍珠簾一調

滿江紅一調

木蘭花慢一調

極相思一調

醉蓬萊一調

三部樂一調

秋思耗一調

法曲獻仙音一調

愁春未醒一調

月中行一調

丁稿

瑞龍吟一調

瑞鶴仙一調

思佳客一調

沁園春一調

齊天樂一調

玉樓春一調

醉落魄一調

蝶戀花一調

朝中措一調

江城梅花引一調

杏花天一調

倦尋芳一調

滿江紅一調

朝中措一調

龍山會一調

夢行雲一調

天香一調

謁金門一調

- 鸞啼序一調
 夜遊宮一調
 絳都春一調
 瑞鶴仙一調
 思佳客一調
 蕙蘭芳引一調
 卜纓歌一調
 探芳信一調
 水龍吟一調
 天香一調
 採桑子一調
 西江月一調
 好事近一調
 鷓鴣天一調
 花上月令一調
 鳳棲梧一調
 賀新郎一調
 夜行船一調
 點絳脣一調
 如夢令一調
 漢宮春一調
 暗香一調
 宴清都一調
 探芳信一調
 青玉案一調
 採桑子一調
 燭影搖紅三調
 江神子一調
 清平樂一調
 滿江紅一調
 浣溪沙一調
 虞美人影一調
 卜算子一調
 江神子一調
 霜天曉角一調
 鳳栖梧一調
 繞佛閣一調
 醉桃源一調
 瑤花一調
 淒涼犯一調
 六醜一調
 惜黃花慢一調
 浣溪沙一調
 三姝媚一調
 望江南一調
 沁園春一調
 燕歸梁一調
 夜行船一調
 風入松一調
 訴衷情一調
 秋霖一調
 齊天樂一調
 烏夜啼一調
 生香子一調

宋六十名家詞

尾犯一調

慶春宮一調

霜天曉角一調

漢宮春一調

西江月一調

浣溪沙一調

應酬衾一調

催雪一調

杏花天一調

醉桃源一調

菩薩蠻一調

絕筆

鷓鴣序一調

夢窗補遺

聲聲慢一調

倦尋芳一調

絳都春一調

唐多令一調

法曲獻仙音一調

好事近一調

憶舊遊一調

宴清都一調

金縷歌一調

夢窗稿目錄終

夢窗甲藁

宋 吳文英

鎖寒窗 玉關

紺縷堆雲清灑潤玉。記人初見。蠻腥未洗。梅谷一懷悽惋。渺征槎去乘閩風。占香上國。幽心展。遺芳揜色。真姿凝淡。返魂騷畹。一盼千金換。又笑伴鴟夷共歸吳苑。離煙恨水。夢香南天秋晚。比來時瘦肌更銷。冷薰沁骨。悲鄉遠。最傷情送客咸陽。佩結西風怨。

尉遲杯 賦楊公小蓬萊

垂楊徑。洞鑰啓時。遺流鶯迎。涓涓暗谷流紅。應有緗桃千頃。臨池笑鬢。春色滿銅華。弄妝影。記年時。試酒新陰。褪花曾采新杏。蛛窗繡網玄經。纔石研開奩。雨潤雲凝。小小蓬萊香一掬。愁不到朱嬌翠靚。清尊伴人間。永日。斷琴和棋聲。竹露冷。笑從前醉臥紅塵。不知仙在人境。

渡江雲 西湖清明

羞紅鬢淺。恨晚風未落。片繡點重茵。舊隄分燕尾。桂棹輕鷗。寶勒倚殘雲。千絲怨碧。漸路入仙塢。迷津。腸漫回。隔花時見。背面楚腰身。逡巡題門惆悵。墮履牽縈。數幽期難准。還始覺留情。綠寬帶眼。因春明朝事。與孤煙冷。做滿湖風雨。愁人山黛暝。澄波淡綠無痕。

霜葉飛 重九

斷煙離緒關心事。斜陽紅隱霜樹。半壺秋水薦黃花。香噴西風雨。縱玉勒輕飛迅羽。悽涼誰弔。荒臺古記醉踏南屏。彩扇咽寒蟬倦夢。不知鬢素。聊對舊節傳杯。塵牋蠹管。斷闌經歲。慵賦小蟾斜影。轉東籬。夜冷殘蛩語。早白髮。綠愁萬縷。驚颿從捲烏紗去。漫細將茱萸看。但約明年。翠微高處。

瑞鶴仙（秋感）

淚荷拋碎壁。正漏雲篩雨。斜梢窗隙。林聲怨秋色。對小山不迭。寸眉愁碧。涼欺岸幘。暮砧催銀屏翦尺。最無聊。燕去堂空。舊幕暗塵羅額。行客西園有分。斷柳淒花。似曾相識。西風破屐。林下路。水邊石。念寒蛩殘夢。歸鴻心事。那聽江村夜笛。看雪飛蘋底。蘆稍未如鬢白。

又（春感）

晴絲牽緒亂。對滄江斜日。花飛人遠。垂楊暗芙苑。正旗亭煙冷。河橋風暖。蘭情蕙盼。惹相思春根酒畔。又爭如。吟骨縈消。漸把舊衫重翦。漢斷流紅。千浪缺月孤樓。總難留燕。歌塵凝扇。待憑信。拚分鈿。試挑燈欲寫。還依不忍。牋幅偷和淚。捲寄殘雲。剩雨蓬萊。也應夢見。

又（贈絲窸莊生）

藕心抽盡。繭引翠鍼行處。冰花成片。金門從迴鞦。兩玉鳧飛上。繡絨塵幘。絲絢侍宴。曳天香春風宛轉。傍星辰直上。無聲。緩躡素雲歸晚。寄跡平康得意。醉踏香泥。潤紅沾線。良工詫見。吳

蠶睡海沈檀。任眞珠妝綴。春巾客屨。今日風流霧散。侍官供禹步。晨遊退朝燕殿。

又（饒郎糾曹之戲陵分韻得直字）

夜寒吳館窄。漸酒闌燭暗。猶分香澤輕颺。展爲翻送高鴻飛過。長安南陌。漁磯舊迹。有陳蕃虛牀挂壁。掩庭扉。蛛網黏花。細草靜搖春碧。還憶洛陽年少。風露秋繁。歲華如昔。長吟墮幘暮潮送。富春客算玉堂不染梅花清夢。宮漏聲中夜直。正逋仙清瘦黃昏幾時覓得。

又（贈道女陳華山內夫人）

綵雲棲翡翠。聽鳳笙吹下。飛軒天際。晴霞翦輕袂。澹春姿雪態。寒梅清泚。東皇有意。旋安排闌干十二。早不知爲雨爲雲。盡日建章門閉。堪比紅綃纖素。紫燕輕盈。內家標致。遊仙舊事。星斗下。夜香裏。華峯紙屏橫幅。春色長供午睡。更醉乘玉井。秋風采花弄水。

滿江紅（灤山湖）

雲氣樓臺分一派。滄浪翠蓬。開小景。玉盆寒浸。巧石盤松。風送流花時過岸。浪搖晴棟欲飛空。算鮫宮祇隔一紅塵。無路通。神女駕。凌曉風。明月佩響。丁東對兩蛾。猶鎖怨絲煙。中秋色未教飛盡雁。夕陽長是墜疎鐘。又一聲欸。乃過前巖移釣篷。

解連環（秋情）

暮簷涼薄。疑清風動竹。故人來邈。漸夜入。閑引流螢弄微照。素懷暗呈纖白。夢遠雙成。鳳笙香

玉繩西落掩綈帷倦入又惹舊愁汗香闌干銀瓶恨沈斷索歎梧桐未秋露井先覺抱素影
明月空闌早塵損丹青楚山依約翠冷紅衰怕驚起西池漁躍記湘娥絳綃暗解褪花墜夢

又（留別石帶）

思和雲結斷江樓望隄雁飛無極正岸柳衰不堪攀忍持贈故人送秋行色歲晚來時暗香亂
石橋南北又長亭暮雪點點淚痕總成相憶杯前寸陰似擲幾酬花信月連夜浮白省聽風
聽雨笙簫向別枕倦醒絮颺空碧片葉愁紅趁一舸西風潮沙歎滄波路長夢短甚時到得

夜飛鵲（疊白戶席上南花）

金規印遙漢庭浪無紋清雪冷沁花薰大街曾醉美人畔涼枝移插烏巾西風驟驚散念枝懸
愁結帶翳離痕中郎舊恨寄橫竹吹裂哀雲空剩露華煙彩人影斷幽芬深閉千門渾似飛
仙人夢羅襪微步流小青蘋輕沐潤恨今朝不共清尊怕雲樣來晚流紅信香縈斷秋魂

一寸金（贈筆工劉衍）

秋入中山竹葉牽盧縱長獵見駭毛飛雪章臺獻穎臞腰束縞湯沐疏邑篋管刊瓊牒蒼梧恨
帝娥暗泣陶郎老憔悴玄香禁苑猶催夜俱入自歎江湖雕碧心盡相攜蠹魚篋念醉魂悠
颺折釵錦字點髻掀舞流觴春帖還倚荆溪鐵金刀氏尚傳舊業勞君爲脫帽蓬窗寫情題水
葉

又（秋感）

秋壓更長。看見姮娥瘦如束。正古花搖落。寒帶滿地。參梅吹老。玉龍橫笛。霜被芙蓉宿。紅錦香
尚欺暗燭。年年記一種淒涼。繡幌金圓。挂香玉。頑老情懷。都無懽事。良宵愛幽燭。歎畫圖難
做。橋村砧思。篋裏有約。蓴洲魚屋。心景憑誰語。商絃重袖。寒轉軸。疎籬下。試覓重陽。醉擘青露
菊。

繞佛閣（旅思）

暗塵四斂。樓觀迥出孤館。清漏將短。厭聞夜久籤聲動。書幔桂花又滿。閑步露草。偏愛幽遠。花
氣清婉。望中迤邐。越陰度河岸。倦客最蕭索。醉倚斜陽穿柳綫。還似汴隄虹梁。橫水面。看浪
颺春燈。舟下如箭。此行重見。歎故友難逢。羈思空亂。兩眉愁向誰舒展。

拜新月慢（姜石帚以盆蓮數十置中庭宴客其中）

絳雪生涼。碧霞籠夜。小立中庭蕪地。昨夢西湖。老扁舟身世。歎遊蕩。暫賞吟花酌露尊俎。冷玉
紅香。鼻洗眼眩意迷。古陶洲十里。翠參差。淡月平芳砌。甄花濕。小浪魚鱗起。霧盡淺障青羅
洗。湘娥春賦。蕩蘭煙。罽馥濃侵酒。吹不散。繡屋重門閉。又怕便綠減。西風泣。秋擎燭外。

水龍吟（惠山酌泉）

豔陽不到青山。古陰冷翠成秋苑。吳娃點黛。江妃擁髻。空濛遮斷。樹密藏溪。草深迷市。峭雲一

片二十年舊夢。輕鷗素約。霜絲亂。朱顏變。龍吻春霏玉濺。煮銀瓶羊腸車轉。臨泉照影。清寒沁骨。客塵都洗。鴻漸重來。夜深華表。露峯鶴怨。把閑愁換與樓前晚色。棹滄波遠。

又（賦張斗擊家古松五粒）

有人獨立空山。翠髯未覺霜顏老。新香秀粒。濃光綠浸。千年春小。布影參旗。障空雲蓋。沈沈秋曉。駟蒼虬萬里。笙飛鳳女。騰飛乘天風曼。般巧霜斤不到。漢遊仙相從最早。皺鱗細雨。層陰藏月。朱弦古調。問訊東橋。故人南嶺倚天嘯。待凌霄謝了。山深歲晚。素心財表。

又（壽尹梅津）

望春樓外滄波。舊年照眼青銅鏡。煉成寶月。飛來天上。銀河流影。紺玉鉤簾。處橫犀塵。天香分鼎。記殷雲殿。瑣花翦露。曲江畔。春風勁。槐省紅塵。書靜。午朝回吟生晚興。春霖繡筆。鶯邊清曉。金狨旋整。閨苑芝仙。貌生綃對綠窗深景。弄瓊英數點。宮梅信早。占年光永。

又（送萬信州）

幾番時事重論。座中共惜斜陽下。今朝翦柳。東風送客。功名名近也。約住飛花。暫職留燕。更禁情話。問千牙。過闕一封入奏。忠孝事都應寫。聞道蘭臺清暇。幾鷗夷煙江一舸。貞元舊曲。如今誰聽。惟公和寡兒。騎空迎舜瞳。回盼玉階前。借便急回暖律。天邊海上。正春寒夜。

又（癸卯元夕）

淡雲籠月微黃。柳絲淺色東風緊。夜寒舊事。春期新恨。眉山碧遠。塵陌飄香。繡籠垂戶。趁時妝面。細車催去。急珠囊袖。冷愁如海。情一綫。猶記初來吳苑。未清霜。飛鷺霜髻。嬉遊是處。風光無際。舞窗歌舊。陳迹。征衫。老容華鏡。懽懽都盡。向殘燈。夢短。梅花曉角。爲誰吟怨。

玉燭新（春情）

花穿簾隙透。向夢裏。消春酒。中延晝。嫩篔細招。相思字。墮粉輕粘。袖章臺別後。展繡絡。紅蕩香舊。應數歸舟。愁凝畫闌眉柳。移燈夜語。西窗。逗曉長迷。香問何時。又素紈乍試。還憶是。繡懶思酸時候。蘭清蕙總。未比蛾眉。螭首誰塑。與惟有金籠。春篋細奏。

解語花（梅花）

門橫皴碧。路入蒼煙。春近江南岸。暮寒如翦。臨溪影。一半斜清淺。飛寒弄晚。蕩千里。暗香半遠。端正看瓊樹。三枝總似蘭昌見。酥瑩雲容。夜暖。伴闌朝。清瘦。蕭風柔婉。冷雲荒翠。幽悽久無語。暗申春怨。東風半面。料准擬。何郎詞卷。歡未闌。煙雨青黃。宜晝陰庭館。

慶宮春（旅思·附清真）

雲接平岡。山圍寒野。路回漸轉孤城。衰柳啼鴉。驚風驅雁。動人一片秋聲。倦途休駕。淡煙裏。微茫見。星塵埃。憔悴生。怕黃昏。離思索索。華堂舊日。逢迎花豔。參差香露。飄客絃管。當頭偏憐。嬌鳳夜深。篔暖。笙清。眼波傳意。恨密約。幽怨未成。許多煩惱。只爲當時。一餉留情。

宴清都（連理海棠）

繡帳鴛鴦柱。紅清密、膩雲低護秦樹。芳根兼倚，花梢細合，錦屏人妒。東風睡足交枝，正夢枕瑤
釵。蕙股障，灑蠟滿照歡蕊。整蟾冷落羞度。人間萬感幽單，華皮慣浴春盡風露。連鬢並暖，同
心共結，向承恩處，憑誰爲歌長恨。暗殿鎖秋燈，夜語叙舊期，不負春盟紅朝翠暮。

又（壽榮王夫人）

萬壑蓬萊路。非煙霽、五雲城闕深處。璇源媿鳳，瑤池種玉，煉顏金姥。長虹夢入僊懷，便洗日銅
華翠渚。向瑞世、獨占長春蟠桃正飽風露。殷勤漢殿傳后，隔江雲起，暗飛青羽。南山壽石東
周寶鼎千秋帶，固何時地拂龍衣，待迎入玉京閭闔，看膽擁湖船三千綵御。

又（秋意）

萬里關河眼。愁凝處、渺渺殘照紅斂。天低遠樹，潮分斷巷，路迴淮甸。吟鞭又指孤店，對玉露金
風送晚。恨自古才子佳人，此景此情多感。吳王故苑別來，良朋雅集，空歎蓬轉。揮毫記燭，飛
觴邀月，夢消香斷。區區去情何限。倩片紙、丁寧過雁。寄相思、寒雨燈窗，芙蓉舊院。

齊天樂（齊雲樓）

凌朝一片陽臺影。飛來太空不去。棟與參橫，簾鉤斗曲，西北城高幾許。天聲似語，便闔闔輕排
虹河平迥。問幾陰晴，霸吳平地漫今古。西山橫黛瞰碧，眼明應不到，煙際沉鷺。臥笛長吟，層

羅乍裂。寒月溟溟千里。憑虛醉舞。夢疑白闌干。化爲飛霧。淨洗青紅。驟飛滄海雨。

又（春暮）

新煙初試。花如夢。疑收楚峯殘雨。茂苑人歸。秦樓燕宿。同惜天涯爲旅。遊情最苦。早柔綠迷津。亂莎荒圃。數樹梨花。晚風吹墮半汀鷺。流紅江上去。遠翠尊曾共醉。雲外別墅。淡月鞦韆幽香巷。陌愁結傷春深處。聽歌看舞。駐不得。當時柳。蠻櫻素睡。起慳慳。洞簫誰院宇。

又（別情）

煙波桃葉西陵路。十年斷魂潮尾。古柳重攀。輕瀉聚別。陳迹危亭獨倚。涼颺乍起。渺煙橫飛帆。暮山橫翠。但有江花。共臨秋鏡照憔悴。華堂燭暗送客。眼波回盼處。芳豔沈水。素骨凝冰。柔葱蘸雪。猶憶分瓜深意。清尊未洗。夢不溼行雲。漫沾殘淚。可惜秋宵。亂蛩疎雨裏。

又（壽李王夫人）

玉皇重賜瑤池宴。瓊筵第二十四。萬象澄秋。羣裾曳玉。清澈冰壺人世。鼇峯對起。許分得鈞天。鳳絲龍吹。翠羽飛來。舞鸞曾賦曼桃字。鶴胎曾夢電繞桂根。看驟長玉幹金蕊。少海波新。芳第露滴。涼入堂階。綠戲香霖。乍洗擁蓮媛。三千羽裳。風佩聖姥朝元。煉顏銀漢水。

又（贈姜石帚）

餘香纔潤鸞綃汗。秋風夜來先起。霧鎖林深。藍浮野闊。一笛漁蓑。滬外紅塵萬里。就中決銀河。

冷涵空翠。岸嘴沙平。水楊陰下。晚初艤。桃溪人住最久。浪吟誰得到。蘭蕙疏綺。研色寒雲。籤聲亂葉。斬竹簾紋如水。笙歌醉裏。步明月。丁東靜。傳環珮。更展芳塘。種花招燕子。

掃花遊（西湖寒食）

冷空淡碧。帶霧柳輕雲。護花深霧。豔晨易午。正笙簫競波。綺羅爭路。驟捲風埃。半掩長娥翠嫵。散紅縷。漸紅溼杏泥。愁燕無語。乘蓋爭避處。就解珮旗亭。故人相遇。恨春太妒。濺行裙更惜。風鉤塵汗。醉入梅根。萬點啼痕。暗樹。峭寒暮更蕭蕭。隨頭人去。

又（春雪）

水雲共色。漸斷岸飛花。雨聲初峭。步帷素裊。想玉人誤惜。章臺春老。岫斂愁蛾。半洗鉛華未曉。艤輕棹。似山陰。夜晴乘興初到。心事春縹緲。記徧地梨花。弄月斜照。舊時鬪草。恨淩波路。鑰小庭深窈。凍澁瓊簫。漸入東風。鄧調暖回早。醉西園亂紅休掃。

又（贈芸隱）

草生夢碧。正燕子簾幃。影遲春午。倦茶薦乳。看風籤亂葉。老沙昏雨。古簡蠹篇。種得雲根療蠹。最清楚。帶明月。白鋤花外幽圃。醒眼看醉舞。到應事無心。與閒同趣。小山有語。恨逋僊占卻。暗香吟賦。暖逼書牀。帶草春搖翠。露未歸去。正長安。鞦韆紅如霧。

又（送春古江村）

水園沁碧。驟夜雨飄紅。竟空林鳥。豔春過了。有麝香墜。細尙遺芳草。步繞新陰。漸覺交枝徑小。醉深窈。愛綠葉翠圓。勝看花好。芳架雪未掃。怪翠被佳人。困迷清曉。柳絲繫棹。問閭門自古。送春多少。倦蝶慵飛。故撲簪花破帽。醉殘照。掩重城暮鐘不到。

應天長（吳門元夕）

麗花鬪鬢。清麝灑塵。春聲偏漏芳陌。竟路障空雲暮。冰壺浸霞色。芙蓉詞賦客。競繡筆醉嫌天色。（作窄）素娥下小駐。輕鑣眼亂紅碧。前事頓非昔。故苑年光。渾與世相隔。向暮巷空人絕。殘燈耿塵壁。淩波恨。簾戶寂。聽怨寫墮梅哀笛。竚立久。雨暗河橋。譙漏疎滴。

風流子（芍藥）

金谷已空塵。薰風轉國色。返春魂。半欹雪醉霜。舞低鸞翅。絳籠蜜炬。綠映龍盆。窈窕繡窗人睡起。臨砌脈無言。慵整墮鬢。怨時遲暮。可憐憔悴。啼雨黃昏。輕橈移花市。秋娘渡。飛浪濺溼行裙。二十四橋南北。羅薦香分。念碎劈芳心。縈思千縷。贈將幽素。偷翦重雲。終待鳳池歸去。催詠紅翻。

又（前題）

溫柔酣紫曲。揚州路。夢繞翠盤龍。似日長。傍枕墮妝偏髻。露濃如酒。微醉欹紅。自別楚嬌天正遠。傾國見吳宮。銀燭夜闌。暗聞香澤。翠陰秋寂。重返春風。芳期嗟輕誤。詫君去。腸斷妾若爲。

容。惆悵舞衣。帶損露綺千重。料繡窗曲理。紅牙拍碎。禁階敲徧。白玉盃空。猶記弄花相謔。十二
闌東。

過秦樓（芙蓉）

藻國淒迷。麴塵澄映。怨入粉煙藍霧。香籠廚水。膩漲紅波。一鏡萬妝爭妒。湘女歸魂。佩環玉冷
無聲。凝情誰想。又江空月墮。淩波塵起。綵鴛愁舞。還暗憶。鈿合藍橈。絲牽瓊腕。見的更憐心
苦。玲瓏翠屋。輕薄冰綃。穩稱錦雲留住。生怕哀蟬。暗驚秋被紅衰。啼珠零露。能（夫聲）西風老
盡。羞趁東風。嬖與。

還京樂（筆篋琵琶方響迭奏）

宴蘭渝。促奏絲絃。筦裂飛繁響。似漢宮人去。夜深獨語。胡沙淒哽。對雁斜。攷桂瓊瓊。弄玉臨秋
影。風吹遠。河漢去。槎天風吹冷。汎清商。竟轉銅壺。敲漏瑤牀。二八青娥。環珮再整。菱歌四碧
無聲。變須臾。翠翳紅暎。歎梨園。今調絕音。希愁深未醒。桂楫輕如翼。歸霞時點清鏡。

塞翁吟（贈宏庵）

草色新宮綬。還跨紫陌驕馳。好花是。晚開紅。冷菊最香濃。□□□夢。燈外換幾秋風。叙
往約。桂花宮。爲別翦珍叢。雕欄行人去。秦腰腿。玉心事。稱吳女。暈濃。向春夜。聞情賦。就想初
寄上國書時。唱入眉峯。歸來共酒。窈窕紋肉。蓮卸新蓬。

丁香結（秋日海棠）

香燼紅暈影高銀燭。曾縱夜游濃醉。正錦溫瓊膩。被燕踏暖雪。驚翻庭砌。馬嘶人散後。秋風換。故園夢裏。吳霜融曉。陡覺晴動。偷春花意。這似海霧似僊山。喚覺環兒半睡。淺薄朱唇嬌羞。豔色自傷時。背簾外。寒挂淡月。向日鞦韆地。懷春情不斷。猶帶相思舊字。

六幺令（七夕）

露蛩初響。機杼還催織。婺星爲情慵懶。佇立明河側。不見津頭艇子。望絕南飛翼。雲梁千里。塵緣一點。回首西風又陳迹。那知天上計拙。乞巧樓南北。瓜果幾度淒涼。寂寞羅池客。人事回廊縹緲。誰見金釵擘。今夕何夕。杯殘月墮。但耿銀河漫天碧。

隔浦蓮近（泊長橋過重午）

榴花依舊照眼。愁腿紅絲腕。夢繞煙江路。汀菰綠薰風晚。年少驚送遠。吳蠶老。恨緒縈抽繭。旅情懶。扁舟繫處。青帘濁酒須換。一番重午。旋買香蒲浮棹。新月湖光蕩。素練人教。紅衣香在。南岸。

荔支香近

（送人遊南徐）

錦帶吳鉤。征思橫淮水。夜吟敲落霜紅。船傍楓橋繫。相思不管年華。喚酒吳娃市。因詰駐車新隄步。秋綺。淮楚尾。暮雲送人千里。細雨南樓。香密錦溫曾醉。花谷依然。秀鬢偷春小桃李。爲

語夢窗憔悴。

又(七夕)

睡輕時聞晚鵲噪庭樹。又說今夕天津。西畔重歡遇。蛛絲暗鎖紅樓。燕子穿簾處。天上未比人間更情苦。秋鬢改。妒月姊長眉嫵。過雨西風。數葉井梧愁舞。夢入藍橋。幾點疎星映朱戶。淚溼沙邊凝竚。

浪淘沙慢(賦李尚書山園)

夢仙到吹笙路。杏度蠟雲滑。溪谷冰銷未裂。金鋪書鎖乍掣。見竹靜梅深春海闊。有新燕畫簾低說。念漢履無聲跨鯨遠。年年謝橋月。曲折畫闌盡日憑熱。半盛起玲瓏樓閣畔。縹緲鴻去絕。飛絮颺東風。天外歌闌睡紅醉。纈還是催寒食。看花時節。花下蒼苔盛羅襪。銀燭短漏壺易竭。料池柳不攀風送別。倩玉兔別搗秋香。更醉踏千山冷翠飛晴雪。

西平樂慢(春感 重過西湖先賢堂)

岸歷郵亭路。歇華表。隄樹舊色依依。紅紫新晴。翠陰寒食。天涯倦客重歸。歎綠草平煙帶苑。幽渚塵香蕩晚。當時燕子無言對立斜暉。追念吟風賞月。十載事夢惹綠楊絲。畫船爲市。天妝豔水。日落雲沈。人換春移。誰更與苔根澆石。菊井招魂。漫省連車載酒。立馬臨花。猶認薦紅傍路枝。歌斷燕闌。榮華露草。冷落山邱。到此徘徊。細雨西城。羊曇醉後花飛。

瑞龍吟（送梅津）

黯分袖。腸斷去水流萍。住船繫柳。吳宮嬌月。嬈花醉題恨倚。蠻江豆蔻。吐春繡。筆底噫情多少。眼波眉岫。新園鎖卻愁陰。露黃迷漫。委寒香半畝。還背垂虹秋去。四橋煙雨。一宵歌酒。猶憶翠微攜壺。烏帽風驟。西湖到日。重見梅鈿。誰家聽琵琶未了。朝曉嘶漏。印剖黃金籀。待來共凭齊雪話。舊莫唱朱櫻口。生怕遺樓前行雲知後。喉鴻怨角。空教人瘦。

又（德清清明競渡）

大溪面。遙望繡羽銜煙。錦梭飛練。桃花三十六陂。鮫宮睡起。嬌雷乍轉。去如箭。催趁戲旗遊。鼓素瀾。雪濺東風冷溼。蛟腥淡陰送晝。輕霏弄晚。洲上青蘋生處。鬪春不管。懷沙人遠。殘日半開。一川花影零亂。山屏醉纈。連棹東西岸。闌干到千紅妝。鬢鉛香不斷。傍暝疎簾捲。翠漣皺。淨笙歌未散。簪柳嬌桃嫩。猶自有玉龍黃昏吹怨。重雲暗閣。春霏一片。

大酺（春雨 附清真）

對宿煙收。春禽靜。飛雨時鳴高屋。牆頭青玉旆。洗鉛霜都盡。嫩梢相觸。潤逼琴絲。寒侵枕障。蟲網吹粘。籬竹郵亭無人處。聽簷聲不斷。困眠初熟。奈愁極頻驚。夢輕難記。自憐幽獨。行人歸意速。最先念。流潦妨車轂。奈向闌成。憔悴樂廣清羸。等閒時易。傷心日。未怪平陽客。雙淚落。笛中哀曲。況蕭索。青蕪國。紅糝鋪地。門外荊桃如菽。夜共誰秉燭。

又（荷塘小隱）

峭石帆收。歸期差。林沼半銷紅碧。漁蓑樵笠。買佳鄰。翻蓋。澆花新宅。地鑿桃陰。天澄藻鏡。聊與漁郎分席。滄波耕不碎。似藍田初種。翠烟生壁。料情屬新蓮。夢驚春草。斷橋相識。平生江海客。秀懷抱雲錦。當秋細。任歲晚陶籬菊暗。逋塚梅荒。總輸玉井。膏甘液。忍棄紅香葉。集楚裳。西風催著。正明月秋無極。歸隱何處。門外垂楊天窄。放船五湖夜色。

解蹀躞（別情）

醉雲又。黛醒雨。楚夢如來往。倦蜂剛著。梨花惹游蕩。還做一段相思。冷波葉舞愁紅。送人雙漿。暗凝想。情共天涯秋黯。朱橋鎖深巷。會稀投得。輕分頓惆悵。此去幽曲誰來。可憐殘照西風。半妝樓上。

倒犯（贈黃復蕪）

茂苑共。鶯花醉吟。歲華如許。江湖夜雨。傳書問雁多幽阻。清溪上。慣來往。扁舟輕如羽。到輿懶歸來。玉冷耕雲圃。按瓊簾。賦金縷。回首詞場。動地聲名。春雷初啓戶。枕水臥漱石。數間屋。梅一塢。待共結良朋侶。載清尊。隨花追野步。要未若城南。分取溪隈住。畫長看柳舞。

花犯（謝黃復蕪除夜寄古梅枝）

翦橫枝。清溪分影。脩然鏡空曉。小窗春到。憐夜冷霜娥。相伴孤照。古苔淚鎖霜千點。蒼華人共

老料。淺雪黃昏驛路。飛香遺凍草。行雲夢中認瓊娘。冰肌瘦。窈窕風前。纖綺殘醉。醒屏山外。翠禽聲小。寒泉貯。紺壺漸暖。年事對青燈。驚換了。但恐舞一簾胡蝶。玉龍吹又杳。

又（水僮）

小娉婷。清鉛素靨。蜂黃暗偷暈。翠翹欹鬢。昨夜冷中庭。月下相認。睡濃更苦。淒風緊。驚回心未穩。送曉色。一壺葱蒨。掩知花夢準。湘娥化作此幽芳。凌波路。古岸雲沙遺恨。臨砌影。寒香亂。凍梅藏韻。薰爐畔。旋移傍枕。又還見。玉人垂紺鬢。料喚賞。清華池館。臺杯須滿引。（重押鬢字）

浣溪沙（觀美人戲日遊承天）

千蓋籠花鬪勝春。東風無力掃香塵。盡沿高閣步紅雲。閒裏暗牽經歲恨。街頭多認舊年人。晚鐘催散又黃昏。

又（琴川慧日寺觀栢）

蝶粉蜂黃大小喬。中庭寒盡雪微銷。一般清瘦各無聊。窗下和香封遠訊。牆頭飛玉怨鄰簫。夜來風雨洗春嬌。

又（春情）

門隔花深夢舊遊。夕陽無語燕歸愁。玉簫香動小簾鉤。落絮無聲春墮淚。行雲有影月含羞。東風臨夜冷於秋。

又(桂)

曲角深簾隱洞房。正嫌玉骨易愁黃。好花偏占一秋香。夜氣清時初傍枕。曉光分處未開窗。可憐人似月中孀。

玉樓春(京市舞女)

茸茸狸帽遮梅額。金蟬羅翦胡衫窄。乘肩爭看小腰身。倦態強隨開鼓笛。問稱家住城東陌。欲買千金應不惜。歸來困頓帶春眠。猶夢婆娑斜趁拍。

點絳脣(春暮)

時。雲清明。載花不過西園路。嫩陰綠樹。政是春留處。燕子重來。往事東流去。征衫貯。舊寒一縷。淚溼風簾絮。

又(試燈夜初晴)

捲盡愁雲。素娥臨夜新梳洗。晴塵不起。酥潤凌波地。輦路重來。彷彿燈前事。情如水。小樓薰被。春夢筆歌裏。

訴衷情(春曉)

陰陰綠潤暗啼鴉。陌上斷香車。紅雲深處春在。飛出建章花。春此去。那天涯。幾煙沙。忍教芳草狼籍斜陽。人未歸家。

又（春晴）

柳腰空舞翠裙煙。盡日不成眠。花塵浪捲清晝，漸變晚陰天。吳社水，繫游船。又經年。東風不管燕子初來，一夜春寒。

又（七夕）

西風吹鶴到人閒。涼月滿縱山。銀河萬里秋浪，重載客槎還。河漢女，巧雲鬟。夜闌干。釵頭新約，鍼眼嬌顰，樓上秋寒。

夜遊宮

（竹窗聽雨坐久，隱几就睡，既覺見水仙娟娟于燈影中）

窗外梢溪雨響。映窗裏、花燈冷。渾似瀟湘繫孤艇。見幽仙、步凌波、月邊影。香苦欺寒勁。漆夢繞滄濤千頃。夢覺新愁舊風景。紺雲欹玉搔斜。酒初醒。

又（春晴）

春語鶯迷翠柳。煙隔斷、晴波遠岫。寒壓重簾幔。拖繡袖。鑪香倩東風與吹透。花訊催時候。舊相思偏供閒晝。春淡情濃半中酒。玉痕消似梅花更清瘦。

醉桃源（贈盧長笛）

沙河塘上舊遊嬉。盧郎年少時。一聲長笛月中吹。和雲和雁飛。驚物換，歎星移。相看兩鬢絲。斷腸吳苑草淒淒。倚樓人未歸。

又(芙蓉)

青春花柳不同時。淒涼生較遲。豔妝臨水最相宜。風來吹繡漪。驚舊事。問長眉。月明僂夢回。恁闌人。但覺秋肥。花愁人不知。

又(會歌豐樂樓)

翠陰濃合時。鶯隄春如日。墜西畫圖新展。遠山齊。花深十二梯。風絮晚。醉魂迷。隔城聞馬嘶。落紅微沁。繡鴛泥。鞦韆教放低。

如夢令(春景)

鞦韆爭鬧粉牆閒。看燕紫鶯黃。啼到綠陰處。喚回浪子閒忙。春光春光。正是拾翠尋芳。

望江南(賦畫臨照女)

衣白苧。雪面墮愁鬢。不識朝雲行雨處。空隨春夢到人閒。留向畫圖看。慵臨鏡。流水洗花顏。自織蒼煙湘淚冷。誰撈明月海波寒。天淡霧漫漫。

又(茶)

松風涼。鶯燕靜幽芳。妝褪官梅人倦繡。夢回春草日初長。瓷碗試新湯。笙歌斷。情與絮悠颺。石乳飛時離鳳怨。玉纖分處露花香。人去月斜廊。

定風波(春情)

密約偷香。踏青小車隨馬過南屏。回首東風消鬢影。重省十年心事。夜船燈。離骨漸塵橋下水。到頭難減景中情。兩岸落花殘。酒醉煙冷。人家垂柳未清明。

月中行（和黃復庵）

疎桐翠竹早驚秋。葉葉雨聲愁。燈前倦客老貂裘。燕去柳邊樓。吳呂寂寞空煙水。渾不認舊采菱洲。秋花旋結小盤虬。蝶怨夜香留。

虞美人（秋感）

背庭綠怨花羞墜。心事遙山裏。小簾愁捲月籠明。一寸秋懷。禁得幾蛩聲。井梧不放西風起。供與離人睡。夢和新月未圓時。起看簷蛛。結網又尋思。

菩薩蠻（春情）

綠波碧草長隄色。東風不管春狼藉。魚沫細痕圓。燕泥花睡乾。無情牽怨抑。畫舸紅樓側。斜日起憑闌。垂楊舞曉寒。

賀新郎（湖上有所贈）

湖上芙蓉早。向北山煙深霧冷。更看花好。流水茫茫城下夢。空指遊仙路杳。笑蘿障雲屏親到。雪玉肌膚春溫夜。飲湖光山綠。成花貌。臨澗水。弄清照。著愁不盡宮眉小。聽一聲想思曲裏。賦情多少。紅日闌干鴛鴦枕。那柱裙腰褪了。算誰識垂楊秋裊。不是秦樓無緣分。點吳霜羞帶。

簪花帽。但帶酒。任天曉。

又（爲德清趙令君賦小垂虹）

浪影龜紋。皺。蘸平煙。青紅半溼。枕溪窗。牖。千尺晴霞。慵臥水。萬疊羅屏。擁繡。慢幾度。吳船回首。歸雁五湖。應不到。問蒼茫。釣雪人知否。樵唱杏度深秀。重來趁得花時候。記留連。空山夜雨。短亭春酒。桃李新栽。成蹊處。盡是行人去後。但東閣。官梅清瘦。欸乃一聲。山水綠。燕無言。風定垂簾畫。寒正悄。鞦韆吟袖。

婆羅門引（爲懷寧趙仇香賦）

香霏汎酒。瘴花初洗。玉壺冰。西風乍入吳城。吹徹玉笙何處。曾說董雙成。奈司空經慣。未暢高情。瑤臺幾層。但夢繞。曲闌行。空憶雙蟬。翠寂寂。秋聲。堂空露零。倩誰喚。行雲來。洞庭團扇。月只隔。煙屏。

又（郭清華席上爲放琴客而新有所盼賦以見喜）

風連亂翠。酒霏飄汗洗新妝。幽情暗寄蓮房。弄雪調冰重會。臨水暮追涼。正碧雲不破。素月微行。雙成夜笙。斷舊曲。解明璫。別有紅嬌粉潤。初試霓裳。分蓮調郎。又拈惹。花茸碧唾香。波暈切。一盼秋光。

祝英臺近（悼得趣贈宏庵）

黯春陰。收燈後。寂寞幾簾戶。一片花飛。人駕綵雲去。應是蛛網金徽。拍天寒水。恨聲斷。孤鴻洛浦。對君訴。團扇輕委桃花。流紅爲誰賦。□□□□。從今醉何處。可憐憔悴文園。曲屏春到。斷腸句。落梅愁雨。

又（上元）

晚雲開。朝雪霽。時節又燈市。夜約遺香。南陌少年事。笙簫一片紅雲。飛來海上。繡簾捲。湘桃春起。舊遊地。素娥城闕年年。新壯趁羅綺。玉練冰輪。無塵澆流水。曉霞紅處啼鴉。良宵一夢。畫堂正日。長人睡。

西子妝慢（悲窗自度腔 湖上清明酒遊）

流水趨塵。豔陽酷酒。畫舸遊情如霧。笑拈芳草不知名。乍淩波。斷橋西堦。垂楊漫舞。總不解將春繫住。燕歸來。問綵繩。纖手如今何許。懼盟誤。一箭流光。又趁寒食去。不堪衰鬢著飛花。傍綠陰。冷煙深樹。玄都秀句。記前度。劉郎曾賦。最傷心。一片孤山細雨。

江南春（張筠莊杜衡山莊）

風響牙籤。雲寒古硯。芳名猶在堂笏。秋牀聽雨。妙謝庭春草。吟筆。城市喧鳴。轍。清溪上。小山秀潔。使向此。搜松訪石。蒼屋營花。紅塵遠避風月。瞿塘路。隨漢節。記羽扇。綸巾。氣凌諸葛。青天萬里。料漫憶。尊絲鱸。雪車馬。從休歇。榮華事。醉歌耳熱。天與此翁。芳芷嘉名。緞蘭佩。兮瓊玦。

夢芙蓉（趙昌芙蓉圖粉津所藏）

西風搖步綺。記長隄驟過。紫驄十里。斷橋南岸。人在晚霞外。錦溫花共醉。當時曾共秋被。自別
霓裳。想紅銷翠冷。霜枕正慵起。慘淡西湖柳底。搖蕩秋魂。夜月歸環珮。畫圖重展。驚認舊梳
洗。去來雙翡翠。難傅眼。恨眉意。夢斷瓊僊。但雲深路杳。城影蘸流水。

高山流水（丁基仲側室善絲桐賦詠。曉達音呂。備歌舞之妙）

素絃一一起。秋風寫柔情。多在春葱。徽外斷腸聲。霜霄暗落驚鴻。低翠處。剪綠裁紅。仙郎伴。新
製還府舊曲。映月簾櫳。似名花並蒂。日日醉春濃。吳中空傳有西子。應不解。換徵移宮。蘭蕙
滿襟懷。唾碧總噴花茸。後堂深。想費春工。客愁重。時聽蕉寒雨。碎淚溼瓊鍾。恁風流也。稱金屋
貯嬌慵。

寄黃腹（香陽前一月汎石湖）

翠微路窄。醉晚風。悲誰爲整。欲冠霜飽。花映燭銷人瘦。秋光做也。都難病。懷強寬。恨雁聲偏落
歌前。記平時。舊宿淒涼暮。煙秋雨。野橋雲。妝鬢鬢英爭豔。度清商一曲。暗墜金蟬。芳節多陰
蘭情稀會。晴暉稱拂吟牋。更移畫船。引珮環。邀下嬋娟。算明朝。未了重陽。紫萸應奈看。

澡蘭香（淮安重午）

盤絲繁腕。巧篆垂簪。玉隱紺紗睡覺。銀瓶露井。彩筆雲窗。往事少年依約。爲當時。曾寫榴裙。傷

心紅綃褪夢，黍夢光陰漸。老汀洲煙霧，莫唱江南古調。怨抑難招，楚江沈魄，薰風燕乳，暗雨梅黃。午鏡深闌籬幕。念秦樓也，擬人歸，應翦菖蒲白酌。但悵望一縷新蟾，隨入天角。

玉京謠（陳仲文自號藏一，蓋取坡詩中萬人如海一身藏語爲度夷則商犯尤射宮腔製此贈之）

蝶夢迷清曉，萬里無家。歲晚貂裘敝，載取琴書。長安閒看桃李，爛錦繡人海花場。住客燕飄零，誰計春風裏，香泥九陌。文梁孤壘。微吟怕有詩聲翳。鏡慵看，但小樓獨倚，金屋千嬌，從他鴛暖秋被。薰帳移煙雨，孤山待對，影落梅清泚。終不似江上翠微流水。

探芳新（吳中元日承天寺遊人）

九街頭，正輦塵酥潤，雪消殘溜。禊賞祇園花，豔雲陰籠畫屏。梯空廚散，擁淩波，縈翠袖。歎年端，連環轉，爛熳遊人如繡。腸斷迴廊，佇久使寫黃灘波。傳愁蹙岫，漸沒飄鴻，空惹閒情春瘦。椒杯香乾，醉醒怕西窗人散後。暮寒深，遲回處，自攀庭柳。

鳳池吟（慶梅津自饒漕除石司耶官）

萬丈巍臺，碧岑窗外，袞袞野馬遊塵。舊文書几閣，昏朝醉暮，覆雨翻雲。忽變清明，紫垣敕使下星辰。經年事靜，公門如水，帝甸陽春。長年父老相語，幾百年見此，獨駕冰輪。又鳳鳴黃幕，玉霄平遡。鷗鷺錦輕恩，事省中書。半紅梅子薦鹽新。歸來晚，待慶吟殿閣，南薰。

念奴嬌（賦德明縣圃明秀亭）

思生晚眺。岸烏紗平步。春雲層綠。卷畫屏風開四面。各樣鶯花結束。寒欲殘時。香無著處。千樹風前玉遊蜂飛過。隔牆疑是金谷。偏稱晚色橫煙。愁凝蛾鬢。淡生綃幅。縹緲孤山南畔。路相對花房竹屋。溪足沙明。巖陰石秀。夢冷吟亭宿。松風古澗高調。月夜清曲。

惜紅衣

余從姜石帚遊苕霅間三十五年矣重來偶有感昔聊以詠懷

鷺老秋絲。蘋愁暮雪。鬢那不自。倒柳移棧。如今暗溪碧。烏衣細語。傷伴惹紅茸。曾約南陌。前度劉郎。尋流花踪跡。朱樓水側。雪面波光。汀蓮沁顏色。當時醉近繡箔。夜吟寂。三十六磯重到。清夢冷雲南北。買釣舟溪上。應有煙蓑相識。

好江南

友人還中吳密園坐客杯深情浹不覺沾醉越一日吾儕載酒問奇字時齋示江南好詞紀前夕之

事聊次韻

行錦歸來。畫眉添嫵。暗塵重拂雕籠。穩瓶泉暖。花隘鬪春容。圍密籠香晻。熨纖手新點團龍。溫柔處。垂楊彈髻。映立花紅。行藏多是客。鴛邊話別。橋下相逢。算江湖幽夢。頻繞殘鐘。好結梅兄攀弟。莫輕似西燕南鴻。偏宜醉寒欺酒力。簾外凍雲重。

雙雙燕

賦題

小桃謝後。雙雙燕飛來。幾家庭戶。輕煙曉暝。湘水暮雲遙度。簾外餘香未卷。共斜入紅樓深處。相將占得雕梁。似約韶光留住。堪舉。國朝翠羽。楊柳岸泥香半和。梅雨落花風軟。戲逐亂紅。

飛舞多少呢喃意緒盡日向流鶯分訴。還過短牆誰會萬千言語。

洞仙歌

方庵春日花勝宴客爲得羅慶花翁賦詞俾屬韻末

芳辰良宴人口春朝並細縷青絲裏銀餅更玉犀金綵沾座分簪歌闌暖梅鬢桃唇鬪勝露
房花曲折鶯入新年添個宜男小山枕待枝上飽東風結子成陰藍橋去還覓瓊漿一飲料別
館西湖最情濃爛畫舫月明醉宮袍錦

又賦黃木香贈辛稼軒

花中慣識歷架瓏瓏雪可見湘英閒琅葉恨春風將了染額人歸留得個萋萋垂香帶月鵝
兒眞似酒我愛幽芳還比茶蘼又嬌絕自種古松根待黃龍亂飛上蒼髯五鬣更老仙添與筆
端春敢喚起桃花問誰優劣

夢窗甲藁終

夢窗甲藁

二七

夢窗乙藁

江神子 李別駕招飲海棠花下

翠紗籠袖映紅暈。冷香飛。洗凝脂。睡足嬌多。還是夜深宜。翻怕迴廊花有影。移燭暗。放簾垂。尊前不按駐雲詞。料花枝。妒蛾眉。丁祝東風。莫送片紅飛。春重錦堂人盡醉。和曉月。帶花歸。

又 送桂花吳靈時已有檢詳之命未赴闕

天街如水翠塵空。建章宮。月明中人未歸來。玉樹起秋風。寶粟萬釘花露重。催賜帶。過垂虹。夜涼沈水繡簾櫳。酒香濃。霧濛濛。釵列吳娃。腰褭帶金蟲。三十六宮蟾觀冷。留不住。珮丁東。

又 十日荷塘小隱賞桂呈朔翁

西風來晚桂開遲。月宮移。到東籬。載蕪驚塵。吹下半冰規。擬喚阿嬌來小隱。金屋底。亂香飛。重陽還是隔年期。蝶相思。客情知。吳水吳煙。愁裏更多詩。一夜看承應未別。秋好處。雁來時。

又 送翁五峯白鶴江還都

西風一葉送行舟。淺遲留。艤汀洲。新浴紅衣。綠水帶香流。應是離宮城外晚。人竚立。小簾鉤。新歸重省別來愁。黛眉頭。半痕秋。天上人間。斜月繡針樓。湘浪莫迷花蝶夢。江上約。負輕鷗。

風入松 爲友人訪琴客賦

春風吳柳幾番黃。惜事小蠻窈。梅花正結雙頭夢。玉龍吹散幽香。昨夜燈前，歛黛今朝陌上啼妝。最憐無侶伴雛鶯。桃葉已春江。曲屏先暖鴛衾慣。夜寒深都是思量。莫道藍橋路遠，行雲只隔幽坊。

又（春晚感懷）

聽風聽雨過清明。愁草瘞花銘。樓前綠暗，分攜路，一絲柳一寸柔情。料峭春寒中酒，交加曉夢啼鶯。西園日日掃林亭。依舊賞新晴。黃蜂頻撲鞦韆索，有當時、纖手香凝。惆悵雙鴛不到，幽階一夜苔生。

又（桂）

蘭舟高蕩漲波涼。愁被矮橋妨。暮煙疎雨，西園路，誤秋娘。淺約宮黃。還泊郵亭喚酒，舊曾送客斜陽。蟬聲空曳別枝長。似曲不成商。御羅屏底翻歌扇，憶西湖、臨水開窗。和醉重尋幽夢，衾已斷薰香。

又（鄒舟妙香）

畫船簾密不藏香。飛作楚雲狂。傍懷半掩金爐燼，怕暖消春日朝陽。清馥晴薰殘醉，斷煙無限思量。凭闌心事隔垂楊。樓燕鎖幽妝。梅花偏惱多情月，慙溪橋流水昏黃。哀曲霜鴻悽斷，夢魂寒蝶悠颺。

豐樂樓（節齋新建此樓，夢窗淳熙十一年二月甲子作是詞，大書于壁，望幸焉。）

天吳駕雲閩海，凝春空、燦綺倒。銀海離影，西城四碧，天鏡無際。綵翼曳扶搖，宛轉雲龍降。尾交新霽，近玉虛、高處天風笑語吹墜。清濯鑄塵，快展曠眼，榜危闌醉倚。而屏障，一一鶯花葳羅。浮動金翠，慣朝昏、晴光雨色。燕泥動紅香，流水步新梯。藐視年華，頓非塵世。鱗翁衰鳥，領客登臨，座有誦魚美。翁笑起，離席而語，敢詫京兆，以後爲功。落成奇事，明良慶會，庶歌熙載。隆都觀國多閒暇，遺丹青雅飾繁華地。平瞻太極，天街潤納，璇題露狀。夜沈秋緯，清風觀闕，麗日梁暉。正午長漏遲，爲洗盡脂痕茸唾。淨捲麴塵，水畫低垂。繡簾十二，高軒駟馬，峨冠鳴珮。班回花底修禊飲，御爐香分朝衣袂。碧桃數點飛花湧，出宮溝，迺春高里。

又（春晚感懷）

殘寒政欺病酒，掩沈香繡戶。燕來晚，飛入西城，似說春事遲暮。畫船載清明過卻，晴煙冉冉吳宮樹。念羈情、遊蕩隨風，化爲輕絮。十載西湖，傍柳繫馬，趁嬌塵、軟霧迺紅漸招入仙溪。錦兒偷寄幽素，倚銀屏春寬夢窄。斷紅溼、歌紈金縷。暝隄空，輕把斜陽，總還鷓鴣。幽蘭旋老，杜若還生，水鄉尚寄旅。別後訪六橋無信，事往花委，瘞玉埋香，幾番風雨。長波妒妬，遙山羞黛，漁燈分影春江宿。記當時、短檝桃根渡，書樓彷彿。臨分敗壁題詩，淚墨慘澹塵土。危亭望極，草色天涯，嘆鬢侵半苧。暗點檢離痕，歡唾尚染鮫綃。鞦韆風迷歸，破鶯慵舞。殷勤待寫，書中長恨，藍霞

遼海沈過雁。漫相思。彈入哀箏柱。傷心千里江南。怨曲重招。斷魂在否。

又（詠倚和趙修全韻）

橫塘穿棹豔錦。引鴛鴦。弄水。斷霞晚笑。折花歸。紺紗低護。燈灺潤玉。瘦冰輕倦。浴斜拖。鳳股盤雲墜。聽銀牀。聲細梧桐。漸覺涼思。窗隙流光。過如迅羽。愬空梁。燕子誤驚起。風竹敲門。故人還又不至。記琅玕新詩。細指早陳迹。香痕纖指。怕因循。羅扇恩疎。又生秋意。西湖舊日。畫舸頻移。嘆幾縈。夢寐。霞佩冷。臺瀾不定。麝蕩飛雨。乍溼鮫綃。暗盛紅淚。練單夜共。波心宿處。瓊簫吹月。霓裳舞。向明朝。未覺花容悴。嬌香易落。回頭淡碧。銷煙鏡。空畫羅屏裏。殘蟬度曲。唱徹西園也。感紅怨翠。念省慣。吳宮幽。暗柳追涼。曉岸參斜。露零鷗起。絲縈寸藕。留連。心事。桃笙平展。湘浪影。有昭華。穠李冰相倚。如今鬢點。淒霜半篋。秋詞恨。盈蠹紙。

天香 蠟梅

蟬葉粘霜。蠟苞綴凍。生香遠帶風峭。嶺上寒多。溪頭月冷。北枝瘦。南枝小。小玉奴有姊。先占立。牆陰春早。初試宮黃。淡薄偷分壽陽纖巧。銀燭淚深未曉。酒鍾慳。貯愁多少。記得短亭歸馬。暮橋蜂鬧。豈蕊釵。梁恨。裊。但悵望天涯。歲華老。遠信難封。吳雲雁杳。

玉漏遲（春情）

絮花寒食路。晴絲罥日。綠陰吹霧。客帽欺風。愁滿畫船煙浦。綵柱鞦韆散後。悵塵鎖。燕簾鶯戶。

從間阻。夢雲無準。鬢霜如許。夜久繡閣藏嬌。記拖扇傳歌。翦燈留語。月約星期。細把花鬢頻數。彈指一襟怨。恨漫空倩啼鵲。訴深院。宇黃昏。杏花微雨。

又（春情古腔）

杏香飄禁苑。須知自古。皇州春早。燕子來時。繡陌漸薰芳草。蕙圃天桃過雨。弄碎影紅篩碧沼。深院悄。綠楊盡日鶯聲爭巧。早是賦得多情。更對景臨風。鎮辜歡笑。數曲闌干。故人漫勞登眺。天際微雲過盡。亂峯鎖一竿殘照。歸路香東風淚零多少。

金盞子（賦秋壑西湖小築）

卜築西湖。種翠蘿猶傍。輭紅塵裏來。往載清吟。爲偏愛吾廬。畫船頻繫。笑攬雨色晴光。入春明。朝市石橋鎖煙霞。五百名仙。第一人是。臨酒論深意。流光轉鶯花。任亂委冷然。九秋肺腑。應多夢巖扁。冷雲空翠。漱流枕石幽情。寫漪蘭綠綺。轉城處。他山小队登臨。待西風起。

又（吳城連日賞桂一夕風雨悉已零落獨寓窗晚花方作小蕾未及見開有新邑之役竭來西館籬落開。嬌

然一枝可愛。見似人而喜。爲賦此解。

賞月梧園。恨廣寒宮樹。曉風搖落。莓砌掃蛛塵。空腸斷薰爐。燼消殘夢。殿秋尚有餘花。鎖煙窗雲幄。新雁又無端。送人江上短亭初泊。籬角夢依約。人一笑。惺忪翠袖薄。悠然醉魂喚醒。幽叢畔。淅香霧。雨漠漠。晚吹乍顛秋聲。早屏空金雀。明朝想猶有數點蜂黃。伴我斟酌。

永遇樂（過李氏晚妝閣，見壁間舊所題詞，遂再賦）

春酌沈沈，晚妝的的，仙夢遊慣。錦湫維舟，青門倚蓋，還被籠鴛喚。裴郎歸後，崔娘沈恨，漫客請傳芳卷。聯題在，頻經翠袖，勝隔紺紗塵幔。桃根杏葉，膠粘繡縹，幾回筵闌。人換蛾髻，愁雲鬢，香膩粉，都爲多情，褪離巾拭淚。征袍染醉，強作酒朋，花伴留連。怕風颭浪妒，又吹雨斷。

又（探梅次時齋韻）

閣雪雲低，捲沙風急，驚雁失序。戶掩寒宵，屏閑冷夢，燈颺似唇語。堪憐窗景，都閒刺繡，但續舊愁一縷。鄰歌散，羅襟印粉，袖溼舊桃紅露。西湖舊日，留連清夜，愛酒幾將花誤。遺機塵消，題裙墨黯，天遠吹笙路。吳臺直下，細梅無限，未放野橋香度。重謀醉，揉影弄香，水清淺處。

玉蝴蝶（秋感）

角斷籤鳴，疎點倦螢透隙，低弄書光。一寸悲秋，生動萬種淒涼。舊衫染、唾凝花碧。別淚想、妝洗蜂黃。楚魂傷雁汀沙冷，來信微茫。都忘孤山舊賞，水沈熨露，岸錦宜霜。敗葉題詩，御溝應不到流湘。數客路、又隨淮月，羨故人、還買吳航。雨凝望，滿城風雨，催送重陽。

又（秋恨）

晚雨未催宮樹，可憐閑葉，猶抱涼蟬。短景歸秋，吟思又接愁邊。漏初長、夢魂難禁。人漸老、風月俱寒。想幽歡、土花庭堦，蟲網闌干。無端。當蛄攪夜，恨隨團扇，苦近秋蓮。一曲當樓，謝娘懸泪。

立風前。故園晚強留詩酒。新雁遠不致寒暄。隔蒼煙。楚香羅袖。誰伴嬋娟。

絳都春（元夕）

融和又報。乍瑞蕩霽色。皇都春早。翠幘競飛。玉勒爭馳。都門道。鯨山綵結蓬萊島。向晚景雙龍銜照。絳綃樓上。彤芝蓋底。仰瞻天表。縹緲風傳帝樂。慶三殿共賞。羣仙同到。迤邐御香飄滿。人閒聞嬉笑。須臾一點星球小。漸隱隱鳴鞘聲香遊人。日下歸來。洞天未曉。

又（爲郭清華內子壽）

香深霧暖。正人在錦瑟。年華深院。舊日漢宮。分得紅蘭滋吳苑。臨池羞落梅花片。弄水月初勻。妝面紫煙籠處。雙鸞共跨。洞簫低按。歌管紅圍翠袖。凍雲外似覺東風先轉。繡畔晝遲。花底天寬。春無限。仙郎驕馬瓊林宴。待捲上珠簾教看。更傳鴛入新年。寶釵夢鸞。

又（爲李真房量珠賀）

情粘舞綫。悵駐馬瀾橋。天寒人遠。旋翦露痕。移得春嬌栽瓊苑。流鶯長語煙中怨。恨三月飛花零亂。豔陽歸後。紅藏翠掩。小坊幽院。誰見新腔按徹。昔燈暗共倚寶屏。葱蒨被夢輕。金屋裝深。沈香換。梅花重洗春風面。正溪上。參橫月轉。並禽飛上金沙。瑞香雲暖。

又（燕亡久矣京口適見似人悵然有感）

南樓墜燕。又燈暈夜涼。疎簾空捲。葉吹暮暗。花露晨晞。秋光短。當時明月娉婷伴。悵客路幽局。

俱遠。霧鬢依約。除非照影。鏡空不見。別館秋娘乍識。似人處。最在雙波凝盼。舊色舊香。閉雨
閑雲。情終淺。丹青難畫真真面。便只作梅花看。更愁花變。梨雲又隨夢散。

又（余往來清華池館六年賦咏感具感昔傷今益不堪懷乃復作此解）

春來雁渚。弄豔冶。又入垂楊如許。困舞瘦腰。啼溼宮黃。池塘雨。碧沿蒼蘚。雲根路。尙追想。淩波
微步。小樓重上。憑誰爲唱。舊時金縷。凝竚。煙蘿翠竹。欠羅袖。爲倚天寒日暮。強醉梅邊。招得
花奴來尊俎。東風須惹春雲住。莫把飛瓊吹去。便教移取薰籠。夜溫繡戶。

惜秋華（重九）

細響殘蛩。傍燈前似說。深秋懷抱。怕上翠微。傷心亂煙殘照。西湖鏡掩塵沙。翳曉影。秦鬢雲擾。
新鴻喚。淒涼漸入紅萸烏帽。江上故人老。視東籬秀色。依然娟好。晚夢趁鄰杵。斷乍將愁到。
秋娘淚溼黃昏。又滿城雨。輕風小。開了看芙蓉。畫船多少。

又（七夕）

露罥蛛絲。小樓陰墮月。秋驚華鬢。宮漏未央。當時鈿釵送遺恨。人間夢隔西風。算天上。年華一
瞬。相逢縱相疎。勝卻巫陽無準。何處動涼訊。聽露井梧桐。楚騷成韻。綵雲斷。翠羽散。此情難
問。銀河萬古秋聲。但望中。婺星清潤。輕俊。度金針漫牽方寸。

又（七夕前一日送人歸鹽官）

數日西風打秋林。凝熱還催人去。瓜菓夜深。斜河擬看星度。匆匆使倒離尊。悵遇合雲銷萍聚。留連有殘蟬韻。晚時歌金縷。綠水暫如許。奈南牆冷落。竹煙槐雨。此去杜曲。已近紫霄尺五。扁舟夜宿吳江。正水佩霓裳無數。眉嫵問別來解相思否。

又（木芙蓉）

路遠仙城。自玉郎去卻。芳卿憔悴。錦段鏡空。重鋪幃新綺。凡花瘦不禁秋。幻膩玉映紅鮮麗。相攜試新妝。乍畢交扶輕醉。長記斷橋外。驟玉驄過處。手嬌凝睇。昨夢頓醒。依約舊時眉翠。愁邊暮合碧雲。倩唱人六么聲裏。風起舞斜陽。闌十二。大曲六么。玉子喬芙蓉城事。有樓名碧雲。

惜黃花慢

（次吳江小泊。夜飲僧窗惜別。邦又趙薄攝小妓侑尊。連歌數闕。皆清真詞。酒盡已四鼓。賦此詞。

饒尹梅津）

送客吳皋。正試霜夜冷。楓落長橋。望天不盡。背城漸杳。離亭黯黯。恨水迢迢。翠香零落紅衣老。暮愁鎖殘柳眉梢。念瘦腰沈郎舊日。曾繫蘭橈。仙人鳳咽瓊簫。悵斷魂送遠。九辯難招。醉鬢留盼。小窗翦燭。歌雲載恨。飛上銀霄。素秋不解隨船去。敗紅趁一葉寒濤。夢翠輞。怨紅料過南

十二郎

（垂虹橋上有垂虹亭。屬吳江。）

素天際水。浪拍碎凍雲不凝。記曉葉題霜。秋燈吟雨。曾繫長橋過艇。又是寶鴻重來後。猛賦得

歸期纔定。嗟繡鴨解言香。鱸堪釣。尚廬人境。幽興爭如共載。越娥妝鏡。念倦客依前。貂裘茸帽。重向淞江照影。酌酒滄茫。倚歌平遠。亭上玉虹腰冷。迎醉面。暮雪飛花幾點。黛愁山暝。

燭影搖紅（壽嗣榮王）

天桂飛香。御花簇座千秋宴。笑從玉母摘仙桃。瓊醴雙金盞。掌上龍珠照眼。映羅闌。星暉海潤。浮槎遠到。水淺蓬萊。秋明河漢。寶月將弦。晚鉤斜掛西簾捲。水須十日使中秋。爭看清光滿。淨洗紅塵障面。賀朝霖。催班正殿。喜回天上。紫府開筵。瑤池宣勅。

又（賦德清縣圃古紅梅）

莓鎖虹梁。稽山祠下當時見。橫斜無分照溪光。珠網空凝徧。姑射青春對面。駕飛虬。羅浮路遠。千年春在。新月苔池。黃昏山館。花滿河陽。爲君羞褪。晨妝舊。雲根直下。是銀河。客老秋槎變。雨外紅鉛洗斷。又晴霞。驚飛莫管。倚闌只怕。弄水鱗生。乘東風便。

醜奴兒（醜翁飛翼樓觀雪）

東風未起。花上纖塵無影。峭雲溼凝酥。深塢乍洗梅青。鉤簾愁絲。冷浮虹氣。海空明。若耶門閉。扁舟去懶。客思鷓鴣輕。幾度問春。倡紅冶翠。空媚陰晴。看眞色。千巖一素。天淡無情。醒眼重開。玉筍簾外曉峯青。相扶輕醉。越王臺上。更最高層。

又（醜清樓在錢塘門外）

空濛乍斂。波影簾花。晴亂正西子梳妝樓上。鏡舞青鸞。潤逼風襟。滿湖山色。人闌干。天虛鳴籟。雲多易雨。長帶秋寒。遙望翠川。隔江時見。越女低鬟。算堪羨。煙沙白鷺。暮往朝還。歌管重城。醉花春夢半香殘。乘風邀月。持杯對影。雲海人間。

木蘭花慢

（陪汀齋遊虎邱時魏齋齋已被親攜陳芬窺李方庵皆將滿秩）

紫駟嘶凍草。曉雲銷岫眉鬢。正蕙雪初消。松腰玉瘦。樵悴真真。輕藜漸穿險磴。步荒苔猶認。瘵花痕千古興亡舊恨。半邱殘日孤雲。開尊重弔吳魂。嵐翠冷洗微醺。問幾曾夜宿。月明起看。劍水星紋。登臨總成去客。更幘紅先有探芳人。回首滄波故苑。落梅煙雨黃昏。

又（重遊虎邱）

步屨邱門。翠莽處更春寒。漸晚色催陰。風花弄雨。愁起闌干。驚翰帶雲去杳。任紅塵一片。落人間。青塚麒麟有恨。臥聽簫鼓遊山。年年葉外花前。嬌豔楚鬢成潘。嘆寶瑟久。青萍共化。裂石空磬。麈尾酒沾粉污。問何人從此濯清泉。一笑掀髯付與。寒松瘦倚蒼巒。

又（重泊）

酌清杯問水。慣曾見幾逢迎。自越棹輕飛。秋華歸後。杞菊荒荆。孤鳴舞鷗慣下。又漁歌忽斷。晚煙生。雪浪閒銷釣石。冷楓頻落江汀。長停春恨何窮。日易盡。酒微醒。悵斷魂。西子淩波去杳。環珮無聲。陰晴最無定處。被浮雲多翳鏡。華明。曉東風霽色。綠楊樓外山青。

又（施芸隱隨節過浙東作詞留別用其韻以饒）

幾臨流送遠。漸荒落舊郵亭。念西子初來。當時望眼。啼雨難晴。娉婷素紅共載。到越吟翻調倚。吳聲得意。東風去棹。怎憐會重離輕。雲峯夢轉浮觴。流水畔。叙幽情。恨賦筆分攜。江山委秀。桃李荒荆。經行問春在否。過汀洲。暗憶百花名。鶯縷爭堪細折。御黃隄上重盟。

喜遷鶯（同丁基仲過希道家看牡丹）

凡塵流水。正春在絳闕。搖階十二。暖日明霞。天香盤錦。低映曉光梳洗。故苑澆花沈恨。化作妖紅斜紫。困無力。倚闌干。還倩東風扶起。公子留意處。羅蓋牙籤。一一花名字。小扇翻歌。密圍留客。雲葉翠溫羅綺。艷波紫金杯重。人倚妝臺微醉。夜和露。翦殘枝。點點花心清淚。

又（福山蕭寺歲除）

江亭年暮。趁飛雁又聽。數聲柔櫓。婪尾杯單。膠牙餠淡。重省舊時鬪旅。雪舞野梅籬落。寒擁漁家門戶。晚風峭。做初番花訊。春還知否。何處闌艷冶。紅燭畫堂。博塞良宵午。誰念行人。愁先芳草。輕送年華如羽。自別短檠不睡。空索綵桃新句。便歸好。料鵝黃已染。西池千縷。

探芳信（與李方庵聯舟入杭時方庵至嘉興索舊燕同載是夕雪大作林麓洲渚皆瓊瑤方庵馳小序求詞）

且約訪蔡公甫）

夜寒重。見羽葆將迎。飛瓊入夢。整素妝歸處。中宵按搖鳳。舞春歌夜棠梨岸。月冷和雲凍。畫船

中太白仙人錦袍初擁。應過浯溪否。試笑挹中郎。還叩清弄。粉黛湖山。欠攜酒。共飛觥。洗杯時換銅觚水。待作梅花供。問何時帶雨。鋤煙目種。

又（丙申歲吳燈市盛常年余借宅幽坊一時名勝遇合置杯酒接殷勤之懽甚盛事也分鏡字韻）

暖風定。正賣花吟春。去年曾聽。旋自洗幽蘭。銀瓶釣金井。斗窗香暖。慳留客。街鼓還催暝。調雛鶯。試遣深杯。喚將愁醒。燈市又重整。待醉勒遊韉。緩穿斜徑。暗憶芳盟。綃帕淚猶凝。吳宮十里吹笙路。桃李都羞靚。繡簾人怕惹飛梅。翳鏡。

聲聲慢（詠桂花）

藍雲籠曉。玉樹懸秋。交加金釧霞枝。人起昭陽。禁寒粉粟生肌。濃香最無著處。漸冷香風露成。霏繡茵。展怕空階。驚墜化作螢飛。三十六宮愁重。問誰持金鐺。和月都移。聖鎖西廂。清尊素手重攜。秋來鬢華多少。任烏紗醉壓花低。正搖落。嘆淹留客又未歸。

又（四香）友人以梅蘭瑞香水仙供客曰四香分韻得風字）

雲深山塢。煙冷江皋。人生未易相逢。一笑燈前。釵行兩兩春容。清芳夜爭真態。引生香撩亂東風。探花手。與安排金屋。懊惱司空。憔悴歛翹。委珮恨玉奴消瘦。飛趁輕鴻。試問知心。尊前誰最情濃。連呼紫雲伴。醉小丁香。纔吐微紅。還解語。待攜歸行雨夢中。

又（飲時香家卽席三姬求詞）

春星營戶。眉月分心。羅屏繡幕圍香。歌緩輕塵。唱款文梁。秋桐泛商絲雨。恨未回飄雪垂楊。連寶鏡。更一家姊妹。曾入昭陽。鴛鴦燕堂深。誰到爲般勤。須放醉客疎狂。量減離懷。孤負離甲清觴。曲中倚嬌伴。誤算只圖一顧周郎。花鎮好。駐年華長在鎖窗。

又（宏庵宴席。客有持桐子侑酒者。自云其姬親製之）。

寒簫驚墜。香豆初收。銀妝一夜霜深。亂寫明珠。金盤來薦清斟。綠窗細剝檀皺。料水晶微損。春籜風韻。處惹手香酥潤。櫻口脂侵。重省追涼前事。正風吟莎井。月碎苔陰。顆顆相思。無情漫攪秋心。銀台翦花杯散。夢阿嬌金屋沈沈。甚時見露拾香釵。燕墜金。

又（贈藕花洲）

六銖衣細。一葉舟輕。黃蘆堪笑浮樣。何處汀洲。雲瀾錦浪無涯。秋姿淡凝水色。豔真香不染。春華笑歸去。傍金波開戶。翠屋爲家。回首紅妝青鏡。與一川平綠。五月晴霞。積玉杯中。西風不到窗紗。端的舊連深意。料采菱新曲。羞誇秋漱瀟。對年年人勝似花。

又（錢魏繡使泊吳江爲友人賦）

旋移輕鷁。淺傍垂虹。遠因送客遲留。淚雨橫波。遙山眉上新愁。行人倚闌心事。問誰知。只有沙鷗。念聚散。幾楓丹霜渚。尊綠春洲。漸近香菰炊黍。想紅絲織字。未遠青樓。寂寞漁鄉。爭如連醉溫柔。西窗夜深翦燭。夢頻生。不放雲收。共悵望。認孤煙起處。是洲。

又（夏景）

梅黃金重。柳細絲輕。樹林暮煙如織。殿角風微。簾外燕喧鶯寂。池塘綠鴛乍起。露荷翻千點珠。瀟瀟書永。稱滿湘竿。叟爛柯仙客。日午槐陰低轉。茶甌罷清風。頓生兩腋。撚玉盤中。朱李淨沈寒碧。別儕閒歌白雪。卸紗巾尊俎狼籍。有皓月照黃昏。眠又未得。

高陽臺（雙樂樓）

脩竹凝妝。垂陽駐馬。憑闌淺畫成圖。山色誰題。樓前有雁斜書。東風緊送斜陽下。弄舊寒、晚酒醒餘。自銷凝。能幾花前。頓老相如。傷春不在高樓上。在燈前、欲枕雨外薰爐。怕艤遊船。臨流可奈清癯。飛紅若到西湖底。攪翠瀾、總是愁魚。莫愁來、吹盡香綿。泪滿平蕪。

又（落梅）

宮粉雕痕。仙雲墮影。無人野水荒灣。古石埋香。金沙鎖骨連環。南樓不恨吹橫笛。恨曉風、千里關山。半飄零、庭上黃昏。月冷闌干。壽陽宮理愁鸞。問誰調玉髓。暗補香瘢。細雨歸鴻。孤山無限春寒。離魂難倩招清些。夢縞衣、解佩溪邊。最愁人、啼鳥晴明。葉底清圓。

又（送王歷陽以右曹赴闕）

淝水秋寒。淮隄柳色。別來幾換年光。紫馬行遲。纔生夢草池塘。便乘丹鳳天邊去。禁漏催春殿稱觴。過松江、雪弄飛花。冰解鳴璫。芳洲酒社詞場。賦高台陳迹。曾醉吳王。重上逋山。詩清月

瘦昏黃。春風侍女衣篝畔。早鵲袍已暖。天香到東園。應費新題。千樹苔蒼。

又（詩：荷塘）

風曷垂楊。雪消蕙草。何如清潤潘郎。風月襟懷。揮毫倚馬成章。仙都觀裏桃千樹。映麴塵十里。荷塘未歸來。應戀花洲。醉玉吟香。東風晴晝。濃如酒。正十分皓月。一半春光。燕子重來。明朝傳夢。西窗。朝寒幾暖。重爐燼料。洞天日月偏長。杏園詩。應待先題。嘶馬平康。

倦尋芳（上元）

海霞倒影。空霧飛香。天市催晚。暮靄宮梅。相對畫樓簾捲。羅襪輕塵。花笑語。寶釵宜艷。春心眼。亂簫聲。正風柔柳弱。舞肩交燕。念窈窕東鄰。深巷燈外歌沈。月上花淺。夢雨離雲。點點滿壺。清怨珠絡香銷。空念往。紗窗人老。羞相見。漸銅壺閉春陰。曉寒入倦。

三姝媚（詠春情）

吹笙池上道。爲王孫重來。旋生芳草。水石清寒。過半春酒日。燕沈鶯悄。柳圍闌干。晴蕩漾禁煙。殘照。往事依然。爭忍重聽。怨紅淒調。曲榭方亭。初掃印。蘇迹雙鴛。記穿林窈窕。隔年華。似夢回花上。露晞平曉。恨逐孤鴻。客又去。清明還到。便鞿牆頭歸騎。青梅已老。

又（過都城舊居有感）

湖山徑醉慣。漬春衫啼痕。酒痕無限。又客長安。嘆斷衿零袂。汗塵誰洗。紫曲門荒。沿敗井風搖。

青蔓對語東鄰。猶是曾巢謝堂雙燕。春夢人閒須斷。但惟得當年。夢緣能短。繡屋秦箏。傍海棠偏愛。夜淺開宴。舞歇歌沈。花未減。紅顏先變。好。久河橋欲去。斜陽淚滿。

畫錦堂（有感）

舞影燈前。簫聲酒外。獨鶴華表重歸。舊雨殘雲。仍在門巷。都非愁結春情。迷醉眼。老憐秋鬢。倚蛾眉。難忘處。猶恨繡籠。無端誤放鶯飛。當時征路遠。懽事差。十年輕負心期。楚夢秦樓相遇。共嘆相違。淚香沾溼。孤山雨。瘦腰折損。六橋絲。何時向。窗下翦殘紅燭。夜杪參移。

又（過種山印誠文種集）

帆落迴潮。人歸故國。山椒感慨重遊。弓折霜寒。機心已墮。沙鷗燈前寶劍。清風斷。正五湖雨笠。扁舟最無情。巖上闌花。腥染春愁。當時白石蒼松。路解勒回玉策。霧掩山羞。木客歌闌。青春一夢荒邱。年年古苑。西風到。雁怨啼綠水。漢秋暮。登臨幾樹殘煙。西北高樓。

漢宮春（追和尹梅津賦俞園牡丹）

花姥來時。帶天香國艷。羞掩名姝。日長半嬌半困。宿酒微蘇。沈香檻北。比人間風異烟殊。春恨重盤雲墜髮。碧花翻吐瓊盃。洛苑舊移仙譜。向吳娃深館。曾奉君娛。猩唇露紅未洗。客鬢霜鋪。蘭詞沁壁。過西園重載雙壺。休漫道。花扶人醉。醉花卻要人扶。

花心動（郭清華新軒）

入眼青紅小玲瓏。飛簷度雲微溼。繡檻展春。金屋寬花。誰管采菱波狹。翠深知是深多少。都不放夕陽紅入。待妝綴新漪漲翠。小圓荷葉。此去春風滿篋。應時鎖蛛絲。淺虛塵榻。夜雨試燈。晴雪欠梅。趁取玳簪重盃。捲簾不解。招新燕。春須笑酒慳。歌澹半窗。拖日長。困生翠睫。

又（柳）

十里東風。雪垂楊長似舞。時腰瘦。翠館朱樓。紫陌青門。處處燕鶯晴晝。乍看搖曳金絲袖。春淺映鵝黃如酒。嫩陰重。煙澹露染。翠嬌紅溜。此際離鞍去久。空追念郵亭。短枝盈首。海角天涯。寒食清明。淚點絮花。沾袖。遠年折贈行人遠。今年恨依然。纖手斷腸也。羞眉畫應未就。

八聲甘州 陪庚森諸公遊靈巖

渺空煙。四遠是何年。青天墜長星。幻蒼崖雲樹。名娃金屋。殘霸宮城。箭徑酸風射眼。膩水染花腥。時鞞雙鷺響。廊葉秋聲。宮裏吳王沈醉。倩五湖倦客。獨釣醒醒。問蒼天無語。華髮奈山青。水涵空。闌干高處。送亂鴉斜日落漁汀。連呼酒上琴台去。秋與雲平。

又（姑蘇臺和施芸隱韻）

步晴霞。倒影洗闌愁。深杯豔風漪。望越來清淺。吳歛香篝。江雁初飛。葦路凌空九險。粉冷濯妝池。歌舞煙霄。頂樂景沈暉。別是青紅闌檻。對女牆山色。碧澹空眉。問當時遊鹿。應笑古台非。有誰招扁舟漁隱。但寄情西子。卻題詩。閑風月。暗消磨。盡浪打鷗磯。

又（和梅津）

記行雲夢影步凌波。仙衣翦芙蓉。念杯前燭下，十香搵袖，玉暖屏風。分種寒花舊盎，蘇土蝕吳
蠶。人遠雲槎渺。煙海沈蓬。重訪樊姬鄰里，怕等閑易別，那忍相逢。試潛行幽曲，心蕩更匆匆。
井梧凋銅鋪低亞。映小眉瞥見立驚鴻。空惆悵，醉秋香畔，往事朦朧。

新雁過妝樓（秋感）

夢醒芙蓉風簷近。渾疑珮玉丁東。翠微流水，都是惜別行蹤。宋玉秋花相比瘦，賦情更苦似秋
濃。小黃昏，紺雲暮合，不見征鴻。宜城當時放客，認燕泥舊迹，返照樓空。夜闌心事，燈外敗壁
殘蛩。江寒夜楓怨落，怕流作題情腸斷。紅行雲遠，料澹蛾人在，秋香月中。

又（中秋後一夕，李方庵月庭延客，命小妓過新水令，坐間賦詞）

閨苑高寒，金樞動，冰宮桂樹年年。翦秋一半，難破萬戶連環。織錦相思樓影下，鈿釵暗約小簾
間。共無眠。素娥慣得，西墜闌干。誰知壺中自樂，正醉鬧夜玉，淺鬪嬋娟。雁風自勁雲氣不上
涼天。紅牙潤沾素手，聽一曲清歌，雙窸鬢。徐郎老，恨斷腸聲在，離鏡孤鸞。

淒涼調（合肥巷陌皆種柳，秋風夕起，騷然，余客居闔戶，時聞馬嘶，出城四顧，則荒煙野草，不勝淒黯，乃著

此解，琴有淒涼調，假以爲名，凡曲言犯者，謂以宮犯商，商犯宮之類，如道調宮上字住，雙調亦上字住，所住
字同，故道調曲中犯雙調，或于雙調曲中犯道調，其他準此，唐人樂書云，犯有正旁偏側，宮犯宮，爲正，宮犯

商鞅旁宮犯角爲偏宮犯羽爲側此說非也十二宮所住字各不同不容相犯十二宮特可犯商角羽耳余歸行都以此曲示國土田正德使以亞齊齊吹之其韻極美亦曰瑞鶴仙影

綠楊巷陌秋風起。溪城一片離索。馬嘶漸遠。人歸甚處。戍樓吹角。情懷甚惡。更衰草寒煙澹薄。似當時將軍部曲。迤邐度沙漠。追念西湖上。小舫攜歌。晚花行樂。舊遊在否。想如今翠凋紅落。漫寫羊裙等。新雁來時繫著。怕匆匆。不肯寄與誤後約。

尾犯

夜雨滴空階。孤館夢回。情緒蕭索。一片闌愁。想丹青難摸。秋漸老。蛩聲正苦。夜將闌。燈花漸落。最無端處。忍把良宵。只恁孤眠卻。佳人應怪我。自別後。寡信輕諾。記得當時。翦香雲爲約。甚時向幽閨深處。按新詞流霞共酌。再同歡笑。肯把金玉珠珍博。

東風第一枝(情)

傾國傾城。非花非霧。春風十里獨步。勝如西子。妖嬈更比太真淡泞。鉛華不御。漫道有巫山洛浦。似恁地標格無雙。鎮鎖書樓深處。曾被風容易送去。曾被月等閑留住。似花翻使花羞。似柳任從柳妬。不教歌舞。恐化作縹雲輕舉。信下蔡陽城俱迷。看取宋玉詞賦。

夜合花(白鶴江入京泊詩門外有感)

柳暝河橋。鶯晴臺苑。短策頻惹春香。當時夜泊。溫柔便入深鄉。詞韻窄。酒杯長。翦蠟花。壺箭催

忙。共。追。遊。處。凌。波。翠。陌。連。棹。橫。塘。十。年。一。夢。淒。涼。似。西。湖。燕。去。吳。館。巢。荒。重。來。萬。感。依。前。喚。
酒。銀。缸。溪。雨。急。岸。花。狂。趁。殘。鴉。飛。過。滄。茫。故。人。樓。上。憑。誰。指。與。芳。草。斜。陽。

夢窗乙葉終

夢窗乙葉

宋六十名家詞

夢窗丙稿

宋 吳文英

丹鳳吟（賦陳宗之芸居樓）

麗錦長安人海。避影繁華。結廬深寂。燈窗雪戶。光映夜寒東壁。心彫鬢改。鏤冰刻水。縹簡離離。風籤索索。怕遣花蟲蠹粉。自探秋芸熏架。香汎織碧。更上新梯窈窕。暮山淡著城外色。舊雨江湖遠。問桐陰門巷。燕曾相識。吟壺天小。不覺翠蓬雲隔。桂斧月宮三萬手。計元和通籍。輒紅滿路。誰聘幽素客。

喜遷鶯（甲辰冬至寓越兒輩尙留瓜渚蕭寺）

冬分人別。渡倦客晚潮。傷頭俱雪。雁影秋空。蝶情春蕩。幾處路窮車絕。把酒共溫寒夜。倚繡添慵。時節。又底事對愁雲江國。離心還折。吳越重會面。檢點舊吟。同看燈花結。兒女相思年華輕送。隣戶斷簫聲噎。待移杖藜雪後。猶怯蓬萊寒闊。晨起嬾。任鴉林催曉。梅窗沈月。

柳梢青（與龜翁登研意觀雪懷癸卯歲臘朝斷橋並馬之游）

斷夢游輪。孤山路杳。越樹陰新。流水凝酥。征衫沾淚。都是離痕。玉屏風冷愁人。醉爛熳梅花翠雲。傍夜船回。惜春門掩。一鏡香塵。

生查子（稽山對雪有感）

暮雲千萬重。寒夢家鄉遠。愁見越溪娘。鏡裏梅花面。醉情啼枕冰。往事分釵燕。三月瀟陵橋。心翦東風亂。

玉漏遲（中秋）

雁邊風訊小。飛瓊望杳。碧雲先晚。露冷闌干。定怯藕絲冰腕。淨洗浮雲片玉。勝花影、春燈相亂。秦鏡滿。素娥未肯分秋一半。每圓處、卽良宵。甚此夕偏饒對歌臨怨。萬里嬋娟。幾許霧屏雲幔。孤兔淒涼照水。曉風起、銀河西轉。摩淚眼。瑤臺夢、同人遠。

一翦梅（贈友人）

遠目傷心樓上山。愁裏長眉。別後蛾鬢。暮雲低壓小闌干。教問孤鴻。因甚先還。瘦倚溪橋梅夜寒。雪欲銷時。淚不禁彈。翳成釵勝待歸看。春在西窗。燈火更闌。

點絳脣（越山見梅）

春未來時。酒嚮不到千巖路。瘦還如許。晚色天寒處。無限新愁。難對風前語。行人去。暗銷春素。橫笛空山暮。

絳都春（題蓬萊閣燈屏）

螺屏暖翠。正霧捲暮色。星河浮霽。路幕遞香。街馬銜塵。東風細。梅樣淩海橫。篋背倩穩。載蓬萊雲氣。寶街斜轉。冰娥素影。夜清如水。應記千秋化鶴。舊華表認得。山川猶是。暗解繡囊。爭擲

金錢游人醉。笙歌曉度晴霞外。又上苑春生一萼。便教接宴鶯花。萬紅鏡裏。

祝英臺近（除夜立春）

翦紅情。裁綠意。花信上釵股。殘日東風。不放歲華去。有人添燭西窗。不眠侵曉。笑聲轉新年鶯語。舊尊俎。玉纖曾擘黃柑。柔香繫幽素。歸夢湖邊。還迷鏡中路。可憐千點吳霜。寒銷不盡。又相對落梅如雨。

燭影搖紅（元夕微雨）

碧澹山姿。暮寒愁沁。歌眉淺。障泥南陌潤輕酥。燈火深深院。入夜笙歌漸暖。綵旗翻。宜男舞徧。姿游不怕。素縷塵生。行裙紅濺。銀燭籠紗。翠屏不照殘梅怨。洗妝清鬢溼春風。宜帶啼痕看。楚夢留情未散。素娥愁天長信遠。曉窗移枕。酒困香殘。春陰籠捲。

掃花遊（賦瑤圃萬象智春堂）

暖波印日。倒秀影秦山。曉鬢梳洗。步帷豔綺。正梁園未雪。海棠猶睡。藉綠盛紅。怕委天香到地。畫船繫。舞西湖暗黃。虹臥新霽。天夢春枕被。和風筑東風。宴歌曲水。海宮對起。燦驪光乍溼。杏梁雲氣。夜色瑤臺。禁蠟初傳翡翠。喚春醉。問人間幾番桃李。

西江月（賦瑤圃青梅枝上晚花）

枝袅一痕雪。在葉藏幾豆春濃。玉奴最晚嫁東風。來結梨花幽夢。香力添熏羅被。瘦肌猶怯。

冰銷綠陰青子老溪橋。羞見東鄰嬌小。

宴清都（饒嗣祭仲享還京）

翠羽飛梁苑。連催發、暮檣留話江燕。塵階墮耳。瑤屏乍鑰。綵繩雙寄。新煙暗葉成陰。效翠嫵西陵送遠。又趁得、蕊露天香。春留建章花晚。歸來笑折仙桃。瓊樓宴夢。金漏催箭。蘭亭秀語。烏絲潤墨。漢宮傳新紅歌。醉玉天上。倩鳳尾時題畫扇。問幾時重覩。巫雲蓬萊路淺。

桃源憶故人

越山青斷西陵浦。一岸密陰疏雨。潮帶舊愁生暮。曾折垂楊處。桃根桃葉當時渡。嗚咽風前柔櫓。燕子不留春住。空寄離橋語。

浣溪莎（題史菊屏扇）

門巷深深小畫樓。闌干曾識凭春愁。新篷遮却繡窠游。桃觀日斜香掩戶。蘋溪風起水東流。紫萸玉腕又逢秋。

木蘭花慢（壽秋整）

記瓊林宴起。軟紅路幾西風。想漢影千年。荆江萬頃。杳信長通。金狨錦鞵賜馬。又霜橫漢節棗。仍紅細柳春陰。喜色四郊。秋事年豐。從容歲晚。玉關長不閉。靜邊鴻。訪武昌舊壘。山川相繆。日香詩筒。蘭宮繫書翠羽。帶天香飛下玉芙蓉。明月瑤笙奏徹。倚樓黃鶴聲中。

水龍吟（過秋壑湖上舊居寄贈）

小湖北嶺雲多。小園暗碧鶯啼處。朝回勝賞。墨池香潤。吟船繫雨。霓節千妃。錦韞一箭。攜將春去。算歸期未卜。青煙散後。春城詠飛花句。黃鶴樓頭月午。奏玉龍江梅解舞。熏風紫禁。嚴更清夢。思懷幾許。秋水生時。賦情還在。南屏別墅。看章臺走馬。長隄種取。柔絲千樹。

夜行船（贈趙梅壑）

碧甃清漪方鏡小。綺疏淨半塵不到。古鬢香深。宮壺花換。留取四時春好。樓上眉山雲窈窕。香衾夢鎮疏清曉。並蒂蓮開。合歡屏暖。玉漏又催朝早。

朝中措（贈趙梅壑）

吳山相對越山青。湘水一春平。粉字情深題葉。紅波香染浮萍。朝雲暮雨。玉壺塵世。金屋瑤京。晚雨西陵潮汛。沙鷗不似身輕。

塞翁吟（饒梅津除耶赴闕）

有約西湖去。移棹曉折芙蓉。算終是稱心紅。染不盡熏風。千桃過眼春如夢。還認錦疊雲重。弄晚色。舊香中。旋撐入深叢。從容情。猶賦冰車健筆。人未老。南屏翠峯。轉河影浮查信早。素妃叫海月歸來。太液池東。紅衣卸了。結子成蓮。天勁秋濃。

風入松（壽梅壑）

一。飄江上暮潮平。騎鶴過瑤京。湘波山色。青天外。紅香蕩。玉珮東丁。西園仍圓夜月。南風微弄秋聲。阿咸才俊。翠壺冰。王母最憐生。萬年枝上。千年葉。垂楊鬢。春共青青。連喚碧筩傳酒。雲回一曲雙成。

燭影搖紅（越上霖雨應禱）

秋入燈花。夜深簷影。琵琶語。越娥青鏡洗紅埃。山闌秦眉嫵。相間陰金茸翠。畝認城春陰。耕舊處。晚春相應。新稻炊香。疎煙林莽。清磬風前海。沈宿裏芙蓉炷。阿香秋夢起。嬌啼玉女傳幽素。人駕海查未渡。試梧桐。聊分宴俎。採菱別調。留取蓬萊。霎時雲住。

尾犯（贈別翁東安吳門）

翠被落紅妝。流水膩香。猶共吳越。十載江楓。冷霜波成縵。燈院覩涼花乍翦。桂園深幽。香旋折。醉雲吹散。晚樹細蟬。時替離歌咽。長亭曾送客。偷賦錦雁留別淚。接孤城。渺平蕪。煙闊半菱鏡。青門重售。採香隄。秋蘭共結。故人憔悴。遠夢越來溪伴月。

水龍吟（壽嗣榮王）

望中璇海波新。汎香又。匣銀河轉。金風細裊。龍枝聲奏。鈞簫秋遠。南極飛仙。夜來催駕。祥光重見。紫霄承露掌。瑤池陰密。蟠桃秀。螽蓮綻。新棟晴暈。凌漢半涼生。蘭繁書卷。繡裳五色。昆臺十二。香深簾捲。花萼樓高。處連清曉。千秋傳宴。賜長生。玉宇鸞迴。鳳舞下蓬萊殿。

宴清都（詠秋聲）

翠匪西門柳。荊州昔未來時正春瘦。如今勝舞。西風舊色。勝東風秀。黃梁露溼秋江轉。萬里雲
檣蔽盡。正虎落馬靜晨嘶。連營夜沈刁斗。含章換幾。桐陰千官深帳。韶鳳還奏。席前夜久。天
低燕密。御香盈袖。星槎信約長在。醉興渺。銀河賦就。對小弦月挂南樓。涼浮桂酒。

聲聲慢（壽方泉）

鴛園橙徑。鱗躍蕩波。重來雨過中秋。酒市漁鄉。西風勝似春柔。石存去年村墅。看黃雲、遠委西
疇。鳳池去。信吳人有分。借與遲留。應是香山結夢。又凝香追詠。重到蘇州。青鬢江山。足成千
歲風流。圍腰御仙花底。襯月中金粟香浮。夜燕久。擅秋雲平倚畫樓。

永遇樂（乙巳中秋風雨）

風拂塵徽。雨侵涼榻。纔動幽思。緩酒消更。移燈傍影。淨洗芭蕉耳。銅華滄海。愁蠹重蟬。燕化雁
南天外。算陰晴渾似。幾番渭城故人離會。青樓舊日。高歌取醉。玉妃。梳洗紅蕖流光蘋
花兩髻。心事成秋水。白凝虛曉。香吹輕燼。倚窗小瓶疏杜。問深宮。嫦娥正在。妬雲第幾。

西江月（登蓬萊閣看桂）

清夢重遊天上。古香吹下雲頭。簫聲三十六宮愁。高處花驚風驟。客路羈情不斷。闌干晚色
先收。千山濃綠未成秋。誰見月中人瘦。

宋六十名家詞

八

朝中措（題陸桂山詩集）

殷雲凋葉晚晴初。離落認奚奴。纔近西窗燈火，旋收殘夜琴書。秋深露重，天空海闊，玉界香浮。木落秦山清瘦，西風幾許工夫。

秋蕊香（和吳見山賦落桂）

寶月驚塵墮曉。愁瑣空枝殘照。古苔幾點露螢小。銷滅秋光旋少。佩丸尙憶春酥裏。故人老。斷香忍和淚痕掃。魂返東籬夢杳。

惜秋華（八月飛翼樓登高）

思渺西風，悵行蹤浪逐。南飛高雁，怯上翠微，危樓更堪凭晚。逢萊對起幽雲，澹楚色山容愁捲。清淺。瞰滄波靜銜秋痕一綫。十載寄吳苑，慣東籬深處，把露黃偷翦。移暮景照越鏡，意銷香斷。秋娥賦得閒情，倚翠尊小眉初展。深勸待明朝，醉由重岸。

聲聲慢（和沈時齋八日登高韻）

憑高人夢，搖落關情，寒香吹盡空巖。墜葉銷紅，欲題秋訊，雜絨重陽正隔殘照。趁西風不響雲尖，乘半暝看殘山灌翠。刺水開窗，暗省長安年少。幾傳杯弔甫，把菊招潛，身老江湖心隨飛雁。天南烏紗倩誰重整。映風林鉤玉纖纖，漏聲起亂星河人影畫簷。

點絳脣（和吳見山韻）

金井空陰。枕痕歷盡秋聲。夢長難曉。月樹愁鴉悄。梅壓檐梢。寒蝶尋香到。窗結了。翠池春小。波冷鴛鴦覺。

又（有懷蘇州）

明日茫茫。夜來應照南橋路。夢遊熟處。一枕啼秋雨。可惜人生。不向吳城住。心期誤。雁將秋去。天遠青山暮。

虜春宮（題錢得開池）

春屋圍花。秋池沿草。舊家錦藉川原。蓮尾分津。桃邊迷路。片紅不到人間。亂篔簹暗。料惜把行題共刪。小晴簾捲。淘占西嬌。一鏡清寒。風光未老。吟潘嘶騎。祇付憑闌。嗚瑟傳杯。辟邪翻燼。繫船香斗春寬。晚林青外。亂鴉著斜陽。幾山。粉銷莫染。猶是秦宮。綠擾雲鬟。

蝶戀花（和吳見山韻）

明月枝如香滿路。幾日西風。落盡花如雨。倒照秦眉天鏡古。秋明白鷺雙飛處。白摘霜蔥宜薦。知可惜重陽。不把黃花與。帽墮笑憑纖手取。清歌莫送秋聲去。

玉樓春（和吳見山韻）

闌干獨倚天涯客。心影暗彫風葉寂。千山秋入雨中青。一雁暮隨雲去急。霜花欲弄春顏色。相弔年光澆大白。海煙沈處倒殘霞。杼綾綉和淚織。

柳梢青（題錢得開四時圖畫）

翠嶂圍屏。留連迅景。花外油亭。淡色煙昏。濃光清曉。一幅閑情。輞川落日漁罾。寫不盡人間四并。亭上秋聲。鶯能春語。難入丹青。

燭影搖紅（饒馮深居翼日深居初度）

飛蓋西園。晚秋恰勝。春天氣。霜花開盡。錦屏空。紅葉新裝綴。時放清杯泛水。暗淒涼。東風舊事。夜吟不就。松影闌干。月籠寒翠。暮唱陽關。但憑綵袖歌千歲。秋星入夢。隔明朝。十載吳宮會。一棹回潮渡葦。正西窗燈花報喜。柳蠻櫻素。試酒爭憐。不教不醉。

齊天樂（與馮深居登禹陵）

三千年事。殘鴉外。無言倦憑秋樹。逝水移川。高陵變谷。那識當時神禹。幽雲怪雨。翠萍溼空梁。夜深飛去。雁起青天。數行書似舊藏處。寂寥西窗坐久。故人慳會遇。同翦燈語。敗蘚殘碑。客圭斷壁。重拂人閒塵土。霜紅罷舞。漫山色。青青霧朝煙暮。岸鎖春船。畫旗喧賽鼓。

水龍吟（壽梅津）

杜陵折柳狂吟。硯波尚瀼紅衣露。仙桃宴早。江梅春近。憑催客句。宮漏傳雞。禁門嘶騎。宦情熟處。正香篝夜展。天香字暖。春蔥剪紅蜜炬。宮帽攪枝醉舞。思飄颺。仙舉風星羅萬卷。雲驅千陣。飛豪華雨。長壽杯深。珠春脰穩。江湖同賦。又看看便繫。金狨鶯曉。傍西湖路。

又（用見山韻譏別）

夜分帶館漁燈。巷聲乍寂。西風定。河橋送遠。玉蕭吹斷。霜絲舞影。薄絮秋雲。澹蛾山色。宦情歸興。怕煙江波後。桃花又。汎宮溝上。春流緊。新句欲題。還省。透香煤。重牋誤隱。西園已負。林亭移酒。松泉薦茗。攜手同歸處。玉奴喚。綠窗春近。想驕驄。又踏西湖二十四番花訊。

浣溪沙（陳少逸席上用聯句韻有贈）

秦黛橫愁送暮雲。越波秋淺暗啼昏。空庭春草綠如裙。綵扇不歌原上酒。青門頻返月中魂。花開空憶倚闌人。

又

一曲靈簫別綵雲。燕斂塵澀鏡華昏。滿橋舞色褪藍裙。湖上醉迷西子夢。江頭春斷倩離魂。旋緘紅淚寄行人。

探春慢（韻寄下世後發研意）

苦徑曲深深。不見故人。輕敲幽戶。細草春回。日送流光一羽。重雲冷。哀雁斷。翠微空。愁蝶舞。還鳴鞭。游蓬小夢。枕殘驚寤。還識西湖醉路。向柳下。並鞍銀袍吹絮。事影難追。那負燈牀開雨。冰絲惹誰。照影。有明月。乘興去。暗相思。梅孤瘦。共江亭暮。

寒垣春（丙午歲旦）

夢窗丙蕊

漏瑟侵瓊筵。潤鼓借烘爐暖。藏鉤怯冷。書難編曉。鄰語鶯轉。帶綠窗細。呢浮梅蕊。換蜜炬。花心
短。夢影回。林鴉起。曲屏春事天遠。迎路柳絲裙。石爭拜。東風盈灘。橋岸。鬢落寶釵寒。恨花勝
遲燕。酒街簾影轉。還似新年。過郵亭。一相見。南陌又燈火。繡囊麝香淺。

一剪梅 賦庾靜以梅花枝見贈

老色頓生玉鏡塵。雪澹春姿。越石精神。溪橋人去幾黃昏。流水冷。浴都是啼痕。細雨輕寒暮
掩門。夢綠燈前。酒帶香溫。風情誰道不因春。春到一分。花瘦一分。

木蘭花慢 餞韓似齋赴江東醴陵

潤寒梅細雨。捲燈火。暗塵香。正萬里。雪濤流花漲。賦春共東江。雲橋未傳燕語。過翠窻垂柳舞。
鵝黃。留取行人繫馬。輾江深處聞鶯。悠颺。霽月清風凝望久。鄴山蒼。又紫簫一曲。還吹別調。
楚際吳旁。仙方袖中祕寶。遣逢萊弱水。變飛霜。寒食春城秀句。赴花飛入宮牆。

探芳信 賀雲麓先生祕閣滿月

探春到。見綵花釵頭。玉燕來早。正紫龍眠重。明月弄清曉。夜塵不沁銀河水。金盞供新澡。鎮帷
屏護緊。東風秀藏芝草。星斗燦懷抱。問霧暖藍田。玉長多少。禁苑傳香柳。邊語聽鶯報。片雲
飛趁春潮去。紅輓長安道。試回頭。一點蓬萊翠小。

燕歸梁 對雪醒坐上雪麓先生

一片游塵拂鏡灣。素影護梅殘。行人無語看春山。背東風。兩蒼顏。夢飛不到梨花外。孤館閉。更寒。誰憐消渴。老文園。聽溪聲瀉冰泉。

解語花（立春風雨併饒翁處靜江上之役）

簷花舊滴。帳燭新啼。香潤殘冬被。澹煙疏綺。凌波步。暗阻榜牆挑薺。梅痕似洗。空點點年華別。淚花鬢。愁致股籠寒。綵燕沾雲膩。還鬪辛盤。蔥翠念青絲。牽恨。曾試纖指。雁回潮尾。征帆去。似與東風相避。泥雲萬里。應翦斷紅情綠意。年少時。偏愛輕憐。和酒香宜睡。

祝英臺近（饒陳少逸被會舉檄行部）

問流花。尋夢草。雲暖翠微路。錦雁峯前。淺約書行處。不教嘶馬飛春。一禽越鏡。那銷盡紅吟綵。賦。送人去。長絲初染柔黃。晴和曉煙舞。心事偷占。鶯漏漢宮語。趁得羅蓋天香。歸來時候。共留取玉闌春住。

烏夜啼（顧道三畏舍館館海棠）

醉痕深暈。潮紅睡初濃。寒食來時。池館舊東風。銀燭換。月西轉。夢魂中。明日春和人去。繡屏空。

浪淘沙（有得越中故人贈楊梅者爲賦贈）

綠樹越溪灣。過雨雲殷。西陵人去暮潮還。鉛淚結成紅粟顆。封寄長安。別味帶生酸。愁憶眉

山。小樓燈外練花寒。衫袖醉痕花睡在。猶染微丹。

踏沙行

潤玉籠銷檀櫻倚扇。繡圈猶帶脂香淺。留心空疊舞裙紅。艾枝應壓愁髮亂。午夢千山。窗陰一箇。香痕新褪紅絲腕。隔江人在雨聲中。晚風菰葉生秋怨。

齊天樂（與江潤諸友泛湖）

麴塵猶沁傷心水。歌蟬暗驚春換。露藻清啼。煙羅淡碧。光結湖山秋怨。波籠翠捲。嘆霞薄輕綃。泥人重見。傍柳追涼。暫疎懷袖負純扇。南花清鬪素鬢。畫船應不載。坡靜詩卷。泛酒芳筵。題名蠹壁。重集湘鴻。江燕平蕪未翦。怕一夕。西風鏡心紅變。望眼愁生。暮天菱唱遠。

燒佛閣（與沈野逸東皋天街盛樓追涼小飲）

夜空似水。橫漢靜立。銀浪聲香。瑤鏡奩小。素娥乍起。樓心弄孤照。絮雲未巧。梧隕露井。偏惜秋早。暗情多少。怕教微盼寒光見。懷抱。浪迹尚爲客。恨滿長安。千古道。還記暗螢穿簾。街語悄。歎步影歸來。人鬢花老。紫簫天渺。又露飲風前。涼墮輕帽。酒杯空數星橫曉。

秋蕊香（七夕）

嬾浴新涼睡早。雪鬢酒紅侵笑。倚樓起把繡針小。月冷秋波夢覺。怕聞井葉西風到。恨多少。粉河不語墮秋曉。雲雨人閒未了。

疏影（賦翠梅 舊刻暗香非）

占春壓一。捲峭寒萬里。平沙飛雪。數點酥鈿。□□□。凌曉東風吹裂。獨自曳橫梢瘦影。入廣平裁冰詞筆。記五湖清夜。推蓬臨水。一痕微月。何遜揚州舊事。五更夢半醒。胡調吹徹。若把南枝。闌入淩煙香滿玉樓瓊闕。相將初試紅鹽味。到煙雨青黃時節。想雁空北落冬深。澹墨晚天雲闊。

聲聲慢（錢漕肇建新樓上海津）

清漪街苑。御水分流。阿階西北青紅。朱拱浮雲。碧窗宿霧濛濛。璇題淨橫秋影。笑南飛不過新鴻。延柱杳。見素娥梳洗。微步瓊空。城外湖山十里。想無時長敞。罷書簾櫺。暗柳回隄。何須繫馬金鈔。鶯花翰林。千首綵毫。飛海雨天風。風池上又相思。春夜夢中。

大蘭花慢（送翁五峯遊江）

送秋雲萬里。舒卷總何心。默路轉羊腸。人營燕壘。霜滿蓬簾。愁侵庾麈滿袖。便封侯那羨。漢淮陰。一醉尊絲脰。玉忍教菊老松深。離音又聽西風。金牛樹動秋吟。向暮江日斷。鴻飛渺渺。天色沈沈。沾襟。四絃夜語。問楊瓊往事。到寒砧。爭似湖山歲晚。靜梅香底同斟。

瑞鶴仙（丙午重九）

亂雲生古嶠。記舊遊惟怕。秋光不早。人生斷腸草。歎如今搖落。暗驚懷抱。誰臨晚眺。吹臺高霜

歌繹繹。想西風此處留情。肯著故山衰帽。聞道萸香西市。酒熟東隣。澆花人老。金鞭腰裏。追吟賦。倩年少。想重來新雁。傷心湖上。銷減紅深翠窈。小樓寒睡起。無聊半簾晚照。

浪淘沙（九日從吳山覓酒）

山遠翠眉長。高處淒涼。菊花清瘦杜秋娘。淨洗綠杯牽露井。聊薦幽香。烏帽壓吳霜。風力偏狂。一年佳節過西廡。秋色雁聲愁幾許。都在斜陽。

水調歌頭（賦方泉望湖樓）

屋下半流水。屋上幾青山。賞心千頃明鏡。人座玉光寒。雲起南峯未雨。雲斂北峯初霽。健筆寫青天。俯瞰古城堞。不礙小闌干。繡鞍馬。輭紅路。乍回班。層梯影轉停午。信手展緗編。殘照游船收盡。新月書簾纔捲。人在翠壺閒。天際笛聲起。塵世夜漫漫。

思佳客（賦半面女鬪饒）

斂燕梳雲睡起時。隔牆折得杏花枝。青春半面妝如畫。細雨三更花又飛。輕愛別。舊相知。斷腸青塚幾斜暉。亂紅一任風吹起。結習空時不點衣。

垂絲釣（雲麓先生以畫舫載洛花燕客）

聽風聽雨。春殘花落門掩。乍倚玉闌。旋翦天豔。攜醉鬢。放迥溪游繚。波光掩映。燭花黯澹。碎霞澄水。吳宮初試菱鑑。舊情頓減。孤負深杯豔。衣露天香染。通夜飲。問漏移幾點。

喜遷鶯（賦王體庵開室）

烟容白鷺乍飛下似呼行人相語細覈春波微痕秋月曾認片帆來去萬頃素雲遮斷十二紅
簾鉤處黯愁遠向虹腰時送斜陽凝竚輕許孤夢到海上幾宮玉冷深窗戶遙指人間隔江
燈火漠漠水蘋搖暮石蒼斷磯殘影替却珠歌雪舞吟未了去匆匆清曉闌煙雨

西河（陪鶴林先生登花園）

春乍霽清漣畫舫融洩螺雲萬疊黯凝秋蟻蟻照水漫將西子比西湖溪邊人更多麗步危
徑攀豔蕊掬霞到手紅碎青蛇細折小迴廊去天半尺畫闌人暮起東風棋聲吹下人世海
棠藉雨半繡地殘寒退初卸羅綺除酒消春何計向沙頭更續斜陽一醉雙玉杯和流花洗

點絳脣

推枕南窗棟花寒入單紗淺雨簾不捲空礙調雛燕一握冰蔥香染榴山汗音塵斷書羅閒
扇山色天涯遠

滿江紅（饒方薰嚴赴闕）

竹下門敲又呼起蝴蝶夢清閒裏看隣牆梅子幾度仁生燈外江湖多夜雨月邊河漢獨晨星
向草堂清曉卷琴書猿鶴驚宮漏靜朝馬鳴西風起已關情料希音不在女瑟媧笙蓮蕩折
花香未晚野舟橫渡水初晴看高鴻飛上碧雲中秋一聲

祝英臺近 (春日寄龜溪游廢圃)

探幽香。巡古苑。竹冷翠微路。闌草溪根。沙印小蓮步。自憐兩鬢清霜。一年寒食。又身在雲山深處。書閒度。因甚天也慳春。輕陰便成雨。綠暗長亭。歸夢趁風絮。有惜花影闌干。鶯聲門徑。解留我霎時凝竚。

珍珠簾 (春日寄龜溪過貴人家。隔窗聞簫鼓聲。疑是按舞。竚立久之。)

蜜沈爐暖餘煙裊。麝簾捲。竚立行人官道。鱗帶壓愁香。聽舞簫雲杪。恨縷情絲春絮遠。恨夢隔銀屏。雖到寒峭。有東風垂柳。學得嬌小。還近綠水清明。歎孤身如燕。將花頻繞。細雨溼黃昏。半醉歸懷抱。蠹損歌純人去久。謾淚沾香蘭如笑。書香念客枕幽單。看春漸老。

滿江紅 (甲辰改盤門外寓居過重午)

結束簫仙。嘯梁鬼。依還未滅。荒城外。無聊閒看。野煙一抹。梅子未黃愁夜雨。榴花不見驚秋雪。又金羅紅字寫香詞。年時節。簾底事。憑燕說。合歡縷。雙條脫。自香銷紅臂。舊情都別。湘水離魂。菰葉怨。揚州無夢銅華闕。倩臥簫吹裂。晚天雲。看新月。

木蘭花慢 (饒趙山臺)

指累憑曉月。動涼信。又催歸。正玉漲松波。花穿畫舫。無限紅衣青絲。傍橋淺繫。問笛中誰奏。鶴南飛。西子冰綃冷處。素娥寶鏡圓時。清奇好借秋光。臨水色。寫瑤巖。向醉中織就。天孫雲錦。

一杼新詩。依稀數聲禁漏。又東華塵染帽簷。爭似西風小隊。便乘鱸膾秋肥。

橋相思（韻陳賦一水月梅扇）

玉纖風透秋痕。涼與素懷分。乘鸞歸後。生綃淨翦。一片冰雲。心事孤山春夢在。到思量猶斷。詩魂水清月冷。香銷瘦影。人立黃昏。

醉蓬萊（和方南山韻）

碧天書信斷。寶枕香留。淚痕盈袖。誰誚秋娥。比行云纖瘦。象尺重爐。翠鏡金縷。記倚牀同繡。月潭瓊梳。冰銷粉汗。南花熏透。盡是當時少年清夢。臂約痕深。吧綃紅縐。憑鵲傳音。恨語多輕。漏潤玉留情。沈郎無奈。向柳陰時候。數曲催闌。雙鋪深拖。風鑽鳴獸。

三部樂（賦姜石帚漁隱）

江鷗初飛。薄萬里素雲。際空如沐。詠情吟思。不在秦箏金屋。夜潮上明月。蘆花。傍釣蓑夢遠。句清敲玉。翠墨汲曉。欸乃一聲秋曲。片篷障雨。乘風半竿渭水。伴鷺汀幽宿。那知暖袍挾錦。低簾籠燭。鼓春波。載花萬斛。帆鬣轉銀河。可掬。風定浪息。滄茫外。天浸寒綠。

秋思耗（荷塘爲括蒼名姝求賦聽雨小閣）

堆枕香蟬側。驟夜聲。偏稱畫屏秋色。風碎串珠。潤侵歌板。愁壓眉窄。動羅篋。清商寸心低訴。叙怨抑。映夢筵。零亂碧。待漲綠春深。落花香汎。料有斷紅流處。暗題相憶。歡夕。簷花細滴。送故

人粉黛重飾。漏侵瓊瑟。丁東敲斷。弄晴月白。怕一曲霓裳未終。催去騁風翼。歎謝客猶未識。漫瘦卻東陽。燈前無夢到得。路隔重雲雁北。

法曲獻仙音（賦秋晚紅白蓮）

風拍波驚。露容秋碧。斷綠衰紅江上。豔拂潮妝。澹凝冰鬢。別翻翠池花浪。過數點斜陽雨。啼綃粉痕冷。宛相向。指汀洲。素雲飛過。清麝洗玉井。曉霞珮響。寸藕折長絲。何郎心似春風蕩。半掬微涼。嬌蟬聲遠度菱唱。伴鴛鴦秋夢。酒醒月斜輕帳。

月中行（和黃復庵）

疎桐翠井蚤驚秋。葉葉雨聲愁。燈前倦客老貂裘。燕去柳邊樓。吳宮寂寞空煙水。渾不認舊采菱洲。秋花旋結小盤虬。蝶怨夜香留。

夢窗丁稿

瑞龍吟（賦蓬萊閣·併刻雙調非）

障紅際。尉觀冷翠玲瓏。五雲飛起。玉虬縈結。城痕淡煙半野。斜陽半市。瞰危梯。門巷去來車馬。夢游宮幟。秦鬟古色凝愁鏡。中暗換。明眸皓齒。東海青桑生處。勁風吹淺。瀛洲清泚。山影汎出瓊壺。碧樹人世。旗槍芽焙綠。曾試雲根味。巖流漣。涎香怕攪。驕龍春睡。露草啼清淚。酒香斷。文邱廢隧。今古秋聲裏。情漫黯。寒鴉孤村流水。半空裏。畫角落日地。

瑞鶴仙（壽方蕙嚴寺護）

輓轡秋又轉。記旋草新詞。江頭憑雁。乘槎上銀漢。想車塵纔踏。東葉紅幘。何時賜見。漏聲涼移宮夜半。問尊鱸。今幾西風。未覺歲華遲晚。一片丹心白髮。滴露研朱。雅陪清燕。班回柳院。蒲團底。小禪視。望累窻明月。初圓此夕。應其嬋娟茂苑。願年年。玉兔長生。簪秋井幹。

思佳客（閏中秋）

丹桂花開第二番。東籬展却宴期寬。人間寶鏡離仍合。海上仙槎去復還。分不盡。半涼天。可憐開刺此嬋娟。素娥不隔三秋夢。贏得今宵又倚闌。

澆園春（賦方泉）

夢窗丁稿

澄碧西湖。輾紅南陌。銀河地穿。見華星影裏。仙棋局靜。清風行處。瑞玉生寒。斜谷山深。望春樓遠。無此峭嶮。小渭川春一泓地。解不波不涸。獨障狂瀾。老蘇雨後坡仙。織菊井佳名。相與傳。試摩挲勁石。無令折角。丁寧明月。莫澆規圓。漫結鷗盟。那知魚樂。心止中流。別有天。無塵夜。聽吾伊正在秋水闌干。

齊天樂（昆陵陪兩別駕宴丁園）

竹深不放斜陽入。橫波滄墨林沼。斷莽平煙。殘荷刺水。宜得秋深纔好。荒亭旋掃。正著酒寒輕。弄花春小。障錦西風。半圍歌袖半吟草。游清興易嬾。景饒人未勝。樂事長少。柳下停車。尊前岸幘。同撫雲根一笑。秋香未老。漸風雨西城。暗歛客帽。昔日移舟。亂鴉溪樹晚。

玉樓春（爲故人壽母）

華堂宿讌連清曉。醉裏笙歌雲窈窕。醺成千日酒。初香過卻重陽秋更好。阿兒早晚成名了。玉樹階前春滿抱。天邊金鏡不須磨。長與妝樓慚晚照。

醉落魄（題蕙花洲尼扇）

春溫紅玉。織衣學翦鴉鴉綠。夜香燒短銀屏燭。偷挪金錢。重把寸心卜。翠深不礙鴛鴦宿。採菱誰記當時曲。青山南畔紅雲北。一葉波心。明滅淡妝束。

蝶戀花（題華山道女扇）

北斗秋橫雲鬢影。鴛羽衣輕。腰減青絲剩。一曲游仙聞玉磬。月華深院人初定。十二闌干和
和笑凭。風露生寒。人在蓮花頂。睡重不知殘酒醒。覺來幾度啼鴉暝。

朝中措（顯閣宴道女扇）

楚畧相遇笑盈盈。江碧遠山青。露重寒香有恨，月明秋佩無聲。銀燈笑了金爐燼，暖真色羅
屏。病起十分清瘦，夢闌一寸春情。

江城梅花引（贈倪梅村，舊刻四誤）

江頭何處帶春歸。玉川迷。路東西。一雁不飛，雪壓凍雲低。十里黃昏成曉色，竹根籬。分流水。過
翠微。帶書傍月自鉤畦。苦吟詩。半鬢絲。半黃細雨，翠禽語似說相思。惆悵孤山花盡草離離。
半幅寒香家住遠。小簾垂。玉人誤聽馬嘶。

杏花天（詠湯）

蠻薑苴蔻相思味。算卻在春風舌底。江清愛與消殘醉。憔悴文園病起。停嘶騎。歌眉送意。記
曉色東城夢裏。紫檀暈淺香波細。腰斷垂楊小市。

倦尋芳（花翁遇善歡吳門老妓李憐邀分韻同賦此詞）

墜餅根。井塵鏡。迷樓空閒孤燕。寄別崔徽。清瘦畫圖春面。不約舟楫楊柳繫。有綠人映桃花見。
叙分攜。悔香瘢漫。綠鬢輕翦。聽細語。琵琶幽怨。客鬢蒼華。衫袖溼徧。漸老芙蓉。猶自帶霜。

□看一縷情深朱戶掩。兩痕愁起青山遠。被西風。又驚吹。夢雲分散。

滿江紅（詞調齊賦菊和韻）

露浥初英。蚤遺恨、參差九日。還卻笑、萸萸隨節過。桂彫無色。杯面寒香蜂共泛。籬根秋訊蠶催織。愛玲瓏、篩月水屏風。千枝結。芳井韻。寒泉咽。霜著處。微紅溼。共評花索句。看誰先得。好漉烏巾。連夜醉。莫愁金鈿無人拾。算遺蹤。猶有枕囊留。相思物。

朝中措（聞桂香）

海東明月鎖雲陰。花在月中心。天外幽香輕漏。人間仙影難尋。并刀翦葉。一枝曉露。綠鬢曾簪。惟有別時難忘。冷煙疏雨。秋深。

龍山會（陪毘陵幕府諸名勝載酒雙清賞芙蓉）

石徑幽雲冷。步帳深。豔錦青紅亞。小橋和夢。醉。環佩香煙水。茫茫城下。何處不秋陰。問誰借。東風豔冶。最嬌嬈。愁侵醉頰。紅綃淚洒。搖落翠蓉半沙。欲挽斜陽。駐短亭車馬。曉妝羞未墮。沈恨起。金谷魂飛。深夜。驚雁落清歌。酬花底。鱗船快瀉。去來捨。月向井梧梢上挂。

夢行雲（卽六么花十八和趙脩全韻）

簾眼皺。纖縠朝炊熟。眠未足。青奴細膩。未拚真珠斛。素蓮幽怨。風前影。搔頭斜墜玉。書闌枕水。垂楊梳雨。青絲亂如乍沐。嬌筇微韻。晚蟬亂秋曲。翠陰明月勝花夜。那愁春去速。

天香（壽筵內子）

碧藕藏絲。紅蓮並蒂。荷塘水暖香斗。窈窕文窗。深沈書幔。錦瑟歲華依舊。洞簫韻裏。同跨鶴青田碧岫。菱鏡妝臺挂玉。芙蓉豔。錦鋪繡。西鄰障蓬。漂手共華朝。夢闌分秀。未冷綺簾。猶捲淺冬時候。秋到霜黃半畝。便準。拚攜花就。君酒。花酒年華。天長地久。

謁金門（和勿齋韻）

雞唱晚。斜照西窗白暖。一枕午醒幽夢遠。素衣春絮軟。紫燕紅樓歌斷。錦瑟華年一箭。偷果風流輸曼倩。畫陰爭繡綫。

點絳脣

香泛羅屏。夜寒著酒。宜假倚。翠偏紅墜。喚起芙蓉睡。一曲伊州。秋色芭蕉裏。嬌和醉。眼前心事。愁隔湘江水。

繞佛閣（贈郭李隱）

舊寫豔錦。星媛夜織。河漢鳴杵。紅翠萬縷。送幽夢與人間。秀芳句。怨宮恨羽。孤劍護倚。無限楚賦。賦情縹緲。東風搖颺。一花絮。鏡裏半髻雪。詞老春深。鶯啼處。長閉翠陰。幽坊楊柳戶。看故苑。離離。徧生禾黍。短蓼青煙。笑寄隱。閒追雞社。歌舞。最風流。草由沾雨。

夜遊宮

人去西樓雁杳。叙別夢揚州。一覺雲淡疏星。楚山曉。聽啼鳥。立河橋。話未了。雨外蛩聲早。細織就。霜絲多少。說與蕭娘。未知道。向長安。對秋燈。幾人老。

如夢令

春在綠窗楊柳。人與流鶯俱瘦。眉底暮寒生。簾額時翻波皺。風驟。風驟。花徑啼紅滿袖。

醉桃源（荷塘小隱賦燭影）

金丸一樹帶霜華。銀臺搖豔霞。燭陰樹影兩交加。秋紗棧上花。飛醉筆。駐吟車。香浮小隱家。明朝客夢付啼鴉。歌闌月未斜。

絳都春（饒李太博赴括蒼別駕）

長亭旅雁。斂倦羽寄栖。牆陰年晚。問字翠尊。刻燭紅箋。慳曾展。冰灘鳴珮舟如箭。笑烏幘臨風重岸。可憐垂柳。清霜萬縷。送將人遠。吳苑千金未散。買新賦。共賞文園詞翰。流水翠微。明月清風。平分半。花深驛路香不斷。萬玉舞。翠窻東苑。祇應花底春多。輓紅霧暖。

漢宮春 壽王度州

懷得銀符。卷朝衣歸袖。猶惹天香。星移太微。幾度飛出西江。吳城駐馬。趁肥蠟。蟻蟻初嘗。紅霧底。金門候曉。爭如小隊春行。何用倚樓看鏡。算橋中深趣。日月偏長。江山待吟秀句。梅鬢催妝。東風水暖。弄煙嬌。語燕飛橋。來歲醉鵲樓勝處。紅圍舞袖歌裳。

瑤花（分韻得作字，戲處寬興）

秋風采石羽扇揮兵，認紫駟飛躍江灘。草廬笑春空鎖，凌煙高閣，胡歌秦隴，問鐃鼓新詞誰作。有秀孫來染吳香，瘦馬青芻南陌。冰澌細響長橋，蕩波底蛟腥，不澆霜鏢。烏絲醉墨，紅袖暖十里湖山行樂。老仙何處，算洞府光陰如昨。想地寬多種桃花，豔錦東風成坼。

瑞鶴仙（寄雲麓先生）

記年時秋半，石畫堂凝香。璇奎初煥，天濤歲華轉，向九重春近。仙桃傳宴，銀罌翠管，寶香飛蓬。菜小苑，感玉皇恩重，千秋翠麓峻。齊雲漢，須石鴻飛高處，野闊天寬。弋人空羨梅清水暖。茗溪畔，幾吟卷，算金門聽漏。玉墀班平，贏得風霜滿臉。總不如綠野身安。鏡中未晚。

暗香（送魏句濱宰吳縣解組分韻得園字）

縣花誰許，記滿庭燕麥，朱扉斜闔。妙手作新，公館青紅曉雲溼。天際疏星趁馬，書簾隙冰絃三疊。盡換卻吳水吳煙，桃李靚春鬢。風急送帆葉，正雁水夜清，臥虹平帖。輭紅路接，塗粉闌深。催早入懷暖，天香宴果，花隊簇輕軒。銀燭便問訊湖上柳，兩隄翠匣。

淒涼犯（又名瑞鶴仙影賦重慶水仙）

空江浪闊，清塵凝，層層刻碎冰葉。水邊照影，華裙曳翠，露搔淚溼。湘煙暮合，塵鞮凌波半涉。怕臨風，欺瘦骨，護冷素衣疊。樊姊玉奴恨，小鈿疏唇，洗妝輕怯。泥人最苦，粉痕深，幾重愁鬢。花

溢香濃。猛熏透霜。細摺倚搖臺。十二金錢暈半□。

思佳客（癸卯除夜舊刻失題）

自唱新詞送歲華。鬢絲添得老生涯。十年舊夢無尋處。幾度新春不在家。衣嬾換。酒難賒。可憐此夕看梅花。隔年昨夜青燈在。無限妝樓盡翠華。

宴清都（送馬林屋赴南宮分韻得動字）

柳色春陰重。東風力快將雲雁高送。書檠細雨。吟窗亂雪。天寒筆凍。家林秀橘霜老。笑分得蟾邊桂種。應茂苑。斗轉蒼龍。淮潮獻奇吳鳳。玉眉暗隱華年。淩雲氣壓千載雲夢。名箋淡墨。思袍翠草。紫騮青鞵。飛香杏園新句。眩醉眼春游乍縱。弄喜音鵲繞庭花。紅簾影動。

六醜（壬寅歲吳門元夕風雨）

漸新鵝映柳。茂苑鎖東風。初掣館娃舊遊。絳襦香未滅。玉夜花筇。記向留連處。看街臨晚。放小簾低揭。星河激灑春雲熱。笑鬢敬梅。仙衣舞縵。澄澄素娥宮闕。醉西樓十二。銅漏催徹。紅消翠歇。歎霜鬢。練髮過眼年光。舊情盡別。泥深厭聽啼鳩。恨愁霏潤沁。陌頭塵襪。青鸞香鈿車音絕。卻因甚。不把歡期。付與少年花月。殘梅瘦。飛趁風雪。丙夜永。更說長安夢。燈花正結。

蕙蘭芳引（賦陳藏一家吳郡王畫圖墨蘭）

空翠□雲。楚山迥。故人南北。秀骨冷盈盈。□□□□。清洗九畹。料未許千金輕價。淺笑還

輕語。蔓草羅裙一幅。素女情多。阿真嬌重。喚□空谷。弄野色煙姿。宜掃怨蛾澹墨。光風入戶。媚香傾國。湘佩寒。幽夢小窗春足。

採芳信

爲春瘦。更瘦如梅花。花應知否。任枕函雲際。離懷半中酒。雨聲樓閣春寒裏。寂寞收燈後。甚年年。鬪草心期。探花時候。嬌嬾強拈繡。暗背裏相思。閒供晴畫。玉合羅囊。蘭膏漬透紅葦。舞衣疊損金泥鳳。妬折闌干柳。幾多愁。兩點天涯遠岫。

惜黃花慢（賦菊）

粉靨金裳。映簫屏認得。舊日蕭娘。翠微高處。故人帽底。一年最好。偏是重陽。避春祇怕春不遠。傍幽徑偷理秋妝。澹醉鄉。寸心似翦。漂蕩愁觴。潮頭笑入清霜。鬪萬花樣巧。深染蜂黃。露痕千點。自憐舊色。寒泉半掬。百感幽香。雁聲不到東籬畔。滿城但風雨淒涼。最斷腸。夜深怨蝶飛狂。

青玉案（重到溪葵園）

東風客雁溪邊道。帶春去。隨春到。認得踏青香徑小。傷高懷遠。亂雲深處。日斷湖山杳。梅花似惜行人老。不忍輕飛送殘照。一曲秦娥春能少。幽香誰採。舊寒猶在。歸夢啼鶯曉。

浣溪沙（題李中策舟中梅屏）

冰骨清寒瘦一枝。玉人初上木蘭時。嬾妝斜立澹春姿。月落溪窮清影在，日長春去畫簾垂。五湖水色掩西施。

採芳信（雲麓小園早飲，客供棋事琴事。舊刻缺半調）

轉芳徑，見霧捲晴漪。魚弄游影，旋解纓，濯翠。臨軒撫瑤軫，修林竹色花香處。意足多新詠，試把龍唇供。來時舊寒纔定。門巷都深靜，但酒敵曉寒，共消日永。舊曲澹瀾，待留向月中聽。藻蘋密佈宮溝水，任汎流紅冷。小闌干笑拍東風，醉醒。

採桑子（瑞香）

茜羅結就丁香顆，顆顆相思。猶記年時，一曲春風酒一卮。綵鸞依舊乘雲到，不負心期。清睡濃時，香趁銀屏蝴蝶飛。

三姝媚（芳石帶節水磨方氏會飲總宜卽事寄毛荷塘）

酣春清鏡裏，照清波明眸。暮雲愁思，半綠垂絲，正楚腰纖瘦。舞衣初試，燕客漂零，煙樹冷青驄。曾繫畫館朱橋，還把清尊，慰春憔悴。離苑幽芳深閉，恨淺薄東風，褪香銷膩。綵筆翻歌，最賦情偏在笑紅顰翠。暗拍闌干，看散盡斜陽船市。付與嬌鶯，金衣清曉，花深未起。

水龍吟（京華新葺北墅園池）

好山都在西湖，斗城轉北多流水。屋邊五畝，橋通雙沼，平煙蘸翠。旋疊雲根，半開竹徑，鷗來須

避四時長把酒。臨花傍月無一日不春意。獨樂常時高致。醉吟篇如今還繼。舉頭見日葵心傾。歸計浮碧亭。泛紅波。迤桃源人。世待天香。開時又勝翠陰青子。

燭影搖紅 雪麓夜燕園亭

新月侵階。綠雲林外。簾簾透。銀燭雙引。繞花行。紅墜香沾袖。不管籤聲轉漏。更明朝棋消永晝。靜中閒石。倦羽飛還。遊雲出岫。隨處春光。翠陰那抵西湖柳。去年溪上牡丹時。還試長安酒。都把愁懷抖擻。笑流鶯啼春漫瘦。曉風盡惡。始雪寒銷。梅梢成坼。

又 玉荷塘生日留京不歸賦具寄意

西子西湖。賦情合載。鴟夷棹。斷橋直去。是孤山。應爲梅花到。幾度吟昏醉曉。背東風。偷閒鬪草。亂鴉啼後。解佩歸來。春懷多少。千里嬋娟。茂園今夜同清照。櫻脂茸唾聽吟詩。爭似還家好。昵昵西窗語笑。風雲深瓊簫縷。願春如舊。柳帶同心。花枝壓帽。

葦江南

三月暮。花落更情濃。人去鞦韆開挂月。馬停楊柳倦嘶風。隄畔畫船空。厭厭醉。長日小簾櫳。宿燕夜歸銀燭外。啼鴛聲在綠陰中。無處覓殘紅。

天香 賦熏衣香

珠絡玲瓏。羅囊開闕。酥懷暖麝相倚。百和花鬢。十分風韻。半襲鳳箱重綺。黃四角。慵未結流

蘇春睡。熏度紅薇院落。煙銷露屏沈水。溫泉絳綃乍試。露華侵透。肌蘭泚漫。省淺溪月夜。暗浮花氣。荷令如今老矣。但未識韓郎舊風味。遠寄相思。餘熏夢裏。

江神子 賦洛北碧沼小庵

長安門外小林邱。碧壺秋。浴輕鷗。不放啼紅。流水透宮溝。時有晴空雲過影。華鏡裏。鬢魚游。綺羅塵滿九街頭。晚香樓。夕陽收。波面琴高。仙子駕黃蚪。清磬數聲人定了。池上月。照虛舟。

沁園春 (送翁資陽游鄂渚)

情如之何。暮途爲客。忍堪送君。便江湖天遠。中宵同舟。關河秋近。何日清塵。玉塵生風。貂裘明霧。幕府英雄。今幾人行。清早料剛腸肯殢。淚眼難掣。平生秀句。清尊到帳。動風開自有神聽。夜鳴黃鶴。樓高百尺。朝馳白馬。筆掃千軍。賈傅才高。岳家軍壯。好勒燕然石上文。念故人老矣。甘臥閒雲。

採桑子

水亭花上三更月。扇與人閒。弄影闌干。玉燕重抽攏墜簪。心期偷卜新蓮子。秋入眉山。翠破紅殘。半篋湘波生曉寒。

清平樂 (書柵子扇)

柔柯翦翠。蝴蝶雙飛起。誰墮玉鈿花徑裏。香帶熏風臨水。露紅滴下秋枝。金泥不染禪衣。結

得同心成了。任教春去多時。

燕歸梁（書水仙扇）

白玉搔頭墜鬢絲。怯冷翠裙重。當時離佩解了東。淡雲低。暮江空。青絲結帶鴛鴦環。歲華晚。又相逢。綠塵湘水避春風。步歸來。月宮中。

西江月

江上桃花流水。天涯芳草青山。樓臺春瑣碧雲灣。都入行人望眼。一鏡波平鷗去。千林落日鴉還。天風雲裏送輕颿。蕩過星槎銀漢。

滿江紅

翠幕深庭。露紅晚。閒花自發。春不斷。亭臺成趣。翠陰蒙密。紫燕雛飛。簾額靜。金鱗影轉。池心闊。有花香竹色。賦閒情。俱吟筆。閒問字。評風月。時載酒。滿冰雪。似初秋入夜。淺涼欺。葛人境。不教車馬近。醉鄉莫放笙歌歇。倩雙成一曲。紫雲迴。紅蓮折。

夜行船（寓北度寺）

鶉帶斜陽歸遠樹。無人聽。數聲鐘暮。日與愁長。心灰香斷。月冷竹房扃戶。畫扇青山吳苑路。悵悵袖夢飛不去。憶別西池。紅綃盛淚。腸斷粉蓮啼露。

好事近（僧房聽琴）

琴冷石牀空。海上偷傳新曲。彈作一簫風雨。碎芭蕉寒綠。冰泉輕瀉翠筒香。林果薦紅玉。早是一分秋意。到臨窗脩竹。

浣溪沙

波面銅花冷不收。玉人熏釣理纖鉤。月明池閣夜來秋。江燕話歸成曉別。水花紅減似春休。西風梧井葉先愁。

風入松

雲蘆園堂燕客

一番疏雨洗芙蓉。玉冷珮丁東。蠅蠶聽帶秋聲轉。早涼生、傍井梧桐。歡宴涼宵好月，佳人脩竹。清風。臨池飛閣乍青紅。移酒小垂虹。貞元供奉梨園曲，稱十香、深蘸嬌鍾。醉夢孤雲曉色，笙歌一派秋空。

鷓鴣天

化度寺作

池上紅衣伴倚闌。栖鴉常帶夕陽還。殷雲度雨疏桐落。明月生涼寶扇閒。鄉夢窄。水天寬。小窗愁黛淡秋山。吳鴻好爲傳歸信。楊柳開門屋數間。

虞美人影

詠香橙

黃包先著風霜勁。獨占一年佳景。點點吳鹽雪凝。玉脍和齏冷。洋園誰識黃金徑。一棹洞庭秋興。香薦蘭皋湯鼎。殘酒西窗醒。

訴衷情

片雲載雨過江鷗。水色澹汀洲。小蓮玉慘紅怨，翠被又經秋。涼意思，到南樓。小簾鉤。半窗燈
暈。幾葉芭蕉。客夢夢牀頭。

花上月令

文園消渴愛江清。酒腸怯怕深觥。玉舟曾洗芙蓉水，瀉清冰。秋夢淺，醉雲輕。庭竹不收簾影
去。人睡起。月空明。瓦瓶汲井和秋葉，薦吟醒。夜深重，怨遙更。

卜算子

涼挂曉雲輕。聲度西風小。井上梧桐應未知，一葉雲鬢島。來雁帶書遲。別燕歸程早。頻探秋
香開未開。恰似春來了。

秋霽（賦雲籠水閣長橋）

一水盈盈漢影隔。游塵淨洗寒綠。秋沐平煙。日回西照。乍驚飲虹天北。綠蘭翠瀉。錦雲直下。花
成屋。試縱目。空際醉來風露。跨黃鶴。追思纏綿。釣雪松江。恍然煙衰。秋夢重續。問何如。臨池
贈玉扁舟。空曠洞庭宿。也勝飲湘。然楚竹。夜久人悄。玉妃喚月歸來。柱箏聲裏。水宮六六。

鳳栖梧（甲辰七夕）

開過南枝花滿院。新月西樓。相約同針線。高樹數聲蟬送晚。歸家夢向斜陽斷。夜色銀河情

一片輕帳偷歎。銀燭羅屏怨。陳迹曉風吹霧散。簾鉤空帶蛛絲捲。

江神子（喜雨上巖翁）

一聲玉磬下星壇。步虛闌。露華寒。平曉阿香。油壁碾青鸞。應是老鱗眠不得。雲匏落海潮翻。身閒猶耿寸心丹。丹灶爐煙。暗祈年。隨處蛙聲。鼓吹稻花田。秋水一池蓮葉晚。吟喜雨。拍闌干。

齊天樂（飲白醪感少年事）

芙蓉心上三更露。茸香漱泉玉井。日洗銀舟。徐開素酌。月落空杯無影。庭陰未暝。度一曲新蟬。韻秋堪聽。瘦骨侵冰。怕驚紋簟夜深冷。當時湖上載酒。翠雲開處。共雪面波鏡。萬感瑤漿。千莖鬢。煙鎖藍橋花徑。留連暮景。但覓孤歡。強寬秋興。醉倚修篁。晚風吹半醒。

霜天曉角（題贈贈嶺陶氏門）

煙林褪葉。紅藕藉游人屐。十里秋聲松路。嵐雲重。翠濤涉。竚立聞素筆。畫屏羅幃疊。明月雙成歸去。天風裏。鳳笙泮。

烏夜啼（桂花）

西風先到巖扃。日籠明。金露啼珠。滴碎小雲屏。一顆顆。一星星。是秋情。香裂碧窗。煙破醉魂醒。

夜行船

逗曉闌干露。水歸期。香書簪鵲。喜粉汗餘香。傷秋中酒。月落桂花影裏。屏曲巫山和夢倚。行雲重夢飛不起。紅葉中庭。綠塵斜。應是寶箏慵理。

鳳栖梧 (化度寺池蓮一花最晚有感)

湘水煙中相見早。羅蓋低籠。紅拂猶嬌小。妝鏡明星爭晚照。西風日送淩波杳。惆悵來遲羞窈窕。一霎留連。相伴闌干悄。今夜西池明月到。餘香翠被空秋曉。

生查子 (秋社)

當樓月半奩。曾買菱花處。愁影背闌干。素髮殘風露。神前雞酒盟。歌斷秋香戶。泥落畫梁空。夢想青春語。

尾犯 (甲辰中秋·舊刻失題)

紺海掣微雲。金井暮涼。梧韻風息。何處樓高。想清光先得。江妃冷、冰綃乍洗。素娥懽。菱花冉拭。影留人去。忍向夜深。簾戶照陳迹。竹房苦徑小。對日莫教煙碧。露蓼香輕。記年時相識。二十五、聲聲秋點。夢不認、屏山路窄。醉魂愁。颺滿地。桂陰無人惜。

慶春宮

殘葉翻濃。餘香棲苦。障風怨動秋聲。雲影搖寒。波塵銷膩。翠房人去深局。畫成淒黯。雁飛過垂楊轉。闌干橫暮。酥印痕香。玉腕誰憑。菱花乍失娉婷。別岸圍紅。千豔傾城。重洗清杯。同追

深夜。豈花寒。落愁燈。近歡成夢。斷雲隔巫山。幾層。偷相憐處。重疊金屏。消瘦雲英。

霜天曉角(黃初失題)

香梅幽徑滑。縈繞秋曲折。簾額紅搖波影。魚驚墜。暗吹法。浪闊輕棹撥。武陵曾話別。一點煙紅春小。桃花夢。半林月。

漢宮春(壽梅津)

名壓年芳。倚竹根新影。獨照清漪。千年禹梁。綠碧重發南枝。冰凝素質。遣凡桃羞濯塵姿。寒正峭。東風似海。香浮夜雪春霏。練鵲錦袍仙使。有青娥傳夢。月轉參移。逋山傍鷺繫馬。玉照新辭。宮妝鏡裏。笑人間。花訊都遲。春未了。紅鸞鹿鼎。江南煙雨黃時。

西江月(丙午冬至)

添線繡牀人倦。翻香羅幕煙斜。五更簫鼓貴人家。窗外曉寒嘶馬。帽壓半簷朝雪。鏡開千巒春靄。小帘沾酒看梅花。夢到林逋山下。

浣溪沙(中冬望後出迓履翁舟中即興)

新夢游仙駕紫鴻。數家燈火瀟陵東。吹簫樓外凍雲重。石瘦溪根船宿處。月斜梅影曉寒中。玉人無力倚東風。

戀繡衾

須臾書眼怯細文。小窗陰天氣似昏。獸爐暖。慵添困。帶茶煙微潤寶熏。少年嬌馬西風冷。舊春衫猶澆酒痕。夢不到梨花路。斷長橋無限暮雲。

催雪

霓節飛瓊。鸞駕弄玉。杏隔平雲弱水。倩皓鶴傳書。衛娥呼起。莫待粉河凝曉。趁夜月瑤笙飛環。珮塞驢吟影。茶煙窺冷。酒亭四閉。歌麗泛碧蟻。放繡箔半鉤。寶臺臨砌。要須借東君。灞陵春意。曉夢先迷楚蝶。早風戾重寒。侵羅被。還怕掩深院梨花。又作故人清淚。

杏花天

鬢稜初翦玉纖弱。早春入屏山四角。少年買困成歡謔。人在濃香繡幃。霜絲換梅殘夢。覺夜寒重長安紫陌。東風入戶先情薄。吹老燈花半夢。

醉桃花 (元日)

五更櫪馬靜無聲。隣雞猶怕驚。日華平曉弄春明。暮寒愁鬢生。新歲夢。去年情。殘宵半酒醒。春風無定落梅輕。斷鴻長短亭。

菩薩蠻

落花夜雨辭寒食。塵香明日城南陌。玉靨溼斜紅。淚痕千萬重。傷春頭竟白。來去春如客。人瘦綠陰濃。日長簾影中。

宋六十名家圖

夢箇丁稿終

宋六十名家圖

夢窗補遺

聲聲慢（閩重九飲郭園）

檀欒金碧。婀娜蓬萊。游雲不蘸芳洲。露柳霜蓮。十分點綴殘秋。新彎畫眉未隱。似含羞、低度牆頭。愁送遠。駐西臺車馬。共惜臨流。知道池亭多宴。掩庭花長是。驚落秦謳。膩粉闌干。猶聞甌袖香留。輸他翠漣拍甃。瞰新妝、終日凝眸。簾半捲。帶黃花人在小樓。

倦尋芳（饒州糾定夫）

暮帆挂雨。冰岸飛梅。春思零亂。送客將歸。偏是故宮籬苑。醉酒曾同涼月舞。尋芳還隔紅塵面。去難留。悵芙蓉路窄。綠楊天遠。便繫馬鶯邊清曉。煙草晴花。沙潤香輦。爛錦年華。誰念故人遊倦。寒食相思隄上路。行雲應在孤山畔。寄新吟。莫空回五湖春雁。

唐多令（惜別）

何處合成愁。離人心上秋。縱芭蕉、不雨也颼颼。都道晚涼天氣好。有明月。怕登樓。年事夢中休。花空煙水流。燕辭歸客尚淹留。垂柳不繫裙帶住。漫長是。繫行舟。

法曲獻仙音（和丁宏庵韻）

落葉霞翻。敗窗風咽。暮色淒涼深院。瘦不關秋。淚緣生別。情銷鬢霜千點。悵翠冷、搔頭燕。那能

語恩怨。紫簫遠。記桃枝向隨春渡。愁未洗鉛水。又將恨染粉縞。澀離箱。忍重拈燈夜。裁翦望極藍橋。綵雲飛羅扇。歌斷料鴛籠玉鎖。夢裏隔花時見。

好事近（秋飲）

雁外雨絲絲。將恨和愁都織。玉骨西風添瘦。減尊前歌力。袖香曾枕醉紅腮。依約唾痕碧。花下淩波入夢。引春雛雙鸞。

憶舊遊（別黃潛翁）

送人猶未苦。苦送春隨人去。天涯片紅都飛盡。陰陰潤綠。暗裏啼鴉。賦情頓雪雙鬢。飛夢逐塵沙。歎病渴淒涼。分香瘦減。兩地看花。西湖斷橋路。想繫馬垂楊。依舊欹斜。葵麥迷煙處。問離巢孤燕。飛過誰家。故人爲寫深怨。空壁掃秋蛇。但醉上吳臺。殘陽草色歸思賒。

宴清都

病渴文園久。梨花月。夢殘春故人舊。愁彈枕雨。衰翻帽雪。爲情僂僂。千金醉躍驕驄試。問取朱橋翠柳。痛恨不買斷斜陽。西湖醞入春酒。吳宮亂水斜煙。留連倦客。慵更回首。幽蛩韻苦。哀鴻叫絕。斷音難偶。題紅汎葉零亂。想夜冷江楓暗瘦。付與誰一半悲秋。行雲在否。

金縷歌（陪隨齋先生滄溟春梅）

喬木生雲氣。訪中興英雄陳迹。暗追前事。戰艦東風慳借便。夢斷神州故里。旋小築吳宮閒地。

華表月明歸夜鶴。歎當時花竹。今如此。枝上露。濺清淚。遨頭小簇行春隊。步蒼苔尋幽別塢。看梅開未。重唱梅邊新度曲。催發寒梢凍蕊。此心與東君同意。後不如今。今非昔。兩無言相對。滄浪水。懷此恨。寄殘醉。

夢窗補遺終

夢窗詞跋

或云夢窗詞一卷。或云凡四卷。以甲乙丙丁釐目。或又云。四明吳君特從吳履齋諸公遊。晚年好填詞。謝世後。同遊集其丙丁兩年稿若干篇。釐爲二卷。末有鶯啼序。遺缺甚多。蓋絕筆也。與余家藏本合符。旣闕花庵諸刻。又得逸篇九闕。附存卷尾。山陰尹煥序略云。求詞于吾宋。前有清真。後有夢窗。此非煥之言。四海之公言也。湖南毛晉識。

近體樂府一卷

周必大

近體樂府

目錄

朝中措一調

點絳脣二調

西江月二調

近體樂府目錄終

滿庭芳一調

朝中措二調

謁金門一調

醉落魄二調

近體樂府目錄終

近體樂府目錄

近體樂府

宋 周必大

朝中措（勸酒）

乘成臺上曉書雲。黃色映天庭。已謝浮名浮利，也知來應長生。邊庭臥鼓，餘糧棲畝，朝野歡聲。從此四時八節，兄弟常醉金觥。

滿庭芳（子中兄自安仁遺書云：將以重九登高祝融峯，且有借瓊飄霞裾之語，戲往一闕以解嘲。）

天壤茫茫，人心殊觀，未免因欠思餘。太山丘垤，同載一方輿。那更長沙不溼，祝融峯、纔比吾廬。秋風冷，攀緣汗浹，應歎苦區區。登高聊爾耳，何須蠟屐，誰暇膏車。點存處，清都宛在，須臾笑約乘鸞羽客，窺倒景，拊掌崎嶇。歸來把，萸囊菊盞，一爲洗泥塗。

謁金門（和從周宣教韻祝千歲壽，請呼段馬二生歌之）

梅乍吐，趁壽席香風度。人與此花俱獨步。風流天付與，好在青雲岐路。願其作和羹侶，歸訪赤松辭萬戶。鶯花猶是主。

點絳脣（葛守坐上出點絳脣道思歸之意，走筆次其韻）

報答風光滿，傾瓊液，休思睡。亂鶯聲碎，來往甘棠底。太守新詞，解釋無窮意。高歌起，浮雲開事，渾付煙中翠。

又（丁亥九月己丑，赴池陽郡會，坐中見梅花賦）

白江梅信，大都玉斲酥凝就。雨肥霜逗，癡騃闌房秀。莫待冬深，雪壓風欺後。□□□却嫌伊瘦。仍怕伊，僂僂。

又（七夜，趙富文出家姬小瓊，再賦）

秋夜乘槎，客星容到天心處。眼波微注，將謂牽牛渡。見了還非，重理霓裳舞。都無誤。幾年一遇，莫訝周郎顧。

朝中措（賤生日，蒙季懷示朝中措新詞，今借原韻以侑壽，敬述雅志，非泛泛祝詞也——戊子）

月眉新畫露珠圓。今夕正相鮮。欲導唐家誕節，先生漢相章賢。懸知此處，鶯遷春谷，鷲在秋天。斑首算來，句歲狀頭，看取明年。

又（胡季懷以朝中措爲壽，八月四日，復次其韻，季懷常以宰相自期，故每戲之——己丑）

九重深念朔庭空。良弼夢時中。（季懷石時中堂）擢第難遵常制，築巖真繼高風。明年東府，金釵珠履，列鼎鳴鐘。良醞儻分焦革，早禾休浸曹公。（季懷近送酒如醴，詰之，則云秣名早禾醅）

醉落魄（庚寅四月，次江西帥吳明可韻）

山川迴別，赤城自古雄東越。鍾英儲秀簪紳列。何事黃扉，殊未相黃髮。如今衰職那容缺。人心恰與天時合。看看孚號彤庭發。初破天荒，留與後來說。（明可台州人，白云近世未有兩府）

又

才高句傑飛黃却應鸞和節。新詞聊卷波瀾闊。泉玉琮淨。猶不比清切。相逢未穩愁相別。南園煙草南樓月。陽關西出重吹徹。垂柳新栽。寧忍便攀折。(明可新創南園)

西江月 (暮春魯氏坐上次胡邦衡韻)

三月羣賢畢集。二天五馬生光。傳觴擊鼓底匆忙。畫鷁將飛江上。魯國方虛兩社。齊人要復侵疆。延英引對上東廊。應念幽人相望。

又 (再賦送行)

藉甚新除刺史。歸然舊殿靈光。詔書催發權歌忙。沙路從今穩上。有喜刊除戎索。無勞遠撫閩疆。日高龍影轉槐廊。想見清光注望。

近體樂府終

近體樂府跋

南渡而下。詩之富實維放翁。文之富實維益公。先輩爭仰爲大家。與歐蘇並稱。但卷帙浩繁。我明尙未副聚。余於寅卯間。已鐫放翁詩文一百三十卷。有奇行世。而益公省齋諸稿二百卷。僅得一抄本。句錯字淆。未敢妄就剞劂。倘海內同志。或宋刻。或名家訂本。肯不惜荊州之借。俾平園叟與渭南伯共成雙璧。真藝林大勝事也。茲近體樂府數闕。特公剩技耳。先梓之以當相徵券。湖南毛晉識。

竹齋詩餘一卷

黃機

竹齋詩餘

目錄

- | | | |
|--------|--------|---------|
| 沁園春八調 | 八聲甘州一調 | 乳燕飛三調 |
| 摸魚兒一調 | 水龍吟一調 | 喜遷鶯一調 |
| 木蘭花慢四調 | 滿江紅三調 | 醉江月二調 |
| 水調歌頭二調 | 六州歌頭二調 | 永遇樂一調 |
| 傳言玉女一調 | 清平樂六調 | 眼兒媚三調 |
| 謁金門五調 | 霜天曉角四調 | 夜行船一調 |
| 長相思一調 | 烏夜啼一調 | 祝英臺近一調 |
| 鵲橋仙四調 | 西江月二調 | 憶秦娥一調 |
| 定風波一調 | 虞美人三調 | 踏莎行一調 |
| 蝶戀花一調 | 好事近一調 | 小重山一調 |
| 醜奴兒二調 | 更漏子一調 | 減字木蘭花一調 |
| 臨江仙三調 | 南鄉子一調 | 鷓鴣天三調 |
| 菩薩蠻三調 | 浣溪沙四調 | 山花子二調 |
| 卜算子一調 | 醉蓬萊一調 | 醉落魄一調 |
| 江城子一調 | 訴衷情一調 | 朝中措二調 |

宋六名家詞

柳梢青一調

滿庭芳一闕

二

竹齋詩餘目錄終

竹齋詩餘

宋 黃 機

沁園春（本東章史君再遊西園）

問訊西園。一春幾何。君今再遊。記流觴亭北。偷拈酒戲。凌雲臺上。暗度詩闌。略略花痕。差差柳意。十日不來紅綠稠。須重醉。便功名了後。白髮爭休。定誰騎鶴揚州。任書放牀頭。醜甕頭。況殷勤鶯燕。能歌更舞。輕狂蜂蝶。欲去還留。歲月易忘。姓名須載。筆勢翩翩回萬牛。歸來晚。有燭明金翦。香暖珠篝。

又（壽）

六月云初。人爭議公。公無阻傷。記傳飛急羽。舟泛海道。瀾漫白水。路入沙場。萬姓三軍。倚公爲命。法有逗遛。公自當君。還信似崔嵬。砥柱屹立。瞿塘此行。陰德難量。到論定。纔知滋味長。看魚肥蟹健。妻孥共樂。酒煇稻熟。翁媪相將。何以報公。祝公千歲。多少人家。燒夜香。凌煙上。更聲名。凜凜冠劍堂堂。

又（壽）

問訊梅梢。小春近也。花應漸開。記華堂此日。紅牙絲竹。歡聲昨夜。翠玉尊罍。霧節童童。金旂曳曳。人自閨風。玄圃來嬉遊處。任滄波變陸。劫火成灰。行天看取。龍媒笑衛霍。當年如此。哉有

筆頭文字。何妨揮灑。胸中兵甲。解洗氛埃。見說君王。防秋才子。便著芝泥封詔。催功名事。付犀
顏燕石。突兀雲臺。

又（次岳總幹韻）

日過西窗。客枕夢回。庭空放衙。記海棠洞裏。泥金寶翠。醅醪架下。油壁鈿車。醉墨題詩。薔薇露
重。滿壁飛雅行。整斜爭知道。向如今。漂泊望斷天涯。小桃一半蒸霞。更兩岸垂楊。渾未花。便
解貂貫酒。消磨春恨。星珠買笑。酬答年華。對面青山。招之不至。說與浮雲休苦遮。山深處。見炊
煙又起。知有人家。

又（廖總幹席上）

暑風清微。梅腮漸紅。麥鬚未黃。恨牡丹多病。醫治費巧。醅醪易老。點綴無方。客裏光陰。愁中意
緒。想美人兮。山水長銷魂處。有龍絲墜簡。來喚持觴。華堂賸貯春光。祭一行珠璣。時樣妝。更
燕留輕態。詞翻古調。鶯嬌欲嘯。曲度新腔。玉漏聲沈。銀潢影瀉。殢酒猶燒心字香。歸來也。判明
虬永日。瑞錦鴛鴦。

又（爲潘彬州壽）

問訊仙翁。因勤爲底。來萬山中。想橘邊丹井。鶴尋舊約。松間碧洞。鹿養新茸。霧節亭亭。星旂曳
曳。導以浮丘。雙玉童嬉遊處。盡祥煙瑞雨。霽月光風。歡聲已與天通。更日夜。彬江流向東。定

催歸有謂。泥香芝極。留行無計。路熟花驄。入侍嚴凝。密陪清燕。吳水歡然相會逢。年年裏。對春如酒好。酒似春濃。

又（送徐孟堅秩滿還朝）

人物眇然。落落曉星。如君幾何。有飄搖長袖。工持月斧。寂寥遺韻。妙鼓雲和。政事文章。特其餘事。英氣橫空。時浩歌。還堪笑。似龍文古鼎。誰復摩挲。青絲繫馬。庭柯爲小。駐壽君金。叵羅說。一時偉望。齊高岳。麓二年遺愛。拍滿湘波。世事多端。細憑商略。痛處不須言語多。從今去。好經從烏府。躡上鸞坡。

又（送趙運使之江西）

有美一人。昔在何居。今方見之。儼瓊纓翠弁。氣清芬只。珠幢絳節。光陸離兮。吾道非耶。世情復參。天驥昂藏。不受羈。遠知否。定曲高寡。和才大難施。行吟湘水之湄。看雲卷雲舒。無定姿。想粲然長笑。物皆有用。時哉易失。我亦奚爲。袖手旁觀。何如小試。欲脫囊中失利錐。君休歎。正梅花將發。塵滿征衣。

八聲甘州（爲遜齋壽）

問仙翁底事。到人間。人間足嬉遊。向文邊書意。詩邊著語。□滿南州。逸韻高情。總似野水蕩孤舟。所未能忘者。藥鼎茶甌。政恐功名相混。便扶搖直上。龍尾螭頭。想塵緣終薄。歸去老菟裘。

有當年東鄰西舍。辦雞豚相與燕。春秋階庭裏。兒孫袞袞。飛度驂駟。

乳燕飛（次岳總幹韻）

擊碎珊瑚樹。爲留春怕春欲去。駛如風雨。春不留分君休問。付與流鶯自語。但莫賦綠波南浦。世上功名花梢露。政何如一笑翻金縷。繁白日。莫教暮。蒼頭引馬城西路。趁池亭荻芽尙短。梅心未苦。小雨欲晴晴不定。漠漠雲飛輕絮。算行樂春來幾度。鞭影不搖鞍小據。過橫塘試把前山數。雙白鷺忽飛去。

又（次徐斯遠韻寄稼軒）

興潑元同宇。喚君來浮君大白。爲君起舞。滿斑斑功名洒淚。百歲風吹急雨。愁與恨憑誰分付。醉裏狂歌空漫觸。且休歌。只倩琵琶訴。人不語。絃自語。詩成更將君自賦。渺樓頭煙迷碧草。雲連芳樹。草樹那能知人意。帳望關河夢阻。有心事。牋天天許。補帽輕裘真男子。政何須紙上分今古。未辦得。賦歸去。

又

秋意今如許。怪征鞍底事匆匆。翩然難駐。斗帳屏圍山六曲。怕見瑣窗欲暮。請誰伴梧桐疎雨。路入衡陽天一角。更山環水繞。無重數。客易。便難阻。相思纔信相思苦。省疎狂迷歌帶酒。把人輕誤。問取歸期何日是。指點庭前幽樹。定冷蘂疎花將吐。此去西風吹雁過。家身心別後。

安平否。聊慰我。至誠處。

摸魚兒

惜春歸。送春惟有亂紅撲簌如雨。亂紅也。怨春狼藉。搵得淚痕無數。腸斷處。更喚起瓊鵲催發。長亭路。征鞍難駐。但脈脈含顰。嗔人底事。剛愛逐春去。闌干憑芳草。斜陽凝竚。愁連滿眼煙樹。鬢鬆不理金釵溜。戀鏡一奩香霧。花誰主。悵玉容寂寞。春知否。單衣嬾卸。任門外東風流鶯聲裏。盡日攪飛絮。

水龍吟

晴江滾滾東流。爲誰流得新愁去。新愁都在長亭望際。扁舟行處。歌罷翻香。夢回呵酒。別來無據。恨荼蘼吹盡。櫻桃過了。便只恁成孤負。須信情鍾易感。數良辰佳期。應誤才高自嘆。綵雲空詠。淩波漫賦。團扇塵生。吟牋淚漬。一觴慵舉。但丁寧雙燕。明年還解。寄平安否。

喜遷鶯（香風亭上）

平湖百畝。種滿湖蓮。葉繞隄楊柳。冉冉波光。輝輝煙影。空翠濕霑襟袖。靜愜鄰雞啼午。暖逼沙鷗眠晝。西園路。更紅塵不斷。蝶酣蜂瘦。知否堪畫處。野薺蕪菁。冑地鋪茵。繡桃李陰邊。桑麻叢裏。斜蘸酒帘。誇酒竹寺小。依山趾茅店。不窺津口。春又晚。正香風有客倚闌搔首。

木蘭花慢（次岳總幹韻）

歎鏡中白髮。元不向酒邊栽。奈詩習未除。客愁易感。勝要安排。浮名任他有命。怕青山頗怪不歸來。出屋長松招鶴繞。渠流水行杯。浪驅羸馬踏江淮。幽夢苦相催。甚狹路嶽崎。雄心突兀。誰忍徘徊。此事正煩公等笑。曹劉只合作與臺。我自人問。屈曲。青雲有眼。休回。

又（壽）

政胡塵滿野。問誰與作堅城。有老子行年。平頭六十。無限聲名。向來試陳大略。便羣兒啁哳耳邊鳴。爭識規模先定。破尤終屬營平。吾心惟有忠誠。羞媚嫵。傲逢迎。謂干戈鋒鏑。動關民命。此不宜輕聽。聽渠日分勇怯。奈何他天理。若持衡。只把從前不殺也。應換得長生。

又（次壽）

問功名何處算。只合付悠悠。怕僮僕揄揄。長年爲客。楚尾吳頭。春來故園漸好。似不應不醉把春休。賸買萸蒿荻筍。河豚已上漁舟。人間太半只閒愁。衰笠夢汀洲。向桃花花邊。招邀同社。秉燭來遊。連臺聽渠拗倒。更麴生元不厭。誅求。世事翻雲覆雨。滿懷何止離憂。

又

竄文王前子。白不與世人同。況地望既華。天資更偉。雲驥行空。年少才名蜚動。泛星槎。曾到廣寒宮。桂子香濃。秋月桃花。浪暖春風。神仙之說。朦朧鉛與汞。亦何功。政磐石規模。維城事業。倚重周宗。休要碧油紅旆。趁黑頭時節。做三公。堂上雙親未老。穩看金紫重。

滿江紅

呀鼓聲中。又妝點、千紅萬綠。春試手、銀花影粲。雪梅香馥。歸夢不知家近遠。飛帆正掛天西北。記年時、歌舞綺羅叢。憑誰續。煙水迥雲山簇。勞恨望、傷追琢。把蛛絲、鵲喜意。占卜。月正圓。時差獨照。夜偏長。處憐孤宿。悔從前、輕被利名牽。征塵撲。

又

萬竈貔貅。便直欲、掃清關洛。長淮路、夜亭警燧。曉營吹角。綠鬢將軍思下馬。黃頭奴子驚聞鶴。想中原、父老已心知。今非昨。狂鯢剪。於菹縛。軍于命。春冰薄。政人人自勇。翹關還架。旗幟倚風飛。電影。戈鋌射。月明霜鏑。且莫令、榆柳塞門秋。悲搖落。

又

雲暗山昏。西風撼、一天悲雨。隱君問、短牆修竹。園何處。九月江南無雁到。素書封了誰傳與。待從頭、揜却把心寬。還如故。吳姬唱。燕姬舞。持玉盃。溫瓊醕。恨人生歡會。一年幾許。莫上小樓高處望。樓前詰曲來時路。便直須、疋馬兩蒼頭。東歸去。

醉江月

春愁幾許。似春雲、蕩蕩連空無數。□□眉尖偏易得。沒箇因由分付。楊柳煙濃。海棠花暗。綠漲橋頭路。小樓應是有人和淚凝竚。長記寶軸妝成。鴛鴦繡幃。輕笑歌金縷。香雪精神依舊否。

風月誰憐虛度。帶減衣寬。十分憔悴。兩下平分。取黃昏可更。子規聲碎煙塢。

又

東籬成趣。有西風解事。催開叢菊。碎摺黃金。誰試手。一一清香堪掬。露溼涼輕。霞凝寒重。秀發如新沐。宮妝勻就。豈知紅紫麤俗。因念昔日淵明。微官不受。歸伴花幽獨。彈壓秋光三徑裏。濁酒牀頭初熟。飲劇腸寬。醉深吻燥。更把綸巾漉。此翁無恙。喚渠同醉船玉。

水調歌頭（爲施少儀作）

此日足可惜。心事正崔嵬。江淮踏徧。經歲相識定誰來。每向酒邊長嘆。更向花邊長笑。意慮叵能猜。邂逅忽相遇。有客在塵埃。脫儒冠。著武弁。太多才。筆墨爭似鉤戟。容易到雲臺。餘子何須轉手。便把平生胸臆。勇去莫徘徊。事業上金石。人世自權衰。

又（次下洞流杯亭作）

金篆鏤巖穴。玉斧鑿山湫。飛泉濺沫無數。六月自生秋。天矯長松千歲。上有冷然天籟。清響眇難收。亭屋創新觀。客鞅棹還留。推名利。付飄瓦。寄虛舟。烝羔釀醪甕。戢戢蟻花浮。喚取能歌能舞。乘輿攜將高處。杯酌鹿毘球。徑醉雙。白。白。眼視庸流。

六州歌頭

（岳總幹鑿持上吳荊州啓。以此腔歌之。因次韻。）

百年忠憤。無淚洒江濱。曹劉事。埋露草。鏤煙條。哭英魂。此恨有誰知者。時把劍。頻看鏡。徒自苦。

峯破裂。眼眇昏。從古時哉去速。鄴人子反袂傷麟。望家山何在。袞袞已整纓。欲剗還生。猛堪驚。
齊旨危病。寧有藥。鍼七日。獻無門。荊州啓。條舊畫。漢將軍。不已存。便合囊封去。倉庾地。尙開
關。此不用。心漫有。恐無干。人世懂。哀數耳。天或者。又假人言。又一番春盡。高柳暗。如雲夢。斷重
關。

又次岳總幹韻

將軍何日去。築受降城。三萬騎。貔貅虎。戮鯢鯨。洗滄溟。試上金山望。中原路。平於掌。百年事。心
未語。淚先傾。若若纍纍印綬。偏安久。大義誰明。倚危闌。欲徧江水。亦吞聲。日斷蘋汀。海門清。
停杯與問焉。用此手。雖積如京。波神怒。風浩浩。勃然興。捲龍腥。似把渠忠憤。伸懇請。翠華巡。
呼壯士。挽河漢。蕩撓捨。長算直須先定。如細故。休苦縈縈。正清愁。滿抱鷗鷺。却多情。飛過郵亭。

永遇樂（章史君席上）

別院春深。華堂晝永。嘉譙初啓。翠玉尊壘。紅牙絲管。睡鴨沈煙裏。弄晴雲態。行空絮影。漠漠似
飛如墜。最多情。紫絲圍就。錯落亂星流地。史君自有元龍豪氣。喚客且休辭醉。蝶困蜂酣。燕
嬌鶯姪。懂意濃如此。侃其笑語。止乎禮義。衣佩細。紉蘭芷。遙歸去。殘更欲盡。曉鴉又起。

傳言玉女（次岳總幹韻）

日薄風柔。池面欲平。還皺紋楸玉子。礫礫敲春晝。衾繡半捲。花氣濃熏香獸。小團初試。輓轡銀

蹙。夢斷陽臺。甚情懷似病酒。風禽羞對。比年時更瘦。雙燕乍歸。寄與綠牋紅豆。那堪又是。牡丹時候。

清平樂

西園啼鳥。留得春多少。客裏情懷無日好。愁損連天芳草。博山灰冷香殘。微風吹滿銀箋。卓午花陰不動。一雙蝴蝶團圓。

又（東邪宰）

曉窗晴日。一點黃金橘。萬事如毛隨日出。多少人間頭白。未春長恨春遲。春來生怕春歸。辦取羯天簫鼓。莫教孤負荼蘼。

又（爲繆推官壽。清容總之字名也。）

煙融雨膩。春去三之二。了却蘭亭脩禊事。判與仙翁一醉。方壺日月偏長。清容花草吹香。辦取此身強健。功名飽看諸郎。

又（壽林守）

釵頭蝴蝶。趁舞梅邊雪。酒瀉黃滕光奪月。歲歲年年蕉葉。邊城鶯喚春來。沙場馬到秋肥。脫却龍箝虎略。換渠金甲牙旗。

又

風留煙膩春事三之二。說與人生行樂耳。富貴古來如此。西園已有心期。姚黃魏紫開時。織指金荷灑灑。香唇銀竹參差。

又（江上重九）

西風獵獵。又是登高節。一片情懷無處說。秋滿江頭紅葉。誰憐鬢影淒涼。新來更點吳霜。孤負萸囊菊盞。年年客裏重陽。

眼兒媚

粉牆朱閣映垂楊。晴綠小池塘。東風颺暖。單衣初試。晝日偏長。髣髴兩鬢飛雲影。鈿合未梳。妝闌干側畔。閒拋荔子。驚散鴛鴦。

又

東風挾雨苦無端。惻惻送輕寒。那堪更向湘灣六六。淺處留船。詩闌酒戲成孤負。春事已闌。珊瑚離愁都在落花枝上。柱宇聲邊。

又

莫嘆日日話思歸。歸也却便宜。東鄰招茗。西鄰喚酒。一笑開眉。人生萬事無緣足。待足是何時。妻能紡績。兒能耕穫。未必寒飢。

謁金門

風又雨。牆外落紅無數。人不歸來春不住。佳期還已誤。
青鸞飛得去。問天天亦許。細細一團愁緒。薄倖疏狂何處。化作

又

風雨後。枝上綠肥紅瘦。樂事參差團不就。一春如病酒。
雙雙來未久。頗知人意否。樓外暖煙楊柳。憶得年時攜手。燕子

又

愁萬疊。春在雨條煙葉。翠袖倚風寒霎霎。傍闌看乳鴨。
薰香香未歇。可憐音信絕。何處一聲啼鴉。架上荼蘼欲雪。繡被

又（壽何令）

冬十月。記取生申時節。梅傍小春融絳雪。淺寒猶未却。
夫人頭半白。看君金印燁。且醉笙歌蕉葉。富貴不須頻說。國太

又（秋晚口薰花爲賦）

秋向晚。秋晚蕙根猶暖。碧染羅裙湘水淺。羞紅微到臉。
寶奩慵不掩。無風香自滿。窸窣繡簾圍徧。月薄霜明庭院。妝罷

霜天曉角 梅花

玉粲冰寒。月痕侵畫闌。客裏安愁無地。爲徙倚。到更殘。
問花花不言。嗅香香欲闌。消得个温
存處。山六面。翠屏間。

又（儀真江上夜泊）

寒江夜宿。長嘯江之曲。水底魚龍驚動。風捲地。浪翻屋。
詩情吟未足。酒興斷還續。草草興亡
休問。功名淚。欲盈掬。

又（金山吞海亭）

長江千里。中有英雄淚。却笑英雄自苦。興亡事。類如此。
浪高風又起。歌悲聲未止。但願諸公
強健。吞海上。醉而已。

又（夜舟過蛾眉山）

江涵落日。風轉飛帆急。問訊蛾眉好在。無一語。送行客。
閒情眠未得。倚窗消酒力。却怕魚龍
驚動。且莫要。夜吹笛。

夜行船（京口南園）

紅蕖羅帶三月二。露桃開柳綿又起。百尺遊絲。宮鶯留燕。判與南園一醉。
歷歷斜陽明野水。
倚危闌暮雲千里。說似遊人。直須燒燭。早晚綠陰青子。

長相思（蛾眉亭）

東梁山。西梁山。古斷長江相對閒。古今雙鬢斑。
天漫漫。水漫漫。人事如潮多往還。淺顰深恨
間。

烏夜啼

雲容曉色相涵。征驂碎點遙山。山如豆。是淮南。
路漸遠。家漸遠。恨難堪。見窗花葉底。鬢髮斑。

祝英臺近

試單衣。扶短策。沙路淨如洗。乍雨還晴。花柳自多麗。爭知話別南樓。片帆天際。便孤了同心連
理。鎮縈縈。謾有羅帶香囊。殷紅鬪輕翠。一紙濃愁。無處倩雙鯉。可堪飛夢悠悠。春風無賴。時
吹過亂鶯聲裏。

鵲橋仙

(次韻湖上)

黃花似鈿。芙蓉如面。秋事淒然向晚。風流從古記登高。又處處悲絲急管。有愁禹斛。有才八
斗。慷慨時驚俗眼。明年一笑復誰同。料天遠爭如人遠。

又

(壽葛莘)

松梢擎雪。竹枝溥露。炯炯照人清韻。仙家譜系合長生。元不藉藥爐丹井。凌雲壯志。垂天健
翮。九萬扶搖路穩。發聞政最有公車。定飛下日邊音信。

又

一番雨過江頭綠漲。催喚扁舟解去。重來言語是相寬。怎得似而今住。陽關聲斷同心未
結。簸簸淚珠無數。秋鴻春燕往還時。莫忘了錦牋分付。

又

薄情也見多情也見。不似這番著相。如何容易買歸舟。設南浦桃花綠漲。隨君無計留君無
計。贏得淚珠兩行。夕陽明處一回頭。有人在高樓凝望。

西江月（泛洞庭青草）

漠漠波浮雲影。遙遙天接山痕。一聲漁唱起蘋汀。名利綠渠喚醒。短棹擬攜西子。長吟時弔
湘靈。白鷗容我作同盟。占取兩湖清影。

又（垂絲海棠一名醉美人）

撚翠低垂嫩萼。勻紅倒簇繁英。穠纖消得比佳人。酒入香肌成暈。簾幕陰陰窗牖。闌干曲曲
池心。枝頭不起夢春醒。莫遣流鶯喚醒。

憶秦娥

秋蕭索。梧桐落盡西風惡。西風惡。數聲新雁。數聲殘角。離愁不管人飄泊。年年孤負黃花約。
黃花約。幾重庭院。幾重簾幕。

定風波

碧樹涼颺。畫扇窗戶齊開。秋意參差滿。先自離愁。不
斷。蛩蟹更作聲聲怨。山繞千重溪。百轉隔了溪山。夢也無由見。歸計憑誰。占近遠。銀缸昨夜花如糝。

好事近

鴻雁幾時來。日斷暮山凝碧。別後故園無恙。定芙蓉堪折。休文多病廢吟詩。有酒怕浮白。不是孤他詩酒。更孤他風月。

小重山

梧竹因依山盡頭。瀟瀟疎雨後。幾分秋。輕涼無數。入西樓。憑闌久。滿眼動離愁。飛鷺下汀洲。怕知鴻雁到。帶書否。詩鬪酒戲。一齊休。人如削。身在水邊洲。

醜奴兒

綠陰窗几。明如拭。粉黛初勻。無限芳心。翻動牙籤。却殢人。多嬌愛學秋來曲。微顛朱唇。別後銷魂。字底依稀記指痕。

又

綺窗撥斷琵琶索。一一相思。一一相思。無限柔情說似誰。銀鈎欲寫回文曲。淚滿烏絲。淚滿烏絲。薄倖知他知不知。

更漏子

秋點長。秋夢短。怕見黃昏庭院。風簾窸。雨蕭蕭。倚窗魂欲銷。候蛛絲。占鵲尾。依舊濃愁一紙。紅袖。翠衾。薦淚痕猶未乾。

減字木蘭花

西風淅淅。滿眼芙蓉紅欲滴。無限相思。百疊青山百曲溪。憑誰說與。衣帶別來寬幾許。好片心腸。不道秋來早晚涼。

臨江仙

上巳清明都過了。客愁惟有心知。子規昨夜忽催歸。驛程那復記。魂夢已先飛。回首故園花與柳。枝枝葉葉相思。歸來拚得典春衣。綠陰幽遠處。不管盡情啼。

又

鳳翥鸞飛空燕子。寶香猶惹流蘇。舊歡淒斷數行書。終山方種玉。谷浦忽還珠。午枕夢圓春寂寂。依然刻雪肌膚。覺來煙雨滿平蕪。客情殊索莫。肯喚一尊無。

又

寒食清明都過了。客中無計留春。東風吹雨更愁人。繫船芳草岸。始信是官身。悵望故園煙水闊。幾時匹馬駸駸。別腸何止似車輪。帶天天不管。轉作兩眉顰。

南鄉子

簾幕閣深沈。燈暗香銷夜正深。花落畫屏。鶯鳴細雨岑岑。滴破相思萬里心。曉色未平分。翠被寒生。不自禁。待得夢成翻惡況。堪繫。飛雁新來也誤人。

鷓鴣天

細聽樓頭漏箭移。客牀寒枕不勝欹。淒涼夜色偏多恨。吹到梅花第幾枝。人悶闌。雁參差。相思惟有夢相知。謝他窗外芭蕉雨。葉葉聲聲伴別離。

又（元日呈王帥）

柳際梅邊臘雪乾。釵頭蝴蝶又成團。飄零萍梗江湖客。冷落笙簫燈火天。澆濁酒。惜流年。牙旂夜市幾時穿。太平樂事終須在。老去心情恐不然。

又

濟楚偏宜淡薄妝。冰涵清潤玉生香。祇因夢缺成雲雨。便擬吹簫誇鳳凰。新聞阻。舊思量。多情翻不似垂楊。年來纔到春三月。百計飛花入洞房。

菩薩蠻

池荷開徧蓮房老。秋聲已入梧桐表。葵扇與桃笙。尚宜相帶行。危亭三百尺。爽氣真堪挹。淪茗且盤旋。翩翩吾欲仙。

又

相思繞徧天涯路。相思不識行人處。多病怕逢春。那堪春正深。日高梳洗懶。鸞鏡香塵掩。雙鬢綠絲鬆。一簾花信風。

又

惜山不厭山行遠。山中禽鳥頻驚見。小雨似憐春。霏霏容易晴。青裙田舍婦。饋餉前村去。溪水想平腰。喚喚船依斷橋。

浣溪沙

(舊刻誤入山花十二闋今分出)

綠鎖窗前雙鳳喬。調朱勻粉玉纖纖。妝成誰解盡情看。柳轉光風絲袅娜。花明晴日錦爛斑。一春心事在眉尖。

又

日轉雕闌午漏分。井梧落盡小窗明。寶牀絲索嬾關心。愁壓春山應脈脈。困凝秋水想沈沈。低頭時露一灣金。

又

墨綠衫兒窄窄裁。翠荷斜鞞領雲堆。幾時踪跡下陽臺。歌罷櫻桃和露小。舞餘楊柳趁風回。喚人休訴十分杯。

又

著破春衫走路塵。子規啼斷不禁聞。功名似我却羞人。象板且須歌皓齒。馬蹏何苦惜黃金。尊前休負此生身。

山花子（送杜仲高）

綠綺空彈恨未平。可堪執手送行人。碧酒漫將珍重意。莫辭斟。我定憶君吟渭北。君須思我賦停雲。未信高山流水曲。斷知音。

又

流轉春光又一年。春愁盡日兩眉尖。草草幽歡能幾許。已天邊。會得音書生羽翼。免教魂夢役關山。簾捲落花千萬點。雨如煙。

卜算子（東趙家）

憶自別郎時。數到郎歸日。及至郎歸郎又行。淚臉香紅溼。殘夢怕尋思。宵繡慵收拾。夏簟青。書白晝長。背倚闌干立。

醉蓬萊（壽史帥）

政槐雲濃翠。榴火殷紅。暑風涼細。紫府神仙。向人間遊戲。瑞節珠幢。瓊纓寶珮。炯冰壺標致。經濟規模。登庸衣鉢。家傳如此。禮樂醇儒。詩書元帥。盡洗凡蹤。不吞餘子。敬簡堂深。且從容。一醉麴社。綿綿功名。袞袞。比衡山湘水。更把陽和。從頭付與。滿門桃李。

醉落魄

藕花初發。熏風庭院涼成霎。碧紗金縷籠香雪。記得年時心事憑闌說。如今陡頓音書絕。夜窗羞見團團月。錦囊塵暗黃金玦。留取多情歸趁好時節。

江城子（次洪如晦韻）

醉來玉樹倚風前。舉吟鞭。指青帘。烏帽低昂。搖兀似乘船。傍路誰家妝束巧。斜映日。半窺簾。尋歡端合趁芳年。對鴛絃。且陶然。紙上從渠。劉蹶與嬴顛。漠漠綠陰春復夏。多少事。總懸天。

訴衷情（寄琴圻江上）

子規聲老。又殘春。猶作未歸人。天意不能憐客。何事苦教貧。歸去也。莫逡巡。好從今。秧田車水。麥隴腰鎌。總是關心。

朝中措

駁雲行雨苦無多。晴也快如梭。春思正難拘束。客愁誰爲銷磨。尋花覓譏。傳杯託意。種種蹉跎。消息不來雲錦。淚痕溼滿香羅。

又

逢逢船鼓綠楊津。彼此是行人。先自離愁無數。那堪病酒傷春。岸花橋燕。低飛款語。滿面殷勤。後會不知何日。因風時惠嘉音。

柳梢青

征路迢迢。征旗獵獵。征袖徘徊。撲殺淚珠。怕聞別語。慵舉離杯。春風花柳齊開。只喚做愁端。恨媒一片衷腸。十分好事。等待回來。

滿庭芳（次仁和韻時欲之官永興）

二十年間。舊遊踪跡。夢飛岳麓湘灣。征衫再理。秋老菊花天。爲客問君何好。愛水光山色爭妍。經行處。旗亭酷酒。曾記屋東偏。噫。其甚矣。不慚塞拙。欲鬪嬋娟。辦輕輿短艇。並載衰顏。人道彬陽無雁。奈情鍾藕斷絲聯。須相憶。新詩賦就。時復寄吳牋。

竹齋詩餘終

竹齋詩餘跋

草堂詩餘若干卷。向來豔驚人口。每祕一冊。便稱詞林大觀。不知抹倒幾許騷人。即如六仲幾叔輩。不乏寵柳嬌花。燕旂鶯耽等語。何愧大晟上座耶。草堂集竟不載一篇。真堪歎息。全隨得本之先後。次第付梨。凡經商緯羽之士。幸兼擷焉。秋分日。湖南毛晉識。

金谷遺音一卷

石孝友

金谷遺音

目錄

小調詠頭六調	寶鼎觀一調	眼兒媚二調
臨江仙五調	鷓鴣天十調	卜算子四調
漁家傲一調	洞仙歌一調	念奴嬌五調
醉落魄四調	醵奴兒一調	西江月三調
踏莎行二調	望海潮二調	虞美人二調
水龍吟一調	長相思四調	品令一調
點絳脣一調	玉樓春十一調	西地錦一調
朝中措一調	阮郎歸一調	滿江紅一調
瀟湘沙一調	聲聲慢一調	憶秦娥一調
菩薩蠻三調	惜奴嬌二調	江城子二調
如夢令三調	亭前柳一調	好事近二調
夜行船二調	茶瓶兒一調	清平樂六調
一翦梅一調	浣溪沙四調	謁金門五調
杏花天一調	南柯子六調	武陵春一調
減字木蘭花三調	柳梢青一調	烏夜啼一調

宋六十名家詞

二

愁倚闌二調

滿庭芳四調

更漏子二調

行香子一調

畫堂春一調

山花子一調

燕歸梁一調

望江南一調

青玉案一調

蝶戀花一調

蕩山溪二調

千秋歲一調

傳言玉女一調

金谷遺音

宋 石孝友

水調歌頭（送張左司）

君恩九鼎重，臣命一毫輕。出身事主剛甚，須作不平鳴。老却西山薇蕨，開損南窗松菊，羞死漢公卿。豺狼敢橫道，草木要知名。秋已素，人又去，若爲情。長沙何在，風送，嗚咽暮潮聲。舉棹却尋歸路，揮塵莫談時事，得酒且頻傾。一片古時月，千里伴君行。

又（上清江李中生辰）

清霜洗空關，黍管吹秋灰。七葉餘翠半月，流素影徘徊。天遣蟠桃仙李，共折一枝丹桂，積慶到雲來。風骨甯冰玉，談辯屑瓊瑰。齒關老，金閨彥，謫仙才。小分銅竹徧洒，雨露楚江隈。好把蕭灑玉筍，變作嘉肴芳酒，爲壽莫停杯。飛詔下霄漢，調鼎待鹽梅。

又（趙倅生辰）

蕭灑留環珮，玉筍燦玲瓏。仙源積慶當日，古夢兆維熊。舉業肯先欲向，文箴已高自賀，飛步更蟾宮。秀色溢眉宇，雄辯倒心胸。作兒戲，爲親壽，捧霞鍾。彩衣搖曳，光映懷橘墮雙紅。正好平分風月，且伴能言桃李，鯨汲海濤洪。行赴紫泥詔，歸拜黑頭公。

又

男兒四方志。豈久困泥沙。束書匣劍。依舊旅食在京華。踏蹬青雲未遂。奔走紅塵何計。斂衽且還家。草木漸黃落。風月正清嘉。友猿鶴。宅邱壑。樂生涯。幾時雷雨。轟壚平地。起龍蛇。尺箠可鞭夷狄。寸舌可誦社稷。無路踏雲車。今古萬千事。洒淚向黃花。

又

美人在何許。相望正悠悠。玉窗霧閣遙想。宛在海中洲。空對殘雲冷雨。何限重山疊水。一夢到無山。遺怨寫紅葉。薄倖記青樓。金烏擲。玉蟾缺。物華休。鳳梧鴛井。一夜風露。各驚秋。唯有遠山無賴。淡掃一眉晴綠。特地向人愁。斂袂且歸去。回首謾遲留。

又

高情澗雲漢。長揖謝君侯。脫遺軒冕。巖壑泉石下清幽。心契匡廬猿鶴。淚染回陵松柏。一衲且蒙頭。風月感平髮。魂夢繞神州。漾一葉。樣孤管。去來休。琵琶亭畔。正是楓葉。荻花秋。點檢詩囊酒。怨。揜帖舞榭歌扇。收盡兩眉愁。回望碧雲合。相伴赤松遊。

寶鼎視(上元上江西劉梅密)

雪梅清瘦。月桂圓帶。天街新霽。想帝堊三朝薄暮。催促燭龍開扇。雉正拜舞。捧玉卮爲壽。花滿香銷鳳髓。罄禹穴。胥海萬頃。春入南山。葦裏鼎軸元老。詩書帥體。寢衷泰。雙親童勤色。養行春惜花夜。懽宴瑤池。衣綠戲。鼓淑氣。徧湖山千里。驚破慳紅。澗翠笑那箇。癩兒無賴。打得金

魚隱地。休念太平。當年手把青藜照字。對珠簾雲棟。收拾歌舞。輟慶母愛小寬王事。看不日歸步沙隄。又贊重華孝治。

眼兒媚

何須著粉更施朱。元不在妝梳。尋常結束。珊瑚環珮。短短裙襦。花羞柳妬空撩亂。冰雪做肌膚。而今便好。小名弄玉。小字瓊奴。

又

愁雲淡淡雨蕭蕭。暮暮復朝朝。別來應是。眉峯翠減。腕玉香銷。小軒獨坐相思處。情緒好無聊。一叢萱草。幾竿脩竹。數葉芭蕉。

臨江仙

一霎狂雲驚雨過。月華恰到簾帷。檜前疊石翠參差。洞房相見處。燈火乍涼時。睡玉眠花愁夜短。匆匆共惜佳期。風梧不動酒醒遲。好爾蝴蝶夢。飛上鳳凰枝。

又

醉袖吟鞭行色裏。帽簷低處風斜。晚山一半被雲遮。殘陽明遠水。古木集棲鴉。暮去朝來綠底事。不如早早還家。曲屏深幌小窗紗。翠沾眉上柳。紅搵臉邊花。

又

買笑當歌何處好。小樓四面江山。玉梅枝上卸餘寒。雨隨春到急。風向晚來顛。任自腰圍都瘦損。肯教懽意闌珊。引杯相屬莫留殘。花和人競好。人與月爭圓。

又

枕上鶯聲初破睡。峭寒輕透簾幃。起來惆悵有誰知。雨狂風轉急。揉損好花枝。薄倖別來春又老。等閒悞却佳期。斜陽影裏立多時。遠山何事。相對蹙修眉。

又

常記夢雲樓上住。殘燈影裏遲留。依稀綠慘更紅羞。露痕雙臉淚。山樣兩眉愁。數片輕帆天際去。雲濤煙浪悠悠。今宵獨宿古江頭。水腥魚菜市。風碎荻花洲。

鷓鴣天

收拾眉尖眼尾情。當筵相見便相親。偷傳翡翠歌中意。暗合鴛鴦夢裏身。雲態度。月精神。流雲散兩無情。覺來一枕淒涼恨。不敢分明說向人。

又

收拾眉尖眼尾情。夜來真個夢傾城。鴛鴦有底情難盡。蝴蝶無端夢易驚。愁一掬。月三更。繡帷應好睡輕盈。知他莫有相憐分。展轉尋思直到明。

又

別後應憐信息疎。西風幾度到庭梧。夜來縱有鴛鴦夢。春去空餘蛺蝶圖。煙樹遠。寒鴻孤。垂天影帶平蕪。憑誰寫此相思曲。寄與馮川鄭小奴。（云金陵小姑道）

又

家在東湖湖上頭。別來風月爲誰留。落霞孤鶩齊飛處。南浦西山相對愁。眞了了。好休休。莫教辜負菊花秋。浮雲富貴何須羨。書併聲名肯浪求。

又

花漏聲乾月隱牆。瑤灰迎曉透新陽。物情漸逐雲容好。歡意偏隨日脚長。山作鼎。玉爲漿。壽杯羞處豔梅妝。醉鄉路接華胥國。應夢朝天侍赭黃。

又

玉燭調元黍律均。迎長嘉節屬芳辰。雲如惜雨鉤牽雪。梅不禁風漏泄春。天意好。物華新。偷閒贏得酒邊身。太平朝野都無事。且與鶯花作主人。

又

一夜冰澌滿玉壺。五更喜氣動洪爐。門前桃李知鱗集。庭下芝蘭看鯉趨。泉脈動。草心蘇。口長添得繡工夫。試探補袞彌縫手。眞個曾忝一線無。

又

一別音塵兩杳然。不堪虛度菊花天。驚秋遠雁橫斜字。喚晚哀蟬斷續絃。好消息。惡姻緣。涼宵如水復如年。悲魂不怕風波險。飛過江西阿那邊。

又

屏幃重重翠幕遮。蘭膏煙暖篆香斜。相思樹上雙栖翼。連理枝頭並蒂花。欹鳳髻。鞦韆鳥紗雲。慵雨困與無涯。箇中贏得平生事。爲走烏飛一任他。

又（按中秋）

露葉披殘露顆傳。明星著地月流天。不辭獨賞窮今夜。願爲相逢憶去年。辜窈窕。負嬋娟。誰知兩處照孤眠。姮娥不怕離人怨。有甚心情獨自圓。

又（冬至上李漕）

萬里羈孤困一筇。平頭四十誤儒冠。舜絃絃廣播薰風暖。鄒律律消黍谷寒。樓謾倚。劍休彈。看君行復上金鑾。鳳池波裏求餘潤。蜃肆泥中豈久蟠。

又（慶徐元壽生子）

六十仙翁抱桂枝。果符吉夢誕英才。上天與降麒麟種。明月還生蚌蛤胎。華閣啓。玳筵開。快呼玉手捧金罍。要知遠地無功客。曾到高門托賀來。

卜算子

人自蕊宮來。微步香雲。小試尊前白雪歌。葉秋聲動。一翦豔波橫。兩鬢愁山重。收拾眉尖眼尾情。作個鴛鴦夢。

又

見也如何暮別也如何邊。別也應難見也難。後會難憑據。去也如何去。住也如何住。住也應難去也難。此際難分付。

又

折得月中枝。坐惜青春老。及至歸來能幾時。又踏關山道。滿眼秋光好。相見應須早。若趁重陽不到家。只怕黃花笑。

又 孟撫聲歲寒三友屏風

冷蕊閣紅香瘦。箇箇攢蒼玉。更著堂堂十八翁。取友三人足。惜此歲寒姿。移向屏山曲。紙帳熏爐結勝緣。故伴仙郎宿。

漁家傲 李惠言徐元集赴試回宮

射虎將軍寒袖帽。西園公子南山豹。共跨龍媒銜鳳沼。風色好。宮花御柳迎人笑。劍履醒醒天日表。集英殿下春來早。雙鷺盤空擎百鳥。歸來了。藍袍錦水光相照。

又

夜半潮聲來枕上。擊殘夢破驚魂蕩。見說錢塘雄氣象。披衣望。碧波堆裏排銀浪。月影徘徊天澗漾。金戈鐵馬森相向。洗盡塵踪磨業障。增豪放。從公筆力詩詞壯。

洞仙歌

芙蓉院宇。露下秋容瘦。鵝鶴仙人獻長壽。問蓬山別後。幾度春歸。歸去晚。聞得蟠桃斲句。人間遊戲好。鯨背風高。那更相將鳳雛九。事癡驚。工翰墨。才德兼全。人總道。古今稀有。儘從他。烏兔促年華。石綠鬢。朱顏鎖長依舊。

念奴嬌（上洪帥王了道生辰。甲子六月十六日。用東坡韻）

半千寶運。瑞清朝誕。育人間英物。暖律吹灰春到也。遲日光騰東壁。嫠女雙溪。沈郎八詠。韞映皆冰雪。儲精毓秀。幾年一個人傑。須信和氣隨人。粉梅欺黛。柳嬌春爭發。翠幕重重稱壽處。蓮炬薰煙明滅。鼎房猶虛。九重頻念。此袞衣華髮。明年今夜。鳳池應醉花月。

又

悶紅翠。惜流年。忍對豔陽時節。白玉樓成人去後。兩地音塵都絕。懸鑑分飛。夢雲零亂。懂意今衰颯。墨痕紅淡。憶曾題徧紅葉。須信後約難憑。臂嚙髮剪也。只成虛設。滿眼淒涼無限事。付與丁香愁結。欲語情酸。臨歧步嬾。悵望蘭舟發。出門誰伴。淚昏一片孤月。

又

平湖閣上正。幾虹挂雨。微雲擎月。萬頃琉璃。秋向冷。忍便翠銷紅歇。北海尊罍。西園游宴。輿逸湖山發。飛塵不到。平移蓬島珠闕。莫厭笑口頻開。少年行樂事。轉頭胡越。公子多情。眞愛客。敢憚深杯自罰。太一舟輕。芙蓉城鎖。醉指神仙窟。乘風歸去。儘教吹亂華髮。

又

平湖閣上正。雌霓將捲。雄風初發。醉倚危闌。吟眺處。月在蓬萊溟渤。蓬葉香浮。桂華光放。翻動蛟窟窟。踏輪誰信。宓妃曾借塵韞。人世景物堪悲。等閒都換了。朱顏雲髮。遙想廣寒秋到早。閒著幾多空闕。太白詩魂。玉川風腋。自有飛仙骨。嫦娥爲伴。夜深同駕霜月。

又（上德安王文甫生辰）

麥秋天氣正。玉杓斡暑。熏絃鳴律。浴佛生朝初過也。還數佳辰三日。筆水呈祥。夢熊叶慶。寶運符十一。太平朝野。異人端爲時出。須信家世蟬聯。乃翁遺範在。子孫逢吉。霧隱巢雲。聊寄傲行矣。飛英騰霄。瀑布泉清。爐峯氣秀。光映霞觴溢。萱堂爭看。綠衣紅墮。雙橘。

醉芙蓉

友鶯夢蝶。尋花問柳。深相結。教春去後。羣芳歇。零落朋游。辜負好時節。眼邊愁緒。多于髮。迢迢一水通吳越。舊歡新恨。都休說。坐暖殘紅。沈醉碧天闕。

又

鸞孤鳳隻。而今怎忍輕拋擲。知他別後誰憐惜。一味恹恹。辜負我思憶。雲山萬疊煙波急。短書題寄征鴻翼。相逢後會知何日。去也奴哥。千萬好將息。

又

空庭草積。吹花風去春無迹。鎖鸞深處應相憶。紅染羅山。翠損眉山碧。曲屏塵暗雙鸞醉。衾不暖。爐煙溼。一簾暝色。人孤寂。夢裏燈殘。心上雨聲滴。

又

紅嬌翠弱。怨人珠淚頻偷落。歸期莫負音牋約。雨斷雲銷。總是初情薄。夜深秋氣生簾幕。半衾依舊空閒却。故人何處孤舟泊。兩岸秋聲。一夜風濤惡。

魏叔兒 次韻何文成燈下鏡中桃花

菱花鏡裏桃花笑。清影團團。月淡風寒。深夜移燈許細觀。武陵溪上當時事。何處飛鸞。淚紙驚潮。飄盡紅蕖不忍看。

西江月

歌徹秋娘金縷。醉拔織女雲車。而今誰復薦相如。拔劍茫然四顧。好景憑詩斷送。閒愁著酒消除。鏡中絲髮莫驚呼。春滿珠簾細戶。

又

脈脈無端心事。厭厭不奈春醒。越羅衫薄綉寒輕。試問幾番花信。高點風頭柳絮。數聲柳外啼鶯。斜陽遠傍小窗明。門掩黃昏人靜。

又

拽盡風流露布。築城煩惱根基。早知恁地淺情時。枉了教人恁地。惜你十分擱就。把人一味禁持。這回斷了更相思。比似人間沒你。

踏莎行

沈水銷紅。屏山掩素。鎖窗醉枕驚眠處。菱荷香裏散秋風。芭蕉葉上鳴秋雨。飛閣愁登。倚闌凝竚。孤鴻影沒江天暮。行雲嬾寄好音來。斷雲暗逐斜陽去。

又

釵風搖金。髻螺分翠。銖衣穩束宮腰細。綠柔紅小不禁風。海棠無力貪春睡。翦水精神。怯春情意。霓裳一曲當時事。五陵年少本多情。爲何特地添憔悴。

望海潮

離情冰泮。歸心雲擾。黯然凝竚。江皋柳色搖金。梅香弄粉。依稀滿眼春嬌。常記極遨遊。更與持玉罈。因解令貂。郎去黑塘。妾家巫峽水迢迢。別來暗減風標。際碧雲暗斷。翠被香消。春草生池。芳塵凝榭。淒涼月夕花朝。千里夢魂勞。但鳥啼渡口。猿響山椒。擬把無窮幽恨。萬疊寫霜綃。

又（元日上都運魯大卿）

雲龍雙輔。匣龍雙起。當年楚尾吳頭。借月命卿。占星分使。來寬俗瘵。君憂繡指。屈儒流。暫輟北闕。小試南州。協奏重風。霜爲霖雨。歲登秋。春工點綴。芳柔正。梅凝笑臉。柳弄青眸。柏葉凝觴。椒花載頌。休辭秉燭嬉遊。乃眷在窳旒。吏德標銀管。名覆金甌。共看朝天路穩。歸拜富民侯。

虞美人

醉尋芳草城頭路。底事頻凝竚。麗譙直下小層樓。鴛瓦重重。勻砌幾重愁。睡紅顰翠春風面。咫尺無由見。從教笑語落簷櫺。圖得香閨。依約認郎聲。

又

月娥弄影當窗照。疑是巫山曉。芙蓉帳裏睡魂驚。淺拂輕勻。猶恐已天明。高樓未放梅花弄。却就鴛衾擁。舞腰纖瘦不禁春。恣意任郎。撩亂一梳雲。

水龍吟

舊遊曾記當年。鳳城雨露。開晴畫。端門發鑰。御爐煙暗。宮花影覆。帝念民勞。俾乘輅傳。暫臨牛斗。散陽和照。春光萬井。來小試。調元手。職業才華競秀。漢廷臣無出其右。九重眷倚。頌虛槐鼎。爭迎袞繡。爽氣西山。綠波南浦。釀成芳酒。趁鋒車未到。霞觴共祝。百千長壽。

長相思

你又癡。我又迷。到此癡迷兩爲誰。天天天怎知。長相思。極相思。願得姻緣未盡時。今生重共伊。

又

紅依稀。綠依稀。寒勒花梢開較遲。蝶魂空自迷。怕人疑。使人疑。人道閒愁想未知。歌眉因甚低。

又

蝶團飛。鶯亂啼。陌上花開人未歸。碧臺歌舞稀。月入扉。風滿帷。坐到黃昏人靜時。清愁君不知。

又

樹樣牙。冰交加。冷豔疎疎瘦影斜。幾枝梅放花。天一涯。語三叉。已是情多怨物華。那堪更憶家。

品令

困無力。幾度假人。翠鬢紅溼。低低問幾時麼。道不遠三五日。你也自家寧耐。我也自家將息。恁然地煩惱。一箇病。教一箇怎知得。

點絳脣

霧景澄秋。晚風吹盡朝來雨。夕陽煙樹。萬里山光暮。
一帶長川。自在流今古。人何處。月波橫
素冷。浸蒹葭浦。

又

緩解羅裳。十分鴛履低腰素。冰香微度。一罇殷紅露。
風折芳蓮。影落盆池去。多羞處。怕人偷
覷。粉面頻回顧。

又

著意栽銀砌。成葉葉蓮花舫。醉霞搖蕩。恰似凌波樣。
自笑平生。鯨吸供陂量。孤心賞。不如深
幌。一搦酬千想。

又

楊柳腰肢。春來尙怯錄衣重。眼波偷送。笑把花枝弄。
雨帳雲屏。一枕高唐夢。春情動。殢人嬌
縱。困鞦欤橫鳳。

又

醉倚危橋。望中歸思生天際。山腰渚尾。幾簇漁樵市。
帆落西風。一段蘆花水。八千里。錦書欲
寄新雁。曾來未。

又

日薄風遲，柳眠無力。花枝妥。燕樓空鎖。好夢誰驚破。寒食清明，又等閒都過。愁無那。淚珠頻墮。酒盞相思顆。

玉樓春

小桃破盡風前夢。草草年華閒過却。十分清瘦有誰知。一點相思無處著。書憑雁字應難說。花與淚珠相對落。萬紅千翠儘春光。若比此情猶自薄。

又

春生澤國芳菲早。樓外鶻陰閒語笑。東君著意到西園。點破施朱渾未了。楚雲暮合吳天杳。天色沈沈雲擾擾。洞門深閉月輪孤。不見當時張好好。

又

風光滌蕩雲容粹。點染園林添況味。花間照夜簇紅紗。柳外踏青搖綵旆。芳時不分空憔悴。抖擻愁懷賒樂事。羅衫一任浣塵泥。拚了通宵排日醉。

又

扁舟破浪鳴雙櫓。歲晚客心分萬緒。香紅漠漠落梅村。愁碧萋萋芳草渡。漢皋佩失誠相誤。楚畝雲歸無覓處。一天明月缺還圓。千里佳人來又去。

又

井花暖處新陽動。節物撩人添倥總。寒蕚冰齒暈輕澌。敗絮粟肌慳短夢。文章徹了成何用。悶撥爐灰窗餅餠。尋思已得到春時。預把五窮連夜送。

又(冬日上江西漕管大卿)

漢皇受禪新堯統。沼躍潛魚儀舞鳳。五雲色備觀臺書。萬世功成賢相用。江湖襟帶蠻荆控。摩撫民勞輸土貢。願傾石尉望塵心。來獻魯侯難老頌。

又

一陽不受羣陰壅。殘曆行間冬破仲。雲低吹白臘寒濃。梅小綻紅春意重。湖山千里勁飛控。淑氣沖融披水凍。笑攜雨露灑民心。暗聚精神交帝夢。

又

黃鍾應律扶炎統。舜日迎長佳節用。娟娟芳意著花梢。盎盎暖香浮酒甕。壽觴喚取纖纖捧。雨歇珠簾雲繞棟。與來且伴橋中仙。歸去却聯池上鳳。

又

臺門瑞靄光陽動。人語鼓聲沈洶洶。觀風堂迥暗香飄。捲雨樓前寒翠擁。銜車促入承天寵。丹詔啣來須彩鳳。五絲宮線日邊長。看補巖廊龍袞縫。

又(送趙判官)

陽關聲裏催行色。馬惜離羣人惜別。入懷風月記街杯。迎步溪山供散策。陰嵐斷渡江吹白。晴壑吞雲天放碧。懸知詩興滿歸途。三四野梅開的磔。

又

尋春慣入桃源洞。草草幽懽聊與其。牢籠風月此時情。做造溪山今夜夢。柳蹊未放金絲弄。梅徑已經香雪凍。春愁離恨重於山。不信馬兒驄得動。

西地錦

回望玉樓金闕。正水遮山隔。風兒又起。雨兒又煞。好愁人天色。兩岸荻花楓葉。爭舞紅吹白。中秋過也。重陽近也。作天涯行客。

朝中措

亂山疊疊水泠泠。南北短長亭。客路如天杳杳。歸心能地甯甯。春光荏苒。花期冷落。酒伴飄零。鬢影黃邊半白。燒痕黑處重青。

阮郎歸

燭花吹盡篆煙青。長波拍枕鳴。西風吹雁斷鴻聲。離人夢暗驚。鄉思動。旅愁生。誰知此夜情。亂山重疊擁孤城。空江月自明。

滿江紅

雁陣驚寒。故喚起離愁萬斛。因追念鏡鸞易破。鳳絃難續。詩句已憑紅葉去。夢魂未斷黃梁熟。歎浪萍風梗。又天涯成幽獨。歸來引相思曲。塵滿把淚盈掬。對長天遠水。落霞孤鶩。立盡西風無好意。遙山也學雙眉蹙。恨草根不逐鬢根。摧秋更綠。

浪淘沙

好恨這風兒。催俺分離。船兒吹得去如飛。因甚眉兒吹不展。忒耐風兒。不是這船兒。載起相思。船兒若念我孤恁。載取人人篷底睡。感謝風兒。

聲聲慢

花前月下。好景良辰。厮守日許多時。正美之間。何事便有輕離。無端珠淚暗霑。染征衫點點紅。滋最苦是。殷勤密約。做造相思。伊嗁。櫓聲離岸。魂斷處。高城隱隱。天涯萬水千山。一去定失花期。東君鬪來無賴。散春紅。點破梅枝。痛成也。到而今。著個甚醫。

憶秦娥

秦樓月。秦娥本是秦宮客。秦宮客。夢雲風韻。借仙標格。相從無計不如休。如今去也空相憶。空相憶。尊前歡笑。夢中尋覓。

菩薩蠻

酒濃花豔秋波滑。舞餘腰素花枝活。相見又還休。不禁歸去愁。醉衾成獨擁。月冷如霜重。早

是夢難成。梅花腸斷聲。

又

雪香白盡江南隴。暖風綠到池塘夢。疊影上簷明。夜湖春水生。踏青何處去。楊柳橋邊路。不見浣花人。汀洲空白蘋。

又

花銷玉瘦斜平薄。舞衣寬盡腰如削。因甚不勝嬌。烏雲橫鬢翹。雙娥顰淺黛。鸞鏡愁空對。羅袖晚香寒。淚珠和粉彈。

惜奴嬌

我已多情。更撞著多情底。你把一心十分向你。盡他們劣心腸。偏有你共你。撇了人只爲箇你。宿世冤家。百忙裏方知你。沒前程阿誰似你。壞却才名。到如今都因你是你。我也沒星兒恨你。

又

合下相逢算。鬼病須沾惹。閒深裏做場話。竊負我看承。枉馳我許多時價。冤家你教我如何割捨。苦苦孜孜。獨自箇空嗟訝。便心腸捉他不下。你試思量。亮從前說風話。冤家休直待教人呪罵。

江城子

青青楊柳水邊橋。水迢迢。柳搖搖。緩引離觴，頓駐木蘭桡。我是行人君是客，俱有恨，總無聊。冰澌波浪暖瓊瑤。舞時颯拂春潮。一片別魂銷盡，遣誰招。不似嚴陽山上雪，魂易盡，雪難銷。

又

相逢執手也踟躕。立斯須。話區區。借問來時，曾見那人無。忍淚啼痕香不減，雖少別，忍輕辜。霜風搖落歲將徂。景凋疎。恨縈紆。過盡行雲，我在與誰居。一掬歸心飛不去，層浪疊，片鱗孤。

如夢令

照水粉梅開盡。春淺峭寒猶甚。秋氣著人衣。斗帳玉兒生暈。那更那更。簾外月斜風橫。

又

風獵亂香如掃。又是粉梅開了。庭戶鎖殘寒。夢斷池塘春草。情悄悄。簾外數聲啼鳥。

又

折寄隴頭春信。香淺綠柔紅嫩。插向鬢雲邊。添得幾多風韻。但問但問。管與玉容相稱。

亭前柳

有件偷遮。算好事大家都知。被新冤家罨索後。沒別底似別底也難爲。識盡千千并萬萬。那得恁海底猴兒。這百十錢一箇潑性命。不分付待分付與誰。

好事近

幸自得人情。只是有些脾氣。引殺俺時直甚。損我兒陰德。情知守定沒乾休。乾休冤俺急。今夜這回除是有翅兒飛得。

又

微雨洒芳塵。醞造可人春色。聞道夢雲樓外。正小桃花發。殷勤留取最繁枝。尊前待閒折。準擬亂紅深處。化一雙蝴蝶。

夜行船

昨日特承傳誨。欲相見奈何無計。這場煩惱捻著。噓曉夜價求天祝地。教俺兩下不存濟。你莫却信人調戲。若還真個肯收心。厮守著快活一世。

又

漏永迢迢清夜。露華濃洞房寒乍。愁人早是不成眠。奈無端月窺窗罅。心心念念都緣那。被相思悶損人也。冤家你若不知人。這權娛自今權罷。

茶瓶兒

相對盈盈一水多。聲價開名得字。剛能見也還拋棄。負了萬紅千翠。留無計。來無計。成何況味。而今若沒些兒事。却枉了做人一世。

清平樂（送同舍周智隆）

榴花風雨斷送春將暮。底死留春春不住。那更送春歸去。今朝且賦歸與。明年春滿皇都。共泛桃花錦浪。與君同醉西湖。

又

天涯重九。獨對黃花酒。醉撚黃花和淚嗅。憶得去年攜手。去年同醉流霞。醉中折盡黃花。還是黃花時候。去年人在天涯。

又

見時憐惜。不見時思憶。花柳光陰都瞬息。把光陰虛擲。郎才妾貌相當。有些似欠商量。看你忔憎模樣。更須着我心腸。

又

醉紅宿翠。髻髻烏雲墜。管是夜來不得睡。那更今朝早起。春風滿搦腰肢。階前小立多時。恰恨一番雨過。想應溼透鞋兒。

又

山明水嫩。瀟酒桐廬郡。極目風煙無限景。說也如何得盡。自憐俗狀塵容。幾年斷梗飄蓬。借使嚴陵知道。祇應笑問東風。

又
霽光搖日春入郊原綠。殘雪壓枝堆爛玉。特開枝間蔌蔌。瘦藤細履平沙。醉巾一任欹斜。落日數聲啼鳥。香風滿路梅花。

一翦梅（送晁駒父）

萍冰相逢無定居。同在他鄉。又問征途。離歌聲裏客心孤。花盡園林。水滿江湖。烟樹微茫帶岸蒲。何處長沙。何處洪都。要知安穩到家無。千里征鴻。一紙來書。

浣溪沙

宿醉離愁慢髻鬆。（韓偓）綠殘紅豆憶前懽。（叔原）錦江春水寄書難。（叔原）紅袖時籠金鴨暖。（少游）小樓吹徹玉笙寒。（李璟）爲誰和淚倚闌干。（中行）

又

柳岸梅溪春又生。風枝斜裏雪枝橫。空牽歸興惹離情。灰盡寸心猶自熱。淚承雙睫不能情。夢雲樓隔豫章城。

又

迎客西來送客行。堆堆歷歷短長亭。帶人殘酒不能醒。烟染暮山浮紫翠。霜凋秋葉復丹青。憑誰圖寫入銀屏。

又

幾曲屏山數幅波。雁聲斜帶夕陽過。卸帆柳醉菊花坡。旅枕夢魂歸路遠。秋江風緊夜寒多。薄情還解憶人麼。

謁金門

歸不去。歸去又還春暮。洞裏小桃音信阻。幾番風更雨。相伴竹筇芒屨。穿盡松溪花塢。早是行人貪道路。聲聲聞杜宇。

又

雲樹直。雨歇半空猶溼。山影插尖高幾尺。依依銜落日。遠岸雙飛鷓鴣。一水無情自碧。颯颯白蘋風正急。斷腸人獨立。

又

春睡重。睡起烟銷鸞鳳。著雨柳綿吹易動。風簾花影弄。過雁空勞目送。縱有音書何用。有意相思無意。不如休做夢。

又

風又雨。斷送殘春歸去。人面桃花在何處。綠陰空滿路。立馬垂楊官渡。一寸柔腸萬縷。回首碧雲迷洞府。杜鵑啼日暮。

又

山雨絕。山重冷。如冰雪。窗外芭蕉三兩葉。影排窗上月。醉枕驚回蝴蝶。好夢無人共說。心事悠悠芳草歇。不眠聽鼠噉。

杏花天

把杯莫唱陽關曲。行客去。居人恨。踟躕。屏山似展江如簇。不見尊前醉玉。鶻啼處。怨聲裂竹。問後夜。蘭舟那宿。帛書早繫征鴻足。腸斷絃孤怎續。

南歌子

蟻酒浮明月。鯨波泛落星。春花秋葉幾飄零。只有廬山君眼向人青。明日非今日。長停更短亭。不辭一飲盡雙罍。爭奈秋風江口酒初醒。

又

草色裙腰展。冰容水鏡開。又還春事破寒來。一夜東風吹綻後園梅。糝麝蕝香釀。熏爐續麝煤。休驚節物暗相催。贏得大家沈醉探春杯。

又

風掃斜分翠。鴛鞋小。研紅。東君著意綺羅叢。最好一枝特地怨春風。懊恨無情語。嬌羞忍笑。蓉。相。看。疑。是。夢。魂。中。怕。逐。飛。雲。歸。去。斷。行。蹤。

又

疇昔飛鸞侶。而今斷雁行。西風嶺外下斜陽。無賴一鉤新月掛人腸。雙淚沾襟袖。孤燈對客牀。枕餘衾剩只殘香。別得嬌痴不睡也思量。

又

春淺梅紅小。山寒嵐翠薄。斜風吹雨入簾幕。夢覺南樓鳴咽數聲角。歌酒工夫嬾。別離情緒惡。舞衫寬盡不堪著。若比那回相見更消削。

又

亂絮飄晴雪。殘花繡地衣。西園歌舞驟然稀。只有多情蝴蝶作團飛。舊事深琴怨。新愁減帶圍。倚樓凝望更依依。怕見一天風雨捲春歸。

武陵春

走去走來三百里。五日以爲期。六日歸時已是疑。應是望歸時。鞭筒馬兒歸去也。心急馬行遲。不免相煩喜鵲兒。先報那人知。

減字木蘭花（贈何藻）

新荷小小。比目魚兒翻翠藻。小小新荷。點破清光景趣多。青青半捲。一寸芳心渾未展。待得圓時。罩定鴛鴦一對兒。

又
空階雨過細草搖瑤光人座斜日多情戀戀幽窗故故明
沈吟無語立徧梧桐庭下樹病葉
先秋零亂風前片段愁

又

角聲催曉斗帳美人初夢覺黛淺妝殘清瘦花枝不耐寒
匆匆睡起冷落餘香栖翠被何處
陽臺雨散雲收猶未來

柳梢青

雲髻盤鴉眉山遠翠臉暈微霞燕子泥香鵝兒酒暖曾見來那
秋光已著黃花又恰恨尊前
見他越樣風流惱人情意真個冤家

烏夜啼

瀟湘雨打船篷別離中愁見拍天滄水攪天風
留不住終須去莫匆匆後夜一尊何處與誰
同。

愁倚闌(又名春光)

人好遠路能長奈思量更放晚來些小雨做新涼
衰草低襯斜陽斜陽外水冷雲黃借使有
腸也須斷況無腸

又

淮水闊。楚山長。恨難量。不道愁離人獨夜。更天涼。佳節虛過重陽。更籬下。拆盡疎黃。看取清溪三百曲。是回腸。

滿庭芳 上張莘微

筆走龍蛇。詞傾河漢。妙年德藝雙成。帝庭敷奏。親擢冠羣英。龍首其誰不取。便直饒。勛業蟬聯。偏他甚。潑天來大。一箇好聲名。憶曾瞻拜處。當年汝水。今日潞城。歎白首青衫。又造宵闕。謹贄詩文一卷。仗仙風吹到蓬瀛。伏歸地。熏香摘豔。作箇老門生。

又 次范倅憶洛陽梅

蘭畹霜濃。柳溪冰咽。春光先到江梅。瘦枝疎蕊。特地破寒開。鉤引天涯舊恨。雙眉鎖。九曲腸回。空銷黯。故園何在。風月浸長淮。當年吟賞處。醉仙顛倒。飛屑成堆。怎奈向而今。雨誤雲乖。萬里難憑驛使。那堪對別館離杯。誰知道。洛陽詩老。還有夢魂來。

又

瘦頰凝酥。殘妝弄酒。相逢一笑東風。並眉攜手。羞落可憐紅。疑是回心院裏。埋醉首。吐作芳叢。無端處。雄蜂雌蝶。相美兩情通。一從攀折後。漢皋珮失。銅雀春空。想桃葉桃根。此恨能同。多謝金鑿。舊客收拾在芸閣。籤中還知否。竊香傳粉。輸與蠹書蟲。

又（寄別）

修竹接藍梅。山簪翠。小小佳處。西安。從來聞說。今日遠來看。便好求田問舍。耳溪澗。日飽林樾。爭知道。塵緣未了。無計與盤桓。小蠻應念處。絃孤么鳳鏡。掩孤鸞。愁再見多情。素日閒閒。早晚扁舟兩漿。驚翠枕。雲巘風湍。從前去。殷勤細數。細數萬重灘。

更漏子

鞞吟鞭。欲醉帽。行盡關山古道。霜滿地。水平田。雁兒聲在天。北沙門。南浦岸。望得眼穿腸斷。桐樹巷。夢雲樓。玉兒應也愁。

又

燭銷紅。窗送白。冷落一衾寒色。鷄喚起。馬馳行。月昏衣上明。酒香唇。妝印臂。竟夜人人共睡。魂蝶亂。夢鸞孤。知他睡穩無。

行香子

你也嬌痴。我也狂迷。望今生。永不分離。如何別後。三換梅枝。是好相知。不相見。只相思。良辰美景。賞心樂事。負我辜伊。風絃再續。鸞鑑重窺。且等些時。說些子。做些兒。

畫堂春

寒蛩切切響空幃。斷腸風葉霜枝。鳳樓何處雁書遲。空數歸期。沈腰春瘦。卻成宋玉秋悲。又

還辜負菊花時。沒箇人知。

山花子

落日秋風嶺上村。全稀過雁少行人。正是悲傷愁絕處。更黃昏。漠漠野煙生碧樹。漫漫衰草際黃雲。借使昔人行到此也銷魂。

燕歸梁

樓外春風桃李陰。記一笑千金。翠眉山斂眼波侵。情滴滴。怨深深。當初見了。而今別後。算此恨難禁。與其向後兩關心。又何似而今。

望江南

山又水。雲巘帶風灣。斷雁飛時天拍水。亂鴉啼處日銜山。疑在畫闌間。人漸遠。遊子損朱顏。別淚空沾雙袖溼。春心不放兩眉閑。此去幾時還。

青玉案

征鴻過盡秋容謝。捲離恨。還東下。翦翦霜風落平野。溪山掩映。水煙搖曳。幾簇漁樵舍。芙蓉城裏人如畫。春伴春遊夜轉夜。別後知他如何也。心隨雲亂。眼隨天斷。淚逐長江瀉。

蝶戀花

別後相思無限期。欲說相思。要見終無計。擬寫相思持送伊。如何盡得相思意。眼底相思心

裏事。縱把相思。寫盡憑誰寄。多少相思都做淚。一齊淚損相思字。

又

寒卸園林春已透。紅著溪梅。綠染前隄柳。見箇人人今感舊。引杯相屬蒲塘酒。金縷歌中眉黛皺。多少閒愁。借與傷春瘦。明日馬蹄浮野秀。柳顰梅慘空回首。

又

薄倖人人留不住。楊柳花時。還是成虛度。一枕夢回春又去。海棠吹落胭脂雨。金鴨未銷香篆吐。斷盡柔腸。看取沈煙縷。獨上危樓凝望處。西山暝色連南浦。

暮山溪

鶯鶯燕燕。搖蕩春光媚。時節近清明。雨初晴。嬌雲弄暖。醉紅溼翠。花意釀成愁。花似染。草如翦。已是春強半。小鬟微盼。分付多情管。癡駿不知愁。想怕晚貪春未慣。主人好事。應許玳筵開。歌眉斂。舞腰軟。怎向輕分散。

又

小花靜院。有個人人現。縹緲更娉婷。算不數歌朋。無伴鳴珂曲裏。常記偶相見。無語恨。有情愁。綠嫩紅妝淺。別來誰念人面。關山遠。凝睇倚危樓。眼波長。眉峯不展。一年心事。到此向誰論。書雁杳。夢雲深。寂寞江天晚。

又

醉魂初醒。強起尋芳徑。一似楚雲歸。誦沒箇鱗書羽信。疎狂蹤跡。虛度可憐春。陰還悶。晴還困。贏得無端病。菱花寶鏡。拆破雙鸞影。別袖忍頻看。生怕見啼紅醉粉。而今憔悴。瘦立對東風。紅成陣。綠成陰。況是春將盡。

千秋歲

春工領略。點破羣花萼。對流景。傷淪落。踏青心緒嬾。病酒情懷惡。無奈處。東風故故吹簾幕。腕玉寬金約。一去音容邈。魚與雁。應難託。從前多少事。不忍思量著。心撩亂。斜陽影在闌干角。

傳言玉女

雪壓梅梢。金裊柳絲輕斂。錦宮春早。乍風和日暖。華國翠路。九陌綺羅香滿。連空燈火。滿城絃管。月射西樓。更交光照夜宴。高人擁路。指磴山共看。花旗翠帽。到處朱籬高捲。歸時常是漏殘銀箭。

金谷遺音終

金谷遺音跋

余初閱蔣竹山集。至人影窗紗一調。喜謂周秦復生。又恐白雪寡和。旣更得次仲金谷遺音。如茶瓶兒惜奴嬌諸篇。輕倩纖豔。不墮願奶奶蘭心蕙性之鄙俚。又不墮霓裳縹緲雜佩珊瑚之疊架。方之蔣勝欲。余未能伯仲也。湖南毛晉識。

散花庵詞一卷

黃昇

散花庵詞

目錄

- | | | |
|--------|--------|---------|
| 賀新郎四調 | 木蘭花慢三調 | 南柯子二調 |
| 行香子一調 | 賣花聲二調 | 長相思三調 |
| 感皇恩一調 | 蝶戀花一調 | 月照梨花一調 |
| 揆魚兒一調 | 水龍吟一調 | 西河一調 |
| 清平樂二調 | 醉江月二調 | 浣沙溪一調 |
| 鷓鴣天三調 | 秦樓月一調 | 重疊金二調 |
| 滿金門一調 | 南鄉子三調 | 花發沁園春一調 |
| 阮郎歸一調 | 鵲橋仙一調 | 木蘭花慢一調 |
| 水調歌頭一調 | 滿庭芳二調 | 清平樂一調 |

散花庵詞目錄終

散花庵詞

宋 黃 昆

賀新郎 題雙溪馮熙之交游風月之樓

倦整摩天翼。笑歸來、點畫亭臺。按行泉石。落落元龍湖海氣。更著高樓百尺。收攬盡、水光山色。曾駕颿車蟾宮去。幾回批借。月支風敕。斯二者、慣相識。玲瓏窗戶。青紅溼。夜深時。寒光爽氣。洗清肝膈。似此交游真灑落。判與升堂入室。有萬象來爲賓客。不用笙歌輕點澆。看仙翁、手搦虹霓筆。吟思遠。兩峯碧。(樓對兩峯甚奇)

又 (乙巳正月十日雙溪攜酒遺蛺蝶亭桃花方開主人酒歌酌客歡甚即席作此)

風送行春步。漸行行、山回路轉。入雲深處。問訊花梢春幾許。半在詩人杖屨。點點是、祥煙膏露。中有瑤池千歲種。整嚴妝、來作巢仙侶。相嫵媚。試凝竚。風流座上揮談麈。更多情、多才多調。緩歌金縷。趁取芳時同宴賞。莫惜清尊緩舉。有明月、隨人歸去。從此一春須一到。願東君、長與花爲主。泉共石、聞斯語。

又 (菊)

莫恨黃花瘦。正千林、風霜搖落。暮秋時候。晚節相看元不惡。采采東籬獨秀。試攬結、幽香盈手。幾劫修來方得到。與淵明、千載爲知舊。同冷淡。比蘭友。柴桑心事君知否。把人間、功名富貴。

付之塵垢。不肯折腰營口腹。一笑歸歟五柳。悵此意而今安有。若得風流如此老。也何妨相對無杯酒。詩自可了重九。

又〔梅〕

自掃梅花下。問梢頭冷蕊疎疎。幾時開也。問者闕焉今久矣。多少幽懷欲寫。有誰是孤山流亞。香月一聯真絕唱。與詩人千載爲嘉話。餘興味付來者。清癯不戀華亭榭。待與君白髮相親。竹籬菊舍喜甚。今年無酒禁。溜溜小槽壓蔗。已準擬雪天霜夜。白醉自吟仍自笑。任解冠落珮。從嘲罵。書此意寄同社。

木蘭花慢〔題馮雲月玉蓮環詞後〕

自沈香夢斷。風雨外。失餘春。悵袍錦淋漓。金鑿論奏。四海無人。蛾眉古來見妬。奈昭陽飛燕亦成塵。惟有空梁落月。至今能爲傳神。神遊八表跨長鯨。誰是再來身。愛雲月溪頭。玉環一曲。筆力千鈞。人間不堪著眼。但香名百世尙如新。乞我九霞蜚珮。梯空共上秋旻。

又〔乙巳病中〕

問潘郎兩鬢。更禁得幾番秋。悵病骨臞。幽懷渺渺。短髮鬢鬢。雲邊一聲長笛。這風情多屬趙家樓。欹枕困尋藥裏熏衣。慵訊香篝。悠悠老矣復焉求。何止賦三休。念少日書魔。中年酒病。晚歲詩愁。已攀桂花作證。便從今把筆一齊勾。只有煙霞痼疾。相陪風月交游。

又（懷舊）

問春春不語。漫新綠滿芳洲。記歷歷前遊。看花南陌。命酒西樓。東風翠紅圍繞。把功名一笑付糟丘。醉裏了忘身世。吟邊自負風流。風流莫莫復休休。白髮漸盈頭。恨十載重來。略無歡意。惟有閒愁。多情向人似舊。但小桃婀娜。柳纖柔。望斷殘霞落日。水天拍拍飛鷗。

南柯子（丁酉清明）

天上傳新火。人間試袂衣。定巢新燕覓香泥。不爲繡簾朱戶說相思。側帽吹飛絮。憑闌送落暉。粉痕銷淡錦書稀。怕見山南山北子規啼。

又（丙申重九）

蘭佩秋風冷。茱囊曉露新。多情多感怯芳辰。強折黃花來照碧粼粼。落帽參軍醉。空尊靖節貧。世間那復有斯人。日送歸鴻西去一傷神。

行香子（梅）

寒意方濃。暖信才通。是晴陽暗拆花封。冰霜作骨。玉雪爲容。看體清癯。香淡竚。影朦朧。孤城小驛。斷角殘鐘。又無邊散與春風。芳心一點。幽恨千重。任雪霏霏。雲漠漠。月溶溶。

賣花聲（己亥三月一日）

鶯蝶太匆匆。惱殺衰翁。牡丹開盡狀元紅。俯仰之間增感慨。花事成空。垂柳綠陰中。粉絮濛濛。

濃多情多病轉疎慵。不是東風孤負我。我負東風。

又(憶舊)

秋色滿層霄。翦翦寒飈。一襟殘照兩無聊。數盡歸鴉人不見。落木蕭蕭。往事欲魂消。夢想風標。春江綠漲水平橋。側帽停鞭沾酒處。柳惺鶯嬌。

長相思(秋興)

天悠悠。水悠悠。月印金甌曉未收。笛聲人倚樓。蘆花秋。蓼花秋。催得吳霜點鬢稠。香箋莫寄愁。

又(秋夜)

砧聲齊。杵聲齊。金井闌邊敗葉飛。夜寒烏不栖。風淒淒。露淒淒。影轉梧桐月已西。花冠窗外啼。

又(春晚)

惜春歸。愛春歸。脫了羅衣著苧衣。綠陰黃鳥啼。酒醒時。夢醒時。清簾疎簾一局棋。丁東風馬兒。

感皇思(送饒溪臺海浙)

騎鶴上揚州。腰纏十萬。拈起詩人舊公案。看山看水。此去勝遊須徧。煩君收拾。取歸吟卷。少

日風流。暮年蕭散。佳處何妨小留款。沙河塘上。落日繡簾爭捲。也須拂拭起看花眼。

蝶戀花 春感

百計留春春不住。褪粉吹香。日日催教去。心事欲憑鶯語訴。流鶯剗地無憑據。綠玉闌干圍綺戶。一點柔紅。應在深深處。想倚翠簾吹柳絮。淺顰惆悵芳期誤。

月照梨花 閨怨

畫景方永。重簾花影。好夢猶酣。鶯聲喚醒。門外風絮交飛。送春歸。脩蛾畫了無人問。幾多別恨。淚洗殘妝粉。不知郎馬何處嘶。煙草萋迷。鷓鴣啼。

摸魚兒 爲遺蠹山中桃花作寄馮雲月

問山中。小桃開後。曾經多少晴雨。遙知載酒花邊去。唱我舊歌金縷。行樂處。正蝶繞蜂圍。錦繡迷無路。風光有主。想倚杖西阡。停杯北望。望斷碧雲暮。花知道。應倩蜚鴻寄語。年來老子安否。一春一到成虛約。不道樹猶如此。煩說與。但歲歲東風。妝點紅雲塢。劉郎老去。待有日重來。同君一笑。拈起看花句。

水龍吟 贈丁南鄰

少年有志封侯。彎弓欲挂扶桑外。一朝敏縮。蕭然清興。了無拘礙。袖裏陰符。枕中鴻寶。功名蟬蛻。看舌端霹靂。劇談玄妙。人間世。疑無對。閨苑醉鄉。佳處想當年綠陰猶在。羣仙寄語。不須

點勘鬼神功罪。碧海千尋。赤城萬丈。風高浪快。待點龜食蛤。相期汗漫。與煙霞會。

西河（己亥秋作。舊分三段非。）

天似洗。殘秋未有寒意。何人短笛弄西風。數聲壯偉。倚闌感慨。展雙眸。離離煙樹如薺。少年事。成夢裏。客愁付與流水。筆牀茶具。老空山。未妨肆志。世間富貴。要時賢。深居宜有餘味。大江東去。日西墜。想悠悠。千古興廢。此地閱人多矣。且揮絃寄興。氛埃之外。日送蜚鴻歸天際。

清平樂（宮怨）

珠簾寂寂。愁背銀缸泣。記得小年初選入。三十六宮第一。當年掌上承恩。而今冷落長門。又是羊車過也。月明花落黃昏。

又宮詞

深深禁籞。霽日明鶯羽。風動槐龍交翠舞。恰恰花陰亭午。一簾暖絮。悠悠颺。金爐旋炷沈香。天子方看諫疏。內人休鬪新妝。

醉江月（戲題玉林）

玉林何有。有一變蓮沼。數間茆宇。斷塹疎籬。聊補葺。那得粉牆朱戶。禾黍秋風。鷄豚曉日。活脫田家趣。客來茶罷。自挑野菜同煮。多少甲第。連雲十眉環座。人醉黃金塢。回首邯鄲春夢破。零落珠歌翠舞。得似衰翁。蕭然陋巷。長作溪山主。紫芝可採。更尋巖谷深處。

又（夜涼）

西風解事爲人閒。洗盡三庚煩暑。一枕新涼宜客夢。飛入藕花深處。冰雪襟懷。琉璃世界。夜氣清如許。劃然長嘯。起來秋滿庭戶。應笑楚客才高。蘭成愁悴。遺恨傳千古。作賦吟詩空自好。不直一杯秋露。淡月闌干。微雲河漢。耿耿大催曙。此情誰會。梧桐葉上。疎雨。

浣沙溪（醴壇）

鐘磬泠泠夜未央。梨花庭院月如霜。步虛聲裏拜瑤章。紫梅清都雲渺渺。紅塵濁世事茫茫。未知誰有返魂香。

鷓鴣天（暮春）

沈水香銷夢半醒。斜陽恰照竹間亭。戲臨小草書團扇。自揀殘花插淨瓶。鴛宛轉。燕丁寧。晴波不動晚山青。玉人只怨春歸去。不道槐雲綠滿庭。

又（張園作）

雨過芙蓉葉葉涼。摩挲短髮照橫塘。一行歸鷺拖秋色。幾樹鳴蟬餞夕陽。花側畔。柳旁相。微雲澹月又昏黃。風流不在談鋒勝。袖手無言味最長。

秦樓月（秋夕）

心如結。西風老盡黃花節。黃花節。寒鴻聲斷。冷煙淒月。漢朝陵廟唐宮闕。興衰萬變從誰說。

從誰說。千年青史。幾人華髮。

重疊金（壬寅立秋）

西風半夜驚羅扇。蛩聲入夢傳幽怨。碧藕試初涼。露痕啼粉香。清冰凝篔簹。竹不許雙鴛鴦宿。又是五更鐘。鴉啼金井桐。

又（冬）

南山未解松梢雪。西山已挂梅梢月。說似玉林人。人間無此清。此身元是客。小住娛今夕。拍手凭闌干。霜風吹鬢寒。

又除日立春

銀幡綵勝參差翦。東風吹上釵頭燕。一笑繞花身。小桃先報春。新春今日是。明日新年至。擘繭莫探官人。問行路難。

謁金門（初春）

花事淺。方費化工勻染。牆角紅梅開未遍。小桃纔數點。人在暮寒庭院。閒續茶經香傳。酒思如冰詩思嬾。雨聲簾不捲。

南鄉子（夏夜）

多病帶圍寬。未到衰年已鮮歡。夢破小樓風馬響。珊珊。缺月無情轉畫闌。涼入苧衾單。起探

燈花夜欲闌。書冊滿牀空伴睡。慵觀拈得漁樵笛譜看。

又（冬夜·或刻秦少游）

萬籟寂無聲。鈴鐵稜稜近五更。香斷燈昏吟未穩。淒清。只有霜華伴月明。應是夜寒凝。惱得梅花睡不成。我念梅花花念我。關情。起看清冰滿玉瓶。

花發沁園春（芍藥會上）

曉燕傳情。午鶯喧夢。起來檢校芳事。荼蘼褪雪。楊柳吹綿。迤邐麥秋天氣。翻階傍砌。看芍藥新妝嬌媚。正鳳紫勻染。綃裳猩紅。輕透羅袂。晝暖朱闌因倚。是天姿妖嬈。不減姚魏。隨蜂惹粉。趁蝶棲香。引動少年情味。花濃酒美。人正在翠紅闌裏。問誰是第一風流。折花簪向雲髻。

阮郎歸（徵姜堯章體）

粉香吹暖透單衣。金泥雙鳳飛。開來花下立多時。春風酒醒遲。桃葉曲。柳枝詞。芳心空自知。湘皋月冷佩聲微。雁歸人不歸。

鵲橋仙（春情）

青林雨歇。珠簾風細。人在綠陰庭院。夜來能有幾多寒。已瘦了梨花一半。寶釵無據。玉琴難托。合造一襟幽怨。雲窗霧閣事茫茫。試與問杏梁雙燕。

木蘭花慢

鶯啼啼不盡。燕語語難通。這一點芳心，十年不斷，惱亂東風。重來故人何處，但依前流水小橋東。記得同題粉壁，而今壁破無蹤。蘭皋空漲綠溶溶。流眼落花紅。念著破春衫，當時送別，燈下裁縫。相思漫令自苦，嘆雲煙過眼，總成空。落日楚天無際，凭闌目送歸鴻。

水調歌頭（題李季九侍郎鄂州吞雲樓）

輪奐半天上。勝概壓南樓。籌邊獨坐，豈欲登覽快雙眸。浪說胸吞雲夢，直把氣吞殘虜，西北望神州。百載好機會，人事恨悠悠。騎黃鶴，賦鸚鵡，漫風流。嶽王祠畔，楊柳煙鎖古今愁。整頓乾坤手段，指授英雄方略，雅志昔爲酬。杯酒不在手，雙鬢怨驚秋。

滿庭芳（登州上巳，萬柳池，應丞承飲客）

三月春光，羣賢勝踐，山陰何似山陽。鵝池墨妙，曲水記流觴。自許風流邱壑，何人共擊楫長江。新亭上，山河有異，舉目恨堂堂。使君經世志，十年邊上，兩鬢風霜。問池邊楊柳，因甚淒涼。萬樹重新種了，株株在桃李花旁。仍須待，賸栽蘭芷，爲國洗河滄。

又（元夕上邵武王守子文）

草木生春樓臺不夜。團團月上雲霄。太平官府，民物共逍遙。指點江梅一笑，幾番負雨秀風嬌。今年好，花邊把酒，歌舞醉元宵。風流賢太守，青雲志氣，玉樹丰標。是神仙班裏，舊日王喬。出奉版輿行樂，金蓮照十里笙簫。收燈後，看看丹詔，催入聖明朝。

清平樂（吳國軍呈李司直）

今朝欲去。忽有留人處。說與江頭楊柳樹。繫我扁舟且住。十分酒興詩腸。難禁冷落秋光。借取春風一笑。狂夫到老猶狂。

散花庵詞終

散花庵詞

散花庵詞跋

叔陽自號玉林，別號花庵詞客。早業科舉，雅意讀書。顏其居曰散花庵。嘗選唐宋詞及中興以來詞各十卷，曰絕妙詞選。末載自製詞四十首，有總跋云：其間體製不同，無非英妙傑特之作。昔游受齋，稱其詩爲晴窗冰柱樓秋房，喜其與魏菊莊友善，以泉石清士目之。余於其詞亦云。

湖南毛晉識

和清真詞一卷

方千里

清和眞詞

目錄

- | | | |
|--------|-------|---------|
| 瑞龍吟一調 | 瓊寒窗一調 | 風流子一調 |
| 渡江雲一調 | 應天長一調 | 荔枝香三調 |
| 還京樂一調 | 掃花遊一調 | 解連環一調 |
| 玲瓏四犯一調 | 丹鳳吟一調 | 滿江紅一調 |
| 瑞鶴仙一調 | 西平樂一調 | 浪淘沙一調 |
| 憶舊遊一調 | 驀山溪一調 | 少年遊二調 |
| 秋蕊香一調 | 漁家傲二調 | 南鄉子一調 |
| 望江南一調 | 浣溪沙三調 | 迎春樂二調 |
| 點絳脣一調 | 一落索二調 | 垂絲釣一調 |
| 綺庭芳一調 | 隔浦蓮一調 | 法曲獻仙音一調 |
| 過秦樓一調 | 側犯一調 | 寒翁吟一調 |
| 蘇幕遮一調 | 浣溪沙四調 | 點絳脣一調 |
| 訴衷情一調 | 風流子一調 | 華胥引一調 |
| 宴清都一調 | 四鬩竹一調 | 齊天樂一調 |
| 木蘭花一調 | 霜葉飛一調 | 蕙蘭芳一調 |

宋六十名家詞

二

翠垣春一調

丁香結一調

氏州第一調

解蹀躞一調

少年遊一調

慶春宮一調

醉桃源二調

點絳脣一調

夜遊宮二調

訴衷情一調

傷情怨一調

紅林擒近二調

滿路花一調

解語花一調

六么令一調

例犯一調

大酺一調

玉燭新二調

花犯一調

鷓鴣兒一調

水龍吟一調

六醜一調

虞美人二調

蜀陵王一調

蝶戀花四調

西河一調

三部樂一調

菩薩蠻一調

品令一調

玉樓春一調

滿路花一調

和清真詞

宋 方千里

瑞龍吟

樓前路。愁對萬點風花。數行煙樹。依依斜日紅收。暮山翠接。平蕪盡處。小留停。還是畫闌凭
暖。半局朱戶。簾櫳儘日無人。消凝悵望。時時自語。堪恨行云難繫。賦情楊柳。徘徊舊舞。追想
向來歡娛。懷抱非故。題紅寄綠。魂斷江南。何時見。輕衫霧唾。芳茵蓮步。燕子西飛去。爲人試
道。相思悶緒。空有腸千縷。清淚滿斑斑。多于春雨。忍看鬢髮密堆飛絮。

瑣窗寒

燕子池塘。黃鸝院落。海棠庭戶。東風暗許。借與輕風柔雨。奈春光。困人正濃。畫闌小立。慵無語。
念冶遊時節。雖恰天氣。異鄉愁旅。朝暮凝情處。嘆聚散悲歡。歲常十五。連飛並羽。未抵鴛朋
鳳侶。算章臺楊柳。尙存楚。娥鬢影依舊。再相逢。拚解雕鞍。燕樂同杯俎。

風流子

春色徧橫塘。年華巧。過雨溼殘陽。正一帶翠搖。嫩莎平野。萬枝紅滴。繁杏低牆。惱人是燕飛盤
輾舞。鶯語咽。輕箏還憶舊遊。禁煙寒食。共追清賞。曲水浮觴。迴思歡娛處。人空老。花影尙占
西廂。堪惜翠眉環坐。雲鬢分行。看戀柳煙光。遮絲藏絮。妬花風雨。飄粉吹香。都爲酒驅歌使。應

也無妨。

渡江雲

長亭今古道。水流暗響。渺渺雜風沙。倦遊驚歲晚。口歎相思。萬里夢還家。愁凝望結。但掩淚慵。整鉛華。更漏長。酒醒人語。睥睨有啼鴉。傷嗟。回腸千縷。淚眼雙垂。退離情不下。還暗思。香燼深閉。窗紗依稀。看徧江南書。記隱隱。煙靄兼葭。空健羨。鴛鴦共宿叢花。

應天長

嫩黃上柳。新綠漲池。東風豔冶天色。又見乍晴還雨。年華傍寒食。春依舊。身是客。對麗景。易傷岑寂。悵凝望。一帶平蕪。翦就茵藉。前度少年場。醉記旗亭。聯句徧窗壁。調笑映牆紅粉。參差水邊宅。蘆鞭嬾過故陌。恨未老。漸成塵跡。漫無語。立盡斜陽。懷抱誰識。

荔枝香

勝日登臨幽趣。乘興去。翠壁古木千章。林影生寒霧。空濛冷溼人衣。山路元無雨。深澗斗瀉。飛泉溜甘乳。漁唱晚。看小棹歸前浦。笑指官橋風颭。酒旗斜舉。還脫宮袍。一醉芳杯倒鸚鵡。幸有雕章蠟炬。

又

小園花梢雨歇。浪羞泣。碧瓦光霽。羅幕香浮。鶯啼燕語交加。是處池館春徧。風外認得。笙歌近

遠。醉魂半縈夜酒。吹未散。暗憶年時。正日赴西池宴。笑攜豔質。郢曲新聲妙如翦。有愁容易排遣。

還京樂

歲華慣。每到和風麗日歡再理。爲妙歌新調。粲然一曲。千金輕費。記夜闌沈醉。更衣換酒珠璣。委悵書燭搖影。易積銀盤紅淚。向笙歌底。問何人能道。平生聚合。歡娛離別興味。誰憐露漑烟籠。盡栽培豔桃穠李。漫縈牽空坐。隔千山。情遙萬水。縱有丹青筆。應難摹畫憔悴。

掃花遊

野亭話別。恨露草芊綿。曉風酸楚。怨絲恨縷。正楊花醉玉。滿城雪舞。耿耿無言。暗灑闌干淚雨。片帆去。縱百種避愁。愁早知處。離思都幾許。但漸慣征塵。斗迷歸路。亂山似俎。更重江浪淼。易沈書素。曠日銷魂。自覺孤吟調苦。小留佇。隔前村。數聲簫鼓。

解連環

素封誰託。空寒潮浪疊。亂山雲遶。對倦景無語消魂。但香斷露晞。絮飛風薄。柱宇聲中動多少。客情離索。繞闌干。竚立暗記那回。賞徧花藥。依依歲華自若。更低煙暮草。殘照孤角。嘆息故里春光。有幽圃名園。算也閒卻。早早歸休。漸過了芳條華萼。趁良時。按歌喚舞。舊家院落。

玲瓏四犯

傾國名姝。似暈雪勻酥。無限嬌豔。素質閒姿。天賦淡蛾豐臉。還是睡起慵妝。顧鬢影翠雲零亂。恨半生把鑿驚換。依約瑣窗逢見。繡幃凝想。鴛鴦鴛鴦。畫屏烘燠。煙急舊。依紅傍粉。憐香玉。聊憑風流。眼空嘆倦客。斷腸奈聽徹。殘更急。點。仗夢魂一到。花月底。休飄散。

丹鳳吟

宛轉迴腸。離緒嬾倚危闌。愁登高閣。相思何處。人在繡幃羅幕。芳年豔齒。柱消虛過。會合絲輕。因緣蟬薄。暗想飛雲驟雨。霧隔烟遮。相去還是天角。悵望不時夢到。素書漫說。波浪惡。縱有青青髮。漸亭霜妝點。容易凋鑠。歡期何晚。忽忽坐驚搖落。顧影無言。清淚溼。但絲絲盈握。染斑客袖。歸日須問著。

滿江紅

爲憶仙姿。相思恨纏綿未足。從別後沈郎消瘦。帶圍如束。消息三年沈過處。關山千里無飛肉。算誰知。中有不平心。彈棋局。空想像。金釵卜。時畏說。回紋曲。許何時重到。瑣窗華屋。長得一。生花裏。活。輭紅深處。鴛鴦宿。也勝如騎馬。著征衫。京塵撲。

瑞鶴仙

看青山繞郭。正暮草萋萋。疎煙漠漠。無風自花落。欲黃昏。誰向官樓吹角。剛腸頓弱。恨別來辜負。厚約。想香閨念舊。還憶去年。共舉杯酌。寂寞光陰。虛度未說離愁。淚痕先闕。珠簾翠幕。除

相見是奇藥。況中年已後，凭高臨遠。情懷終是易惡，早歸休。月地雲階，賸追笑樂。

西平樂

倦踏征塵，厭驅匹馬，凝望故國猶賒。孤館今宵，亂山何許，平林漠漠煙遮。恨過眼光陰，似瞬回首。歎嬾異昔流年，迅景霜風敗葦驚沙。無奈輕離易別，千里意，刷淚獨長嗟。綺窗人遠，青門信杳，叙影何時重見。雲斜空怨，憶吹簫韻曲，旋錦回文。想像宮商蠶損，機杼生塵，誰爲新裝暈素華。那信自憐，悠颺夢蝶，浮沒書鱗，縱有心情，盡爲相思，爭如傍早歸家。

浪淘沙

素秋霽。雲橫曠野。浪拍孤堞。柔櫓悲聲頓發。驪歌恨曲未闕。念一寸回腸千縷結。柳條在忍使攀折。但悵惘章臺路多少。相思捺愁絕。淒切。去程浩渺空闊。奈斷梗孤篷，西風外，蕪蕪殘吹咽。應暗爲行人傷念離別。淚波易竭。凝怨懷羞，覩當時明月。煙浪無窮，青山疊，魚封遠雁書漸歇。甚時合金釵分處缺。飄蕩海甸天涯。再見日，應憐兩鬢玲瓏雪。

憶舊遊

念花邊玉漏，帳裏鸞笙，曾款良宵。鏤鴨吹香霧，更輕風動竹韻響瀟瀟。畫簷皓月初掛，簾幕縠紋搖。記罷曲更衣挑燈，細語酒暈全消。迢迢舊時路，縱下馬銅駝，誰聽揚鑣。奈可憐庭院，又徘徊虛過。清夢難招。斷魂暗想幽會，回首渺星橋。試彷彿仙源，重尋當日千樹桃。

暮山溪

園林晴晝。花上黃蜂尾。鶯語怯遊人。又還傍綠楊深避。曲池斜徑。草色碧於藍。闌倦倚。簾半起。魂斷斜陽裏。江南春盡。渺渺平橋水。身在一天涯。問此恨何時是。已飛帆輕槳。催送莫愁來。歌舞地。尊酒底。不羨東隣美。

少年遊

丹青閑展小屏山。香燼一絲寒。織錦回紋。生綃紅淚。不語自羞看。相思念遠關河隔。終日望征鞍。不識單栖。忍教良夜。魂夢覓長安。

又

東風無力颺輕絲。芳草雨餘姿。淺綠還池。輕黃歸柳。老去願春遲。闌干凭暖慵回首。閒把小花枝。怯酒情懷。惱人天氣。消瘦有誰知。

秋蕊香

一枕盤鸞錦暖。初起嬾勻妝面。綠雲嬾娜映嬌眼。酒入桃腮暈淺。翠簾半捲香縈線。礙飛燕。畫屏淺立意閒遠。春鎖深沈小院。

漁家傲

燭彩花光明似晝。維幃夜出傾城秀。紅錦紋茵雙鳳鬪。看舞後。腰肢宛勝章臺柳。眼尾春嬌

波態溜金尊。笑捧纖纖袖。一陣粉香吹散酒。更漏久。消魂獨自歸時候。

又

冷葉啼螢聲惻惻。銀牀曉起清霜積。魂斷江南煙水國。書難得。相思此意無人識。綠鬢金釵。年少客。愁來嬾傍菱花仄。霧閣雲窗閒枕席。情何適。杯盈珠淚還偷滴。

南鄉子

西北有高樓。淡靄殘烟漸漸收。幾陣涼風生客袖。鸚鵡心。逐年華袞袞流。花卉滿前頭。老嬾心情萬事休。獨倚闌干無一語。回眸鼓角聲中喚起愁。

望江南

春色暮。短艇艤長隄。飛絮空隨花上下。啼鶯占斷水東西。來往燕爭泥。桑柘綠。歸去覓前蹊。夜甕酒香從蟻鬪。曉窗眠足任雞啼。猶勝旅情悽。

浣溪沙

楊柳依依窄地垂。麴塵波影漸平池。霏微細雨出魚兒。先自別來容易瘦。那堪春去不勝悲。腰肢寬盡縷金衣。

又

無數流鶯遠近飛。垂楊裊裊弄晴暉。斷腸聲裏送春歸。鬢影空思香霧濕。襪塵還想步波微。

去年花下酒闌時。

又

清淚斑斑著意垂。消魂迢遞一天涯。誰能萬里布長梯。先自樓臺飛粉絮。可堪簾幕捲金泥。相思心上乳鶯啼。

迎春樂

參差鳳鐸鳴高屋。漸驚覺清暉熟。看夕陽倒影花陰速。雙燕子。歸來宿。幾曲危腸愁易束。零鬢何時重綠。料想此情同。應暗損香肌玉。

又

紅濼綠暗春無跡。芳心蕩冶遊客。記搖鞭跋馬銅駝陌。凝睇認珠簾側。絮滿愁城風捲白。多少相思消息。何處約歡期。芳草外。高樓北。

點絳脣

池館春深海棠枝上斑斑雨。酒旗斜舉。風滾楊花絮。遊子征衫。凭暖闌干處。空凝竚。杜鵑啼苦。還報樓鼓。

一落索

月影娟娟明秀。簾波吹皺。徘徊空度。可憐宵漫問道。因誰瘦。不見芳音長久。鱗鴻空有。渭城

西路恨依然。尙夢想青青柳。

又

心抵江蓮長苦。凌波人去。厭厭消瘦不勝衣。恨清淚多於雨。舊曲慵歌瓊樹。誰傳香素。碧溪流水過樓前。問紅葉來何處。

垂絲釣

錦鱗繡羽。難傳愁態。翠嬾岸草際天。雲影垂絮。人何許。漫並闌倚柱。煙光暮。恨榆錢滿路。送春帶酒。歡期幽會。希遇彩簫鳳侶。回首分攜處。雙臉吹愁雨。無限語。再見時記否。

蒲庭芳

山色澄秋。水光融日。浮萍飄碎還圓。數行征雁。分破白鷗煙。高下回塘暗谷。寫幽思終日濺濺。閒凝望。殘霞暝。萬何處一漁船。江南思舊隱。筠軒野徑。茆舍疎椽。慣攜壺花下。欵帽風前。想像淵明舊節。琴中趣何必疎絃。歸歟計不將五斗輸與北窗眠。

隔浦蓮

垂楊煙溼嫩葆。別喚環清窈。紺影浮新漲。夷猶終日魚鳥。花妥庭下草。鳴蟬鬧。暗綠藏臺沼。野軒小。欵眠斷夢。閒書風葉顛倒。詩懷酒思。悔費十年昏曉。投老紅塵倦。再到愁覺。悠然心寄天表。

法曲獻仙音

庭葉飄寒。砌蛩催織。夜色迢迢難度。細剔燈花，再添香獸。淒涼洞房朱戶。見鳳枕、羞孤另、相思
洒紅雨。有誰語。道年來、爲郎憔悴。音問隔，回首後期尙阻。寂寞兩愁山。鎖閒情、無限顰嫵。嫩
雪消肌。試羅衣、寬盡腰素。問何時、夢裏趁得好風飛去。

過秦樓

柳灑鵝黃。草揉螺黛。院落雨痕纔斷。蜂鬢霧溼。燕嘴泥融。陌上細風頻扇。多少豔景關心。長苦
春光疾如飛箭。對東風、忍負西園。清賞翠深香遠。空暗憶、醉走銅駝。閒敲金鐙。倦跡素衣塵
染。因花瘦、覺爲酒情鍾。綠鬢幾番催變。何況逢迎。向人眉黛供愁。嬌波回倩。料相思此際。濃似
飛紅萬點。(或作濃于空裏亂紅千點)

側犯

四山翠合。一溪碧繞。秋容靚波定。見鷺立魚跳。動平鏡。脩竹散步屨。古木通幽徑。風靜。煙霧直。
池塘倒晴影。流年舊事。老矣虛心整。還暗省。點吳箱。憔悴愧潘令。夢憶江南。小園路。迥愁聽。
葉落轆轤金井。

塞翁吟

暮色催更鼓。庭戶月影朧臆。記舊跡。玉樓東。看枕上芙蓉。雲屏幾軸。江南畫。香篆燼暖煙空。睡

起處繡衾重。尙殘酒潮紅。忡忡從分散。歌稀宴小。懷麗質。渾如夢中。苦寂寞。離情萬緒。似秋後。怯雨芭蕉。不展愁封。何時細語。此夕相思。曾對西風。

蘇幕遮

扇留風。冰卻暑。夏木陰相對。黃鸝語。薄晚輕陰。還閣雨。遠岸煙深。彷彿菱歌舉。燕歸來。花落去。幾度逢迎。幾度俱羈旅。油壁西陵人識否。好約追涼。小艫蒹葭浦。

浣溪沙

菱藕花開來路香。滿船絲竹載西涼。波搖髮彩粉生光。翡翠雙飛尋密浦。鴛鴦濃睡倚回塘。閒情須與酒商量。

又

密約深期卒未成。藏鉤春酒坐頻傾。向人嬌豔夜亭亭。相顧無言情易覺。歸來單枕夢猶驚。眼梢怨淚幾時晴。

又

面而虛堂水照空。天然一朵玉芙蓉。千嬌百媚語惺惚。未散嬌雲輕鞦韆。欲融輕雪乍凝胸。石榴裙衩爲誰紅。

又

刻樣衣裳巧刻繒。綵枝環繞萬年藤。生香吹透殺蠶冰。嫩水帶山嬌不斷。濕雲堆嶺膩無聲。
香肩婀娜許誰凭。

點絳脣

閒蕩蘭舟。翠娥仙袂風中舉。鴛鴦深浦。綠暗曾來路。留戀荷香。薄晚慵歸去。還相顧。練波澄
素。月上潮生處。

訴衷情

遠山重疊亂山盤。江上晚風酸。秋容更兼殘日。楓葉照人丹。書未到。夢猶閒。鬢先斑。凭高無
語。征雁知愁。聲斷雲間。

風流子

河梁攜手別。臨歧語。共約踏青歸。自雙燕再來。斷無音信。海棠開了。還又參差料。此際笑隨花
使面。醉騎錦鄒泥。不憶故園粉。愁香怨。忽教華屋綠。慘紅悲。舊家歌舞地。生疎久。塵暗風縷
羅衣。何限可憐心事。難訴歡期。但兩點愁蛾。纔開重斂。幾行清淚。欲制還垂。爭表爲郎憔悴。相
見方知。

華胥引

長亭無數。羈客將歸。故園換葉。乳鴨隨波。輕蘋滿渚。時共唼。接眼春色何窮。更櫓聲伊軋。思憶

前歡未言心已愁怯。欺鬢吳霜恨惺惺。又還盈鑷。錦紋魚素。那堪重翻再閱。粉指香痕依舊。在繡裳鴛篋。多少相思皺成眉上千疊。

宴清都

暮色聞津鼓。煙波碧。數行征雁時度。輕榔聚網。長歌和楫。水村漁戶。行人又落天涯。但悵望高陽伴侶。記舊日酒卸宮袍。馬酬少妾詞賦。如今鬢影蕭然。相逢似雪。徒話愁苦。芳塵暗陌。殘花徧野。歲華空去。垂楊翠拂門徑。尚夢想當時住處。縱早歸綠漸成陰。青娥在否。

四園竹

花聰縱策。制淚掩斜扉。玉爐細裊。鴛被半閒。蕭瑟羅幃。銀漏聲。那更雜疎雨裏。此時懷抱誰知。恨淒其。西窗自翦寒花。沈吟暗數歸期。最愛深情密意。無限當年往復。詩辭千紙。甚近日人來字漸稀。

齊天樂

碧紗窗外黃鸝語。聲聲似愁春晚。岸柳飄綿。庭花墮雪。惟有平蕪如翦。重門向掩。看風動疏簾。浪鋪湘簾。暗想前歡舊遊心事。寄詩卷。鱗鴻音信未覩。夢魂尋訪後。關山又隔無限。客館愁思。天涯倦跡。幾許良宵展轉。閒情意遠。記密閣深閨。繡衾羅薦。睡起無人料。應眉黛。斂。

木蘭花

溶溶水映娟娟秀。淺約宮妝籠翠袖。舞餘楊柳乍禁風。睡起海棠猶帶酒。憔悴蕭郎綠底瘦。那日花前相見後。西窗疑是故人來。費得羅牋詩幾首。

霜葉飛

寒雲垂地隄煙重。燕鴻初度江表。露荷風柳向人疎。臺榭還清悄。恨脈脈離情怨曉。相思魂夢眼屏小。奈倦客征衣。自徧拂塵埃。玉鏡羞照。無限靜陌幽坊。追歡尋賞。未落人後。先到少年心事。轉頭空。況老來懷抱。儘絲葉紅英過了。離聲慵整。當時調麗質。從憔悴消減。腰圍似郎多少。

蕙蘭芳

庭院雨晴。倚斜照。睡餘雙鷺。正學染脩蛾。官柳細勻黛綠。繡簾半捲。透笑語瑣窗華屋。帶脆聲咽。韻。遠近時聞絲竹。乍著單衣。綉拈圓扇。氣候喧燠。趁驕馬香車。同按繡坊畫曲。人生如寄。浪勤耳口。歸醉鄉猶勝旅。情愁獨。

塞垣春

四遠天垂野。向晚景。雕鞍卸。吳藍涵草寒。綿藏柳。風物堪畫。對雨收霧霽初晴也。正陌上煙光灑。聽黃鸝啼紅樹。短長音如寫。懷抱幾多愁。年時趁歡會。幽雅盡日足。相思奈春晝。難夜念。征塵滿堆襟袖。那堪更獨遊。花陰下一別。鬢毛減。鏡中霜滿把。

丁香結

煙濕高花雨。藏低葉。爲誰翠消紅隕。歎水流波迅。撫豔景。尙有輕陰餘潤。乳鴛啼處路。思歸意。淚眼暗忍。青青榆莢。滿地縱官閒愁難盡。勾引正記著。年時乍怯春寒陣。陣小閣幽窗。殘妝賸粉。黛眉曾暈。迢遞魂夢萬里。恨斷柔腸寸。知何時重見。空爲相思瘦損。

貳州第一

朝日融怡。天氣豔冶。桃英香萼猶小。燕壘初營。蜂衙乍散。池面煙光縹緲。芳草如薰。更潏灑波。光相照。錦繡縈回。丹青映發。未容春老。倦客自嗟清興少。念歸計。夢魂飛繞。浪闊魚沈。雲高雁阻。瞪目添愁抱。憶香閨。臨麗景。無人伴。輕絮淺笑。想像消魂。怨東風。孤衾獨曉。

解蹀躞

院宇無人晴晝。靜看簾波舞。自憐春晚。漂流向羈旅。那況淚溼征衣。恨添客鬢。終日子規聲苦。動離緒。漫徘徊。愁步何時再相遇。舊歡如昨。匆匆楚台雨。別後南北天涯。夢魂猶記。關山屢隨書去。

少年遊

人如懷李。香深翠縷。芳酒嫩於橙。寶燭烘香。珠簾閒夜。銀宇理鸞笙。歸時醉而春風醒。花霧隔疎更。低輦彫輪。輕橈驕馬。相伴月中行。

慶春宮

宿鶯籠晴。屏雲遮日。送春望斷愁城。離落堆花。簾櫳飛絮。更堪遠近鶯聲。歲華流轉。似行蟻盤旋。萬星人生如寄。利鎖名韁。何用勞縈。駸駸皓髮相迎。斜照難留。朝霧多零。宜趁良辰。何妨高會。爲酬月皎。風清。舞臺歌榭。遇得旅懽。期易成。莫辭杯酒。天賦吾曹。特地鍾情。

醉桃源

良宵相對一燈青。相思寫研綾。去時情淚滴紅冰。西風吹涕零。愁宛轉。意飛騰。晴窗穿紙蠅。夢知關塞不堪行。憶君猶問程。

又

鴛鴦濃睡碧溪沙。荷花深處家。快風收電掣金蛇。涼波流素華。吳國豔。楚宮娃。紅潮連翠霞。坐來忽忽燭光斜。城頭聞亂鴉。

點絳脣

綠葉陰陰。滿城風雨催梅潤。畫樓人近。朝霧來芳信。從解雕鞍。休數花吹陣。無多悶。燕催鶯趁。付與春歸恨。

夜遊宮

一帶垂楊蘸水映。芳草萋萋千里。跋馬回隄。少年子。擁青蛾。向紅樓。南酒市。擗飲鶯花底。恁

權笑粉融香墜。不趁臨分醉中起。但依稀。寫柔情。留蜀紙。

又

城上昏烟四斂。畫樓外。陡聽更點。千里相思夢中見。恨年華。逐東流。隨急箭。籠影參差轉。夜初過。水沈烟亂。脂枕餘衾。故人遠。憶開窗。彈雲鬢。低粉面。

訴衷情

一鈎新月淡於霜。楊柳漸分行。征塵厭。堆襟袂。雞唱促晨裝。淮水闊。楚山長。暗悲傷。重陽天氣。杯酒黃花。還寄他鄉。

傷情怨

閒愁眉上翠小。儘春衫寬了。舞鑑孤鸞。嚴妝羞獨照。王孫音信尚渺。度寒食。禁煙須到。趁賞芳菲。今年春事早。

紅林擒近

花幕高燒燭。獸爐深炷香。寒色上樓閣。春威徧池塘。多情天孫罷織。故與玉女穿窗。素臉淺約宮妝。風韻勝笙簧。遊冶尋舊侶。尊酒老吾鄉。清歌度曲。何妨塵落雕梁。任瑤階平尺。珠簾人報。賸拚酩酊飛羽觴。

又

曉起山光慘。晚來花意寒。映月衣纖縞。因風珮琅玕。三弄江梅聽徹。幾點岸柳飄殘。宛然舞曲初翻。簾影捲波瀾。把酒同喚醉。促膝小留歡。清狂痛飲。能消多少杯盤。況人生如寄。相逢半老。歲華休作容易看。

蒲路花

簾篩月影金。風捲楊花雪。天邊鴻雁少。音塵絕。春光欲暮。客心歸心折。江湖波浪闊。日斷家山料。應易過佳節。柔情千點。杜宇枝頭血。危腸餘寸許。誰能接。眼思夢憶。不似今番切。欲對何人說。攬鏡沈吟瘦。來須有差別。

詠解花

長空淡碧。素魄凝輝。星斗寒相射。風樓寫瓦。天風動。冉冉珮環高下。歌清韻雅。對好景芳尊滿。把花霧濃燈火。燦煌笑語。烘蘭麝。千斛明珠照夜。況人如圖畫。明豔容冶。繡巾香帕。歸來路。緩逐香騮驕馬。笙歌散也。愁萬炬。絳蓮分謝。更漏殘。驚聽西樓。吹小梅初罷。

六么令

照人明豔。肌雪消繁燠。嬌雲慢垂柔領。紺髮濃於沐。微暈紅潮一線。拂拂桃腮熟。翠芳難逐。天香國豔。試比春蘭共秋菊。當時相見恨晚。彼此縈心日。別後空憶仙姿。路隔吹簫玉。何處闌干十二。纏緲陽臺曲。佳期重卜。都將離恨。揜與尊前細留囑。

倒犯

盡日任梧桐自飛。翠階慵掃。閒雲散縞。秋容整暮天清窈。斜陽到地。樓閣參差。簾櫳悄。嫩袖舞涼颺。拂拂生林表。蕩塵襟。寫名標。攜手故園。勝事尋蹤。松篁幽徑。寫曲沼。敞靜綠。蔭簷影。龜魚小。信倦跡歸來好。倩叮嚀。長安遊子。道鬢髮霜侵。莫待菱花照。醉鄉深處老。

大舖

正夕陽閉。秋光淡。鴛瓦參差華屋。高低簾幕迴。但風搖環珮。細聲頻觸。瘦怯單衣。涼生兩袖。零亂。庭梧窗竹。相思誰能會。是歸程客夢。路諳心熟。況時節黃昏。閉門人靜。凭闌身獨。歡情何太速。歲華似飛馬。馳輕轂。漫自歎。河陽青鬢。苒苒如霜。把菱花。悵然凝目。老去疏狂減。思墮策小坊幽曲。趁游樂繁華國。回首無緒。清淚紛於紅菽。話愁更堪翦燭。

玉燭新海棠

海棠初雨後。露粉妝成。肉紅團就。太真帳裏。春眠醒。緩整樓前宮漏。潮生酒暈。獨自倚闌干時候。吹鬢影斜立。東風餘寒半。侵羅袖。驪山宮殿無人想。笑問君王。豔容如否。萬花競鬪。難比竝。體美巧勻豐瘦。閨房挺秀。一顧丹鉛低首。應對羯鼓聲中。清歌美奏。

花犯（荷花）

洛風低芙蓉萬朵。清妍賦情味。霧縉紅綴。看曼立分行。閒淡佳麗。靚姿豔冶。相扶倚。高低紛懼。

喜正曉色。嬾窺妝面。嬌眼欲翠被。秋色爲花且徘徊。朱顏迎綺露。還應憔悴。腰肢小。腮痕嫩。更堪飄墜。風流事。舊宮暗鎖。誰復見塵生香步裏。漫歎息。玉兒何許。繁華空逝水。

醜奴兒

淩波臺畔花如翦。幾點吳霜。煙淡雲黃。東閣何人見晚妝。江南春近書千里。誰寄清香。別墅橫塘。鼓角聲中又夕陽。

水龍吟（海棠）

錦城春色。彩根麗姿。迴壓江南地。瓊酥拂臉。彩雲滿袖。翠芳羞避。雙燕來時。暮寒庭院。雨藏煙閉。正未足。宮妝尙怯。還輕洒。燕脂淚。長是歡遊花底。怕東風陡成怨吹。高燒銀燭。梁州催按。歌聲漸起。綠態多慵。紅情不語。動搖人意。算吳宮獨步。昭陽第一。可依稀比。

六醜

石流鶯度柳。似急響。金梭飛擲。護巢占泥。翩翩飛燕翼。昨夢前迹。暗數歡娛處。豔花幽草。縱冶遊南國。芳心蕩漾。如波澤。繫馬青門。停車紫陌。年華轉頭堪惜。奈離襟別袂。容易疎隔。人間春寂。漫雲容暮碧。遠水沈雙鯉。無信息。天涯漸老。羈客嘆良宵漏斷。獨眠愁極。吳霜皎。半侵華幘。誰復省。十載勻香。暈粉。鬢傾髮側。相思意。不離潮汐。相舊家。接酒巡歌計。今難再得。

虞美人

花臺響徹歌聲暖。白日林中短。春心搖蕩客魂消。搓粉揉香。排比一團嬌。重來猶自尋芳徑。吹鬢東風影。步金蓮處綠苔封。不見彩雲雙袖舞。驚鴻。

又

高樓遠閣花飛徧。急雨梢池面。脩脩楊柳不知門。多少亂鶯啼處暮煙昏。銀鈎小字題芳絮。宛轉回文語。可憐單枕夢行雲。腸斷江南千里末歸人。

蘭陵王

晚煙直。池沼波痕皺碧。年芳爲花態。柳情按粉柔。藍靛春色繁華記上國。曾識傾城幼客。風流事聯句。送鉤股。綠綃紅。遞書尺。行雲去無跡。念暖響歌臺。香霧瑤席。當時誰信盟言食。知一歲離聚。幾多間阻。人生如夢寄。塢驛。況分散南北。悲惻萬愁積。奈鸞鳳歡疎。魚雁音寂。天涯何處相思極。但日斷芳草。恨隨寒笛。那堪庭院。更聽得夜雨滴。

蝶戀花

漏泄東君消息後。短葉長條。著意遮軒牖。嫩比鵝黃初熟酒。染勻巧費春風手。萬縷篩金新月透。入夜柔情。還勝朝來秀。綵筆彫章知幾首。可人標韻無新舊。

又

一搦腰肢初見後。恰似娉婷。十五藏朱牖。春色惱人濃抵酒。風前脈脈如招手。黛染修眉蛾

綠透態婉儀閒。自是閨房秀。堪惜年華同轉首。女郎臺畔春依舊。

又

碎玉飛花寒食後。薄影行風。終日穿疏牖。有客思歸還把酒。閒吹倦絮輕粘手。雪滿愁城寒欲透。飄盡殘英。翠幄成穠秀。張緒風流今白首。多年襟度難如蓋。

又

翠浪藍光新雨後。整整斜斜。高下籠窗牖。萬斛深傾重碧酒。量愁知落何人手。櫛霧梳煙晴色透。照影回風。一段嫣然秀。白下門東空引首。藏鴉枝葉長懷舊。

西河

都會地。東南王氣須記。龍盤鳳舞到錢塘。瑞煙回起。畫圖彩筆寫西湖。波光浴漾無際。翠闌最宜半倚。柳陰駿馬誰繫。鱗差觀閣接飛甍。銜盧禹壘。倒空碧浸輓琉璃。雲收天淨如水。夕陽照晚聽近市。沸笙簫歡動閭里。比屋樂逢堯世。好相將載酒尋歌。玄對酬答年華鶯花裏。

三部樂

簾捲窗明。聽杜宇乍啼。漏聲初絕。亂雲收盡。天際留殘月。奈相送行客將歸。悵去程漸促。霽色催發。斷魂別浦。自上孤舟如葉。悠悠音信易隔。縱怨懷恨語。到見時難說。堪嗟水流急。景霜飛華髮。想家山路窮望隄。空倚仗。魂親夢切。不似嫩朵。猶能替離緒千結。

菩薩蠻

黃雞曉唱玲瓏曲。人生兩鬢無重綠。官柳繫行舟。相思獨倚樓。來時花未發。去後紛如雪。春色不堪看。蕭蕭風雨寒。

品令

露晞煙靜。寂寥轉梧桐寒影。天際歷歷征鴻近。被風吹散。聲斷無行陣。秋思客懷多少恨。慢

玉樓春

華堂銀燭堆紅淚。解說離人多少意。恨從別後恨無窮。愁到濃時惟一味。江南渭北三千里。憔悴相思何日已。馬蹄清曉草黏天。庭院黃昏花滿地。

滿路花

鶯飛翠柳搖。魚躍浮萍破。班班紅杏子。交榴火。池臺畫永。繚繞花陰裏。山色遙供座。枕簟清涼。北窗時喚高臥。翻思少年。走馬銅駝左。歸來敲鐙月。留關鎖。年華老矣。事逐浮雲過。今吾非故我。那日尊前。祇今問有誰呵。

和清真詞終

和清真詞跋

美成嘗徵廟時提舉大晟樂府。每製一調。名流輒依律庶唱。獨東楚方千里樂安楊澤民有和清真全詞各一卷。或合爲三英集行世。花庵詞客止選千里過秦樓風流子訴衷情三闋。而澤民不載。豈楊劣於方耶。湖南毛晉識。

後村別調一卷

劉克莊

後村別調

目錄

- | | | |
|--------|---------|--------|
| 滿江紅十四調 | 風入松四調 | 水龍吟四調 |
| 溈淘沙四調 | 念奴嬌三調 | 六州歌頭一調 |
| 沁春園五調 | 摸魚兒二調 | 賀新郎九調 |
| 卜算子二調 | 一翫梅一調 | 木蘭花慢三調 |
| 最高樓二調 | 臨江仙四調 | 昭君怨二調 |
| 清平樂四調 | 長相思五調 | 菩薩蠻一調 |
| 玉春樓一調 | 生杏子一調 | 憶秦娥五調 |
| 鷓鴣仙一調 | 踏莎行一調 | 水調歌頭九調 |
| 哨徧一調 | 賀新郎二十一調 | 沁園春四調 |
| 摸魚兒一調 | 一翫梅一調 | 滿庭芳一調 |
| 鷓鴣天二調 | 卜算子一調 | 木蘭花慢一調 |
| 念奴嬌一調 | | |

後村別調目錄終

後村別調

宋 劉克莊

滿江紅 (夜雨涼甚，忽動從戎之興)

金甲瑠戈，記當日、轅門初立。磨盾鼻、一揮千紙，龍蛇猶溼。鐵馬曉嘶營壁冷，樓船夜渡風濤急。有誰憐、猿臂故將軍，無功級。平戎策，從軍什。零落盡，慵收拾。把茶經香傳，時時溫習。生怕客談榆塞事，且教兒誦花間集。嘆臣之壯也，不如人，今何及。

又 (二月二十四夜飲海棠花下作)

老子年來，頗自許、心腸鐵石。尚一點、消磨未盡，愛花成癖。懊惱每嫌寒勒住，丁寧莫被晴烘拆。奈暄風、烈日太無情，如何得。張畫燭，頻頻惜。憑素手，輕輕摘。更一番雨過，彩雲無迹。今夕不來花下飲，明朝空向技頭覓。對殘紅、滿院杜鵑啼，添愁寂。

又 (范尉梅谷)

赤日黃埃，夢不到、清溪翠麓。空健羨、君家別墅，幾株幽獨。肯冷清偏要月，天寒日暮尤宜竹。想主人、杖履繞千迴，山南北。寧委澗、嫌金屋。寧映水、羞銀燭。歎出羣風韻，背時裝束。競愛東鄰姬傅粉，誰憐空谷人如玉。笑林逋、何遜漫爲詩，無人讀。

又 (送宋惠父入江西幕)

滿腹詩書。餘事到穠華。新受了烏公書幣。著鞭垂發。黃紙紅旗。噴道路。黑風青草空巢穴。
向幼安宣子頭頭行。奇特。貉峒宇。聽儂言。使遠外。無長策。便獻俘。非勇。納降。非怯。帳下健。
兒休盡。草間赤子。俱求活。到腔。快寄凱歌來。宣離別。

又

落日登樓。誰管領。倦游狂客。待喚起。滄浪漁父。隔江吹笛。看水看山身尚健。憂晴憂雨頭先白。
對暮雲。不見美人來。遙天碧。山中鶴。應相憶。沙上鷺。渾相識。想石田。茆屋。草深三尺。空有鬢。
如潘騎省。斷無面見陶彭澤。使倒傾海水澆衣塵。難滿滌。

又(送王質之)

天壤王郎。數人物。方今第一。談笑裏。風雲驚座。雲煙生筆。落落元龍湖海氣。琅琅董相天人策。
問如何。十載尚青衫。諸侯客。易愛底。些官職。難保底。些名節。擬閉門投轄。劇談三日。疇昔評。
君天下寶。當爲天下蒼生惜。向臨分。慷慨出商聲。摧金石。

又(王質之)

鶴駟來時。長占定。一年清絕。九萬里。織雲收盡。帝青空闊。甘露偏爲丹桂地。風霜欲放黃花節。
聽玉笙。縹緲度緱山。吹初徹。曾直把。龍鱗批。曾感取。鯨牙拔。向絳河濯足。咸池晞髮。俗子底。
量吾輩事。天仙不在臞儒列。世豈無瑤草與蟠桃。堪攀掇。

又（和王實）韻送鄭伯昌

怪雨盲風。留不住。江行色。煩問信。冥鴻高士。釣鯨詞客。千百年傳吾輩話。二三子繫斯文脈。聽王郎一曲玉簫聲。淒金石。唏髮處。怡山碧。垂釣處。滄溟白。笑而今。拙宦。它年遣直。只願長留相見面。未宜輕屈平生膝。有狂談欲吐。且休休。驚鄰壁。

又（四首並和實之）

往日封章。曾聳動。君王玉色。今似得。三閭公子。四明狂客。古不能箝言者口。天方欲壽中朝脈。算人間。豈有病無醫。須鍼石。年冉冉。袍猶碧。心耿耿。頭先白。笑臣舒迂緩。臣山愚直。拂袖歸來。羞炙手。望塵拜了。難伸膝。把富春濶與首陽山。圖齋壁。

又

三黜歸來。飯蔬食。渾無慍色。中年後。家如旅舍。身如行客。軒冕豈非龐贅具。煙霞已是膏盲脈。有些兒。隙地更疏泉。堆卷石。隣媪餉。新蕪碧。溪友賣。鮮鱗白。向陳編。冷笑。孔明元直。俗事不教汗兩耳。燕居聊可盤雙膝。取當年行脚一枝筇。懸高壁。

又

疇昔臚傳。仗下奏。祥雲五色。何況是。西山弟子。鷓山賓客。上帝照臨忠義膽。老師付受文章脈。問此君鬚髯。似何人。徂徠石。園官菜。登盤碧。田舍米。翻匙白。懶投詩。見素。寄書杓。直德耀不

嫌爲隱髻。龜兒已解搖吟膝。有誰憐給札。老相如家徒壁。

又

下見西山料。它日面無慚色。君記取不爲呂黨。亦非秦客。檢石十笥。有意挽回當世事。無方延得諸賢脈。笑海波渺。渺幾時平。空啣石。園五畝。紛紅碧。家四世。傳清白。任天孫笑拙。女須嫌直。老去何煩。援以手。向來不要加諸膝。待深山深處。著茆齋。看青壁。

又(壽唐夫人)

八十加三人。盡訝還童返少。爭信道夜春曉。纖總曾經了。潭源共羨當日誓。諄諄孟母平生教。到如今象服。擁魚軒。天之報。如船藕。如瓜棗。斑衣舞。金鐘醕。望秋宵一點。老人星照。塵世少如孃福壽。上蒼知得兒忠孝。待看它孫子。又生孫。添懷抱。

又(和吳叔永尙書時吳喪少子)

著破青鞵。渾不憶。踢它龍尾。更冷笑。癡人壁劃。二三百歲。殤子彭錢誰壽夭。靈均漁父爭醒醉。向江天極目。羨禽魚。悠然矣。杯中物。姑停止。牀頭易。都拋廢。假事常八九。不如人意。白雪調高尤協律。落霞語好終傷綺。待煩公老手。一摩挲。文公記。

風入松(福濟道中作)

橐泉夢斷夜初長。別館淒涼。細思二十年。中事。歎人琴已矣。俱亡。改盡潘郎鬢髮。銷殘荀令衣。

香。多年布被冷如霜。到處同牀。簾聲一去無消息。但回首、大海茫茫。舊日風烟草樹，而今總斷人腸。

又（同前）

歸鞍尙欲小徘徊。逆境難排。人言酒是銷憂物，奈病餘孤負金壘。蕭瑟搗衣時候，淒涼鼓笛情懷。遠林搖落晚風哀。野店猶開。多情惟是燈前影，伴此翁同去同來。逆旅主人相問，今迴老似前迴。

又（癸卯至石塘，追和十五年前韻）

殘更難睡抵年長。曉月淒涼。芙蓉院落深深閉，歎芳卿、今在何亡。絕筆無求鳳曲，癡心有返魂香。起來休鑷鬢邊霜。半被堆牀。定歸兜率蓬萊去，奈人間、無路茫茫。緣斷漫三彈指，憂來欲九迴腸。

又（同前）

攀翻宰樹暫徘徊。草草安排。昔人徒步陳雞絮，愧公家僕馬觥勔。華表舊愁滿目，黃梁殘夢傷懷。欲將莊列等歡哀。對卷慵開。憑高指點虛無路，問何年、遼鶴歸來。宿酒得風漸解，小輿待月同迴。

水龍吟（己亥自壽）

年年歲歲今朝。左弧懸罷。渾無事。吾衰久矣。我辰安在。老之將至。懶寫京書。怕看除日。敗人佳思。把東籬。拖定北窗。開了。悠然酌。頽然睡。客有過門投贄。道先生訪華胥氏。誰能辛苦。陪它綺語。記它奇字。屈指先賢。戴花老監。豈其苗裔。待異時約取。寬夫彥國。入耆英會。

又

先生放逐方歸。不如前輩。抽身早。臺郎舊秩。看來俗似。散人新號。起舞非狂。行吟非怨。高眠非傲。嘆終南捷徑。太行盤谷。用卿法。從吾好。閉了草廬。長嘯後。將軍來時。休報牀頭書。在古人出處。今人非笑。製箇淡詞。呷些薄酒。野花簪帽。願雲臺任滿。又還囚任。賽汾陽考。

又（自和前韻）

病翁一榻蕭然。（詞屏山號病翁）不知世有歡娛事。雀羅庭院。載醪客去。催租人至。報答秋光。要些酒量。要些詩思。奈長鯨罷吸。寒蛩息響。茶甌外。惟貪睡。窮巷幸無干贄。或相過。莫知誰氏。柴門草戶。闕人守舍。任伊題字。白和山歌。國風之變。離騷之裔。待從今。向去年年強健。插花高會。

又

平生酷愛淵明。偶然一出歸來早。題詩信意。也書甲子。也書年號。陶侃孫兒。孟嘉甥子。疑狂疑傲。與柴桑樵牧。斜川魚鳥。同盟後。歸于好。除了登臨吟嘯。事如天莫相諮報。田園閒靜。市朝

翻覆回頭堪笑。節物催人。東籬把菊。西風吹帽。做先生處士。一生一世。不論資考。

浪淘沙(旅況)

紙帳素屏遮。全似僧家。無端霜月闌窗紗。喚起玉關征戍夢。幾疊寒笳。歲晚客天涯。短髮蒼華。今年衰似去年些。詩酒新來都減價。孤負梅花。

又

疊嶂碧周遮。游子思家。掩藏白髮賴烏紗。落日倚樓千萬恨。社鼓城笳。老去淡生涯。虛擲年華。臘茶孟子太清些。待得癡兒公事畢。謝了梅花。

又(丁未生日)

去歲詣公車。天語勤渠。絳紗玉斧照寒儒。恰似昔人曾夢到。帝所清都。骨相太清臞。謫墮須臾。今年黃勅換稱呼。只爲此翁霜鬢禿。老不中書。

又

早歲類寒蛩。晚節遭逢。曾開黃卷侍重瞳。歸去青藜光照牖。階藥翻紅。出畫頗匆匆。主眷猶濃。除官全似紫陽翁。(寶文漳州)換箇新街頭面改。又似包公。(辭郡得小龍)

念奴嬌(木犀)

繞籬尋菊菊猶遲。舍北芙蓉渾未。卻是小山叢桂裏。一夜天香飄墜。約束奴兵。丁寧稚子。莫掃

歎。

沁園春(夢方字若)

何處相逢。登寶釵樓。訪銅雀臺。喚廚人斫就。東溟鯨鱠。圍人呈罷。西極龍媒。天下英雄。使君與操。餘子誰堪共酒杯。車千乘。載燕南代北。劍客奇材。飲酣鼻息如雷。誰信被晨雞催喚。回嘆年光過盡。功名未立。書生老去。機會方來。使李將軍。遇高皇帝。萬戶侯。何足道哉。推衣起。但淒涼感舊。慷慨生哀。

又(送包尉)

我羨君歸。一路秋風。芙蓉木犀。想慈顏望久。靈烏乍噪。新眉畫就。郎馬頻嘶。忙脫征衫。快呼斗酒。細與家人說建谿。情知道。這中年懷抱。生怕分攜。丈夫南北東西。應笑殺離筵。粉淚啼悵。佳人來未。碧雲冉冉。王孫去後。芳草萋萋。明日相思。山長水複。古道入稀。茆店雞。元龍老。有高樓百尺。誰共登梯。

又(寄鍾賢良)

我夢見君。帶飛電冠。著宮錦袍。與牧之高會。齊山風月。謫仙同載。采石雲濤。萬卷星羅。千篇電掃。不學窮兒賦楚騷。掀髯處。有魚龍起舞。狐兔悲嗥。英雄埋沒蓬蒿。暗摸索當年。劉與曹。嘆事機易失。功名難偶。誅茅西陲。種秫東臬。柵有雞豚。庭無羔雁。不是先生索價高。人間窄。待相

期海上共摘蟠桃。

又（贈孫李蕃）

歲暮天寒。一見飄然。幅巾布裘。儘侵雲鳥道。躋攀絕頂。拍天鯨浸。笑傲中流。疇昔期君。紫髯鐵面。生子當如孫仲謀。誰知道。到中年猶未。建節封侯。南來萬里何求。因感慨喬公。成遠遊。恨名姬駿馬。都如昨夢。隻雞斗酒。難到新邱。天地無情。功名有數。千古英雄只麼休。平生獨羊曇一個。淚灑西州。

又（寄九華葉賢良）

一卷陰符。二石硬弓。百斤寶刀。更玉花驄。噴鳴鞭電抹。烏絲闌展。醉墨龍跳。牛角書生。虬鬚豪客。談笑皆從折簡招。依稀記。曾請纓。係粵草檄。征遼。當年目視雲霄。誰信道。淒涼今折腰。恨燕然未勒。南歸草草。長安不見。北望迢迢。老去胸中。有些磊塊。歌罷猶須著酒澆。休休也。但帽邊鬢減。鏡裏顏凋。

摸魚兒（管海棠）

甚春來冷煙淅雨。朝朝遲了芳信。驀然作暖晴三日。又覺萬殊嬌困。天怎忍。潘令老不成也。沒看花分。才情減盡。悵玉局飛仙。石湖絕筆。孤負這風韻。傾城色。懊惱佳人薄命。牆頭岑寂。誰問東風日暮。無聊賴。吹得胭脂成紛。君細認。花共酒。古來二事天猶吝。年光去迅。漫綠葉成陰。

蒼苔滿地。做取異時恨。

又（感嘆）

怪新來倚樓看鏡。清狂渾不如舊。暮雲千里傷心色。那更亂蟬疏柳。凝望久。愴故國百年漢闕。誰回首。功名大謬。歎采藥名山。讀書精舍。此計何時就。封侯事久矣。輸人妙手。遍舟聊作漁叟。高冠長劍。都閒物。世上切身惟酒。千載後。君試看。拔山扛鼎。俱烏有。英雄骨朽。問顧曲周郎。而今還解來聽小詞否。

賀新郎（鬪抓等）

絕頂規危榭。跨高寒。鳥飛不過。雲生其下。斤斲無聲人按堵。翁忽青紅變化。覽城郭山川如畫。關老鳳樓修造手。笑談閒。突出凌雲廈。臺上景。實無價。唾壺塵尾登臨暇。似當年文章太守。歐陽公也。傾倒贛江供硯滴。判斷雪天月夜。更喚取鄒枚司馬。銅雀凌波歌舞罷。訪殘碑斷甃。無存者。餘翰墨。被風雅。

又（春景）

動地東風起。畫橋西繞溪。桑柘漫山桃李。寂寂牆陰。蒼苔路。猶印前回屐齒。驚歲月。驪雲馳。太息攀翻長亭樹。是先生手種。今如此。君不樂。欲何俟。傍人錯會淵明意。笑斯翁。皇皇汲汲。登山臨水。佳處徑呼籃輿去。彷彿柴桑栗里。從我者。門生兒子。嘗試平章先賢傳。屈原醒不似。

劉伶醉判茗芋臥花底。

又(芍藥)

一夢揚州事。畫堂深金瓶萬朵。元戎高會。座上祥雲層層起。不減洛中姚魏。嘆別後關上迢遞。國色天香何處在。想東風猶憶狂書記。驚歲月一彈指。數枝清曉。煩馳騎。向小窗依稀重見。蕪城佳麗。料得花憐儂消瘦。儂亦憐花憔悴。漫悵望竹西歌吹。老矣應無騎鶴日。但春衫點點。當時淚。那更有舊情味。

又(送陳子華赴真州)

北望神州路。試平章這場公案。向誰分付。記得太行兵百萬。曾入宗爺駕御。今把作握蛇騎虎。君去東立豪傑喜。看投戈下拜真吾父。談笑裏定齊魯。兩淮蕭索。惟狐兔。問當年祖生去後。有人來否。多少新亭揮淚客。不夢中原塊土。這事業須由人做。堪笑書生心膽怯。向車中閉置。如新婦。空目送寒鴻去。

又(端午)

深院榴花吐。畫簾開綵衣紈扇。午風清暑。兒女紛紛新結束。時樣釵符艾虎。早已有游人觀渡。老大逢場慵作戲。任白頭年少爭旗鼓。溪雨急。浪花舞。靈均標致高如許。憶生平既紉蘭佩。又懷椒糈。誰信騷魂千載後。波底垂涎角黍。又說是蛟饑龍怒。把似而今醒到了。料當年醉死。

差無苦。聊一笑。弔千古。

又（九日）

瀟瀟長空黑。更那堪斜風細雨。亂山如織。老眼平生空四海。賴有高樓百尺。看浩蕩千崖秋色。白髮書生神州淚。儘淒涼不向牛山滴。追往事。去無迹。少時自負凌雲筆。到如今春華落盡。滿懷蕭瑟。常恨世人新意少。愛說南朝狂客。把破帽年年拈出。若對黃花孤負酒。怕黃花也笑人岑寂。鴻北去。日西匿。

又（遊水東周家花園）

溪上收殘雨。倚危闌薄綿乍脫。日陰亭午。鬧市不知春色處。散在荒園廢墅。漸小白長紅無數。客子雖非河陽令。也隨緣暫作鶯花主。那可負。甕中醕。碧雲四合千巖暮。恨匆匆。余方有事。子姑歸去。趁取羣芳未搖落。暇日提魚就煮。歎激電光陰如許。回首明年何處在。問桃花尙記劉郎否。公莫笑。醉中語。

又（郡會聞妓歌有感）

妾出於微賤。少年時朱絃彈絕。玉笙吹徧。粗識詩家關雎亂。羞學流鶯百轉。總不涉閨情春怨。誰向西鄰公子說。要珠鞍迎入梨花院。身未動。意先懶。主家十二樓連苑。那人人靚妝按曲。繡簾初捲。道是畫堂簫管。笑殺街坊拍袞。回首望侯門天遠。我有平生離鸞操。頗哀而不慍。

微而婉。聊一奏。更三嘆。

又（端午）

思遠樓前路。望平隄十里湖光。畫船無數。綠蓋盈盈紅粉面。葉底荷花解語。鬪巧結同心雙綉。尚有經年離別恨。一絲絲總是想思處。相見也。又重午。清江舊事傳荆楚。嘆人情千載如新。尚沈孤黍。且盡尊前今日醉。誰肯獨醒弔古。泛幾盞菖蒲綠醕。兩兩龍舟爭競渡。奈珠簾暮捲。西山雨。看未足。怎歸去。

卜算子（手植海棠盛開風雨作崇輒作小詞二首）

盡是手成持。合得天饒借。風雨于花有甚讎。作意相陵藉。做暖逼教開。做冷催教謝。不負明年花下人。只負栽花者。

又

片片蝶衣輕。點點猩紅小。人道東君不惜花。百種千般巧。朝見樹頭繁。暮見樹頭少。人道東君果惜花。雨打風吹了。

一翦梅（中秋解宜春郡印）

陌上行人怪府公。還是文窮。還是詩窮。下車上馬太匆匆。來是春風。去是秋風。銜階免得管兵農。寤到昏鐘。睡到齋鐘。不須提岳與知宮。喚作溪翁。喚作山翁。

大蘭花慢 癸卯生日

病翁將耳。牙齒落。鬢毛疏。也慚愧。君恩放還田舍。免詣公車。兒時某邱某水。到而今老矣。可樵漁。寶馬華軒。無分塞驢破帽如初。浮名箕斗。竟成虛。磨折總因渠。帝錫余別號。江湖整叟。山澤仙蹤。尊前未宜感慨。事猶須看歲晏。何如衛武。耄年作戒。伏生九十傳書。

又 鄭伯昌

古人吾不見。君莫是。鄭當時。更築就山房。躬耕谷口。名動京師。諸公任他衰。與杜陵野老共襟期。有客至門。先喜得錢沽酒。何疑。昔年聯轡柳邊歸。陳迹恍難追。况種桃道士。看花君子。回首皆非。相逢故人問訊。道劉郎老去久無詩。把做一場春夢。覺來莫要尋思。

又 于未中秋

水亭凝望久。期不至。擬還差。隔翠幌銀屏。新眉初畫。半面猶遮。須臾淡烟薄霧。被西風掃盡。不留些。失了白衣蒼狗。奪回雪。覓金蟾。乘雲徑到玉皇家。人世鼓三搥。試自判此生。更看幾度。小住爲佳。何須如鈞似玦。使相將。只有半菱花。莫遣素娥知道。和它髮也蒼華。

又 壽樓 戊戌自壽

南嶽後。累任作祠官。試說與君看。仙都玉局。纔交卸。新銜又管華州山。怪先生。吟膽壯。飲腸寬。去歲擁旌旗。稱太守。今歲帶笈笈。稱漫叟。慵入閭。慣投閒。有時拂袖。尋種放。有時攜枕。就陳

搏任旁人嘲潦倒笑癡頑。

又（再題周登樂府）

周郎後直數到清真。君莫是前身。八音相應諧韶樂。一聲未了落梁塵。笑而今。輕郢客。重巴人。只少個綠珠橫玉笛。更少個雪兒彈錦瑟。欺賀晏。壓黃秦。可憐樵唱并菱曲。不逢御手與龍巾。且醉眠。篷底月。甕間春。

臨江仙（縣圃種花·或刻種海棠作）

落魄長官江海客。少豪萬里尋春。而今憔悴向溪濱。斷無觴詠興。惟有簿書塵。手插海棠三百本。等閒妝點芳辰。他年絳雪映紅雲。丁寧風與月。記取種花人。

又（庚子雪陽余負漕攝帥會前帥唐伯玉前漕黃成父子越王臺明年是日當海豐縣驛作）

去歲越王臺上飲。席間二客如龍。憑高弔古壯懷同。馬嘶千嶂暮。樂奏半天中。今歲三家村市裏。故人各自西東。菊花時節酒尊空。可憐雙雪鬢。禁得幾秋風。

又（潮惠道中）

不見仙湖能幾日。塵沙變盡形容。夜來月冷露華濃。都忘茆屋下。但記畫船中。兩岸綠陰猶未合。更須補竹添松。最憐幾樹木芙蓉。手栽纔數尺。別後爲誰紅。

又（已酉柏實之燈夕）

玉遂鉤車當日事。東塗西抹都曾。等閒曲子壓和凝。（曲子相公）縱遊非草草。已醉強惺惺。今向三家村送老。身如罷講吳僧。高樓百尺不須登。半爐燒葉火。一棗勘書燈。

昭君怨（牡丹）

曾看洛陽舊譜。只許姚黃獨步。若比席陵花。太虧他。舊日王侯園圃。今日荊榛狐兔。君莫說中州怕花愁。

又（瓊華）

后土宮中標韻。天上人閒一本。道號玉真妃。字瓊姬。我與花曾半面。流落天涯重見。莫把玉簫吹怕驚飛。

清平樂（五月十五夜翫月）

纖雲掃迹。萬頃玻璃色。醉跨玉龍游八極。歷歷天青海碧。水晶宮殿飄香。羣仙方按霓裳。消得幾多風露。變教人世清涼。

又（同前）

風高浪快。萬里騎蟾背。曾織姮娥真體態。素魄元無紛黛。身游銀闕珠宮。俯看積氣濛濛。醉裏偶搖桂樹。人間喚作涼風。

又（頃在維揚陳師文參議家。舞姬絕妙。賦此）

宮腰束素。只怕能輕舉。好與避風臺護取。莫遣驚鴻飛去。一團香玉溫柔。笑顰俱有風流。貪與簫郎眉語。不知舞錯伊州。

又(別意)(丹陽舟中作)

休彈別鶴。淚與絃俱落。歡事中年如水薄。懷抱那堪作惡。昨宵月露高樓。今朝烟雨孤舟。除是無身方了。有身長有閒愁。

長相思(惜梅)

寒相催。暖相催。催了開時催謝時。丁寧花放遲。角聲吹。笛聲吹。吹了南枝吹北枝。明朝成雪飛。

又(寄遠)

朝有時。暮有時。潮水猶知日兩迴。人生長別離。來有時。去有時。燕子猶知社後歸。君行無定期。

又(饒別)

風瀟瀟。雨瀟瀟。相送津亭折柳條。春愁不自聊。烟迢迢。水迢迢。準擬江邊駐畫橈。舟人頻報潮。

又

煙淒淒。草淒淒。野火原頭燒斷碑。不知名姓誰。印纍纍。家纍纍。千萬人中幾個歸。榮華朝露晞。

又

勸一杯。復一杯。短鋤相隨死使埋。英雄安在哉。眉不開。懷不開。幸有江邊舊釣臺。拂衣歸去來。

菩薩蠻（戲林推）

小鬟解事高燒燭。翠花圍繞樁蒲局。道是五陵兒。風騷滿肚皮。玉鞭鞭玉馬。戲走章臺下。笑殺灞橋翁。騎驢風雪中。

玉樓春（戲呈林推並鄉兒）

年年躍馬長安市。客舍似家家似寄。青錢換酒日無何。江燭呼盧宵不寐。易挑錦婦機中字。難得玉人心下事。男兒西北有神州。莫酒水西橋畔淚。

生查子（元夕戲陳叟）

繁燈奪霽華。戲鼓侵明發。物色舊時同。情味中年別。淺畫鏡中眉。深拜樓西月。人散市聲收。漸入愁時節。

憶秦娥（暮春）

遊人絕。綠陰滿野。芳菲歇。芳菲歇。養蠶天氣。采茶時節。
吹成雪。淡煙微雨。江南三月。枝頭杜宇啼成血。陌頭楊柳吹成雪。

又(上巳)

脩禊節。晉人風味終然別。終然別。當時賓主。至今清絕。
人間說永和之歲。暮春之月。等閒寫就蘭亭帖。豈知留與人間說。

又

泥滑滑。一聲聲喚征鞍發。征鞍發。客亭楊柳。不禁攀折。
書難說。霎時吹散一生愁絕。苟郎衣上香初歇。蕭娘心下書難說。

又(感舊)

春醒薄。夢中毬馬豪如昨。豪如昨。月明橫笛。曉寒吹角。
當時錯。鐵衣猶在。不堪重著。古來成敗難描摸。而今卻悔當時錯。

又

梅謝了。塞垣解凍鴻歸早。鴻歸早。憑伊問訊。大梁遺老。
炊煙少。宣和宮殿。冷煙衰草。浙河西面邊聲悄。淮河北去炊煙少。

鵲橋仙(戊戌生朝)

金風淅淅。銀河淡淡。長少羣賢畢會。平生心事麴生知。怪此夕。惺惺相對。玄花生眼。新霜點鬢。不肯遮藏老態。人間何處有仙方。擘劃得。二三百歲。

踏莎行（甲午重九牛山作）

日月跳丸。光陰脫兔。登臨不用深懷古。向來吹帽插花人。盡隨殘照西風去。老矣征衫。飄然客路。炊煙三兩人家住。欲攜斗酒答秋光。山深無覓黃花處。

水調歌頭（和西外判宗湖樓韻）

君看郭西景。渾不減。孤山。飛樓突兀。兀百尺。輪奐侈前觀。絕唱新詞寡。和。墮淚舊碑無恙。往事付驚瀾。不見遼鶴返。惟對水鷗閒。又何必。珠翠盛。管弦懽。唾壺塵尾。瀟灑。領客上高寒。丞相功存宗廟。祭酒義兼家國。世事尙相關。風月寓意耳。莫作晉人看。

又（遊蒲瀾道和崔菊坡韻）○全頃爲儀真郡督郵。自事維揚。崔公銳欲羅致。屬先受制置使李公之辟。崔公

始聘洪公舜俞入幕。後二十五年。奉使嶺外。拜公祠像。俯仰今昔。輒和公所作水調以寬悲慨。

敕使竟空返。公不出梅關。當年玉座記憶。仄席問平安。羽扇尉佗城上。野服仙游閣下。遼鶴幾時還。賴有蜀蒼舊。健筆與書丹。青油士。珠履客。各凋殘。四方蹙蹙。騁獨此尙寬閒。丞相祠望何處。太傅石碑墮淚。木老瀑泉寒。往者不可作。置酒且登山。

又（再和）喜歸

遣作嶺頭使。似成玉門關。來時送者。舉酒珍重。祝身安。街畔小兒拍笑。馬上是翁。鬢髮頭與墜。俱還。何處得仙訣。髮白顏猶丹。屋前破籬。菊瘦架殘。老夫自計甚審。忙定不如閒。客難楊雄。拓落。友笑。上良家。往而汗背。芒寒。再拜謝不能。早晚乞還山。

又（三和）解印在期戲作。

老子頗更事。打透利名關。百年擾擾。于役何異。入槐安。夢裏偶然得意。醒後纔堪發笑。蟻穴駕車還。恰佩百柯印。影拂轂輪丹。客未散。日初暝。酒猶殘。向來幻境。安在。回首總成閒。莫問浮雲起滅。且跨剛風。遊天露冷玉簫寒。寄語抱朴子。候我石樓山。

又（四和）八月上游解印別同官席上賦。

半世慣歧路。不怕晴陽關。朝來印綬解去。今夕枕初安。莫是散場優孟。又似下棚傀儡。脫了戲衫還。老去事多忘。公莫笑師丹。筆端花。胸中錦。兩濱殘。江湖水草空曠。何必養天閒。久苦諸君共事。更盡一杯別酒。風露夜深寒。回首行樂地。明日隔雲山。

又（五和）客散留隄步月而作。

落日幾呼渡。佳夕每留關。有時來照清淺。鬢雪似潘安。一曲親蒙君賜。兩岸更無人迹。惟見鷺飛還。隙地欠栽接。蕉荔雜黃丹。柳全疏。松尚幼。怕摧殘。過人笑我癡計。管鑰費防閑。翁意在乎林壑。客亦知夫水月。滿腹貯清寒。賦詠差有愧。赤壁與滌山。

又（六和）次夕。鷓鴣湖上賦葛仙事。

踞巖問周鼎。柱史出秦關。苦求勾漏何意。身世遠差安。不見跼蹙墮水。時有飛鴻遵渚。樂比久忘還。采藥寓言耳。胸次有靈丹。釣游處。榕葉暗。荻花殘。日翁仙後千載。輸與水鷗閒。我讀內篇未竟。忽被急符驅去。洞閉白雲寒。回首愧幽子。隱約海中山。

又（七和）十三夜同官載酒相別。不見月作。

怪事廣寒殿。此夕不開關。林間烏鵲相賀。暫得一枝安。只在浮雲深處。誰駕長風挾取。明鏡忽飛還。玉兔呼不應。難覓月中丹。酒行深。歌聽徹。笛吹殘。嫦娥老去孤另。離別匹如閒。待得銀盤擎出。只怕玉容醉倒。衰病不禁寒。卿去我欲睡。辜負此湖山。

又（癸卯中秋作）

老去有奇事。天於兩中秋。使君飛榭千尺。縹緲見麟洲。景物東徐城上。歲月北征詩裏。圓缺幾時休。俯仰慨今昔。惟酒可澆愁。風露高。河漢澹。素光流。賈胡野老相慶。田海十分收。競看垣娥金鏡。爭信仙人玉斧。費了一番修。衰晚筆無力。誰伴賦黃樓。

嗜徧（昔坡公以盤谷序配歸來詞。然陶詞隱隱括入律。韓序則未也。暇日游方氏龍山別墅。試效顰爲之。俾

主人刻之崖云）

勝處可宮。平處可田。泉土尤甘美。深復深。路絕絕。住人稀。有人兮盤旋於此。送子歸。是他隱居求

志是要明主媒當世。嗟此意誰論。其言甚壯。孔顏猶有遺旨。大丈夫之被遇于時。入坐廟朝。出旗麾。列屋名姬。夾道武夫。滿前才子。噫。有命存焉。吾非惡此而逃之。富貴人所欲。如之何。幸而致向茂樹堪休。清泉可濯。谷中別有閑天地。鱸細於絲。蕨甜似蜜。采於山釣於水。大丈夫不遇時之所爲。唐處士依稀是吾師。登山林尊如朝市。五侯門下賓客。擾擾趨形勢。嗟盤之樂。誰爭子。所占斷千秋萬歲。呼僮秣馬。更膏車。便與君從此逝矣。

賀新郎

吾少多奇節。頗擲揄玉關定遠。壺頭新息。一劍防身行萬里。選甚南溟北極。看塞雁銜來秋色。不但槊橫夸妙手。管城君亦日無勁敵。終賈輩。恐難匹。酒腸詩膽新來窄。向西風登高望遠。亂山斜日。安得良弓并快馬。聊與諸公角力。漫醉把闌干頻拍。莫恨寒蟬離海晚。待與君秉燭游今夕。歡易買。健難得。

又（杜子昕觀歌）

盡說番和漢。這琵琶依稀似曲。驀然絃斷。作麼一年來一度。欺得南人技短。歎幾處城危如卵。元凱後身居玉帳。報□□休作尋常看。佈殿令。運奇算。開門決鬪雌雄判。笑中宵奚車罷屋。獸驚禽散。箇箇巍冠橫塵柄。誰了君王此段也。莫靠長江能阻。不論周郎并幼度。便仲尼復起。嗟徵管。馳露佈。築京觀。

又（跋唐伯玉參稿）

官引東華去。似當年文皇親擢馬。周徒步。殿上風霜生白顛。下殿扁舟已具。怎不與官家留住。占有一言腰相印。誰教他滿篋嬰鱗疏。還笏退不迴顧。新來邊報猶飛羽。問諸公可無長策。少寬明主攀檻朱雲頭。雪白流落如今底處。但一片丹心如故。賴有越臺堪眺望。那中原莫已。不安否。風色惡。海天暮。

又（送唐伯玉還朝）

驛騎聯翩至。道臺家籌邊方急。酒行姑止。作麼攜將琴鶴去。不管州人墮淚。富與貴平生無味。可但紅塵難着脚。使山林未有安身地。搔白髮。兀相對。前身小范疑公是。憶當年天章閣上。建明尤偉。慶曆諸賢方得路。便不容他老子。須著放涎州城裏。一句殷勤牢記取。在朝廷最好。圖西事。何必向玉關外。

又（送黃成父還朝）

飛詔從天下。道中朝名流欲盡。君王思賈。時事祇今堪痛哭。未可徐徐俟鶴。好著手扶將宗社。多少法筵龍象。聽靈山祝付些兒話。千百世要傳寫。子方行矣乘驄馬。又送它江南太史。去游甌廈。老我伴身惟有影。倚徧風軒月榭。悵玉手何時重把。君向柳邊花底問。看貞元朝士。誰存者。桃滿觀。幾開謝。

又戊戌壽張史君九月十八日

南國秋空晚曉。寒輕芙蓉臺榭。拒霜池館。試向壺山堂上望。萬頃黃雲刈徧。總喫著君侯方寸。不要漢庭誇擊斷。要東家編入循良傳。春脚到。福星現。家家香火人人願。要還他慶元猿座。建炎蟬冕。穩奉安輿迎兩國。誰謂山遙水遠。福壽比河沙難算。來歲而今黃花節。早驂鸞入侍。瑤池宴。風浩蕩。海清淺。

又（宋庵訪梅）

鵲報千林喜。還猛省謝家池館。早寒天氣。要與瑤姬鼓離索。草草杯盤籍地。悵減盡何郎才思。不照玉堂并金屋。願年年歲歲花間醉。餐秀色。挹高致。西園飛蓋東山妓。問何如半山雪裏。孤山煙外。管甚夜深風露冷。人與長餅共睡。任翠羽枝頭多事。老子平生無他過。爲梅花受取。風流罪。簪白髮。莫教墜。

又（和人詠茶蘼）

曾與瑤姬約。恍相逢翠裳搖曳。珠鞵聯絡。風露青冥非人世。攬結玉龍驄鶴。愛萬朵千條纖弱。禱祝花神憐惜取。到開時晴雨須斟酌。枝上雪。莫銷卻。惱人匹似中狂藥。凭危闌燭光交映。樂老遙作。身上春衫香熏透。看到參橫月落。算茉莉猶底一著。坐有緜山王郎子。倚玉簫度曲。難爲醉。君不飲。鑄成錯。

又（前賦黃茶葉）

想赴瑤池約。向東風、名姬駿馬，翠鞵金絡。太液池邊鶴羣下。又似南樓呼鶴。書不就、穠纖嬌弱。羅帕封香，天上瀉銅盤、沉澆供清酌。春去也，被留卻。芳魂再反，應無藥。似詩詠、綠衣黃裏。感傷而作。愛惜尙嫌蜂採去。何況流鶯蹴落。且放下。珠簾遮著。除卻江南黃九外，有何人敢與花酬酢。君認取、莫教錯。

又（雷州約字）

淺把宮黃約。細端相、普席煙異。金身珠絡。萼綠華輕羅鞵小。飛下祥雲仙鶴。朵朵賽蜂腰。纖弱已被色香撩。病思儘、鵝兒酒美無多酌。看不足，怕殘卻。人間難得傷春藥。更枝頭、流鶯喚起。少年狂作。留取姚家花相伴。羞與萬紅同落。未肯讓蠟梅先著。樂府今無黃絹手。問斯人、清唱何人醉。休草草、認題錯。

又（郡宴和韻）

草草池亭宴。又何須、珠鞵絡臂。琵琶遮面。賓主一時詞翰手。倏忽龍蛇滿案。傳寫處、塵飛鶯囀。但得時平魚稻熟。這腐儒、不用青精飯。陰霧掃、霽華見。使君慣了豐年願。便從今也無敲朴。也無廚傳。試拂籠紗看壁記。幾箇標名渠觀。想九牧聞風爭羨。此老飽知民疾苦。早歸來、載筆熏風殿。詩有賦、諷無勸。

又(再和前韻)

夢斷鈞天宴。怪人間曲吹別調。局翻新面。不是先生瘖啞子。怕殺烏臺舊案。但掩耳蟬嘶禽囀。老去把茅依地土。有瓦盆盛酒荷包飯。停造請免朝見。少狂誤發功名願。苦貪他生前死後。美官佳傳。白髮歸來還自笑。管轄希夷古觀。看一道冰銜堪羨。妃子將軍噴未已。問匡山何似。金鑾殿。休更待。杜鵑勸。

又(題蒲澗寺)

風露驅炎毒。記僊翁飄然謫墮。吹笙騎鶴。歷歷漢初秦季事。山下瓜猶未熟。過眼見羣雄分鹿。想得拂衣游汗漫。試回頭劉項俱蠻觸。斫鯨鱗脯鱗肉。越人好事。因成俗。擁遨頭如雲士女。山南山北。問訊先生無恙否。齊魯干戈滿目。且游戲扶筇黃木。不是世無瓜。樣。裝便有來青飽。癡兒腹。聊舉酒。笑相屬。

又(王質之喜子出嶺。命愛姬歌新詞以相勞。輒次其韻)

此腹元空洞。少年時諸公過矣。上天吹送。老大被它禁害殺。身與浮名孰重。這般箇休休拈弄。綵筆擲還殘錦去。(用江淹飽昭事)願今生來世無妖夢。且飯犢莫吞鳳。新來暗啞如翁仲。羨王郎驀鸞縹緲。玉簫吹動。應笑夔州村裏女。灸面生愁進奉。要絕代傾城安用。今古何人知此理。有吾家酒德先生頌。三萬卷漫充棟。

又（蒙恩上崇禛其用前韻）

主判茅君洞，有簪開合查喜鵲。曉來傳送，幾度黃符披戴了。此度君恩越重。（僕五在祠廟，一南岳二仙都，三玉皇四雲臺，五崇禛）被賀監天隨調弄，做取散人千百歲。笑渠儂一霎那。邯鄲夢，歌而過，鳳兮鳳。灌園織屨希陳仲，問先生加齊卿相，可無心動。除卻醴泉中太乙，揀箇名山自奉。那捷徑，輸它藏用，有耳不曾聞黜陟，免教人貶駿徂徠。頰服蘭佩結茅棟。

又（二和）

謫下神清洞，更遭它擲揄黠鬼。路旁遮送，薄命書生雞肋爾。却笑尊拳忒重。破故紙誰教繙弄。一枕茅簷春睡美。使周公大聖何須夢。門前客任顛鳳。卜鄰羊仲并求仲。願春來西疇雨足。土膏黎動白髮。巡官占歲稔。不問京房翼奉。棹與甕從今無用。醉與老農同擊壤。莫隨人頭獻嘉禾。頰在陋巷勝華棟。

又（生日用實之來韻）

髻雪今千縷，更休休癡心默望。故人明主，晚學瞿聃無所得。不解飛昇滅度。似曉鼓琴搗五。散盡朝來湯餅客。且烹雞。要飯茅容母。怕迴首太行路。麟臺學士微雲句。便尊前周郎復出。審音無誤。安得春鶯雪兒輩。輕拍紅牙按舞也。莫笑儂家蠻語。老去山歌尤協律。又何須手筆如燕許。援琴操。促箏柱。

又（再用前韻）

放逐身縑縷。被門前羣鷗戲狎。見推盟主。若把士師三黜比。老子多他兩度。袖手看名場呼五。不會車邊望塵拜。免它年青史。差潘母。勾曲洞。是歸路。平生怕道蕭蕭句。況新來冠欹弁側。醉人多誤。管甚是非并禮法。頓足低昂起舞。任百鳥喧啾春語。欲托朱絃寫悲壯。這琴心脈脈。誰堪許。君按拍。我調柱。

又（實之三和有邊邊之語。走筆答之）

國脈微如縷。問長纓何時入手。縛將戎主。未必人間無好漢。誰與寬些尺度。試看取當年韓五。豈有穀城公付授。也不干。曾遇驪山母。談笑起。兩河路。少時棋折會聯句。歎而今登樓攬鏡。事機頻誤。聞說北風吹面急。邊上衝梯屢舞。君莫道投鞭虛語。自古一賢能制難。有金湯便可。無張許。快投筆。莫題柱。

又（四川縷字韻爲王實之壽）

萬字如鉄縷。憶王郎丹墀大對。氣爲文主。貴近旁觀俱失色。仰止如天聖度。笑杜牧成名居五。晚面清光猶若諫。似射人懇切言君母。謫塵世。錯行路。當時宜和薰風句。又那知青雲一跌。被才名誤。輸與靈和殿前柳。柔較隨風學舞。怪兩鳥新來停語。不是先生高索價。問何時宰相。先生許。舉杯祝。莫傾柱。

又（實之用前韻爲老者壽戲答）

身畔無絲縷。但從前練裳練帔。做他家主。甲子一周加二紀。兔走烏飛幾度。賽孔子如來三五。
（徐陵云。小如來五歲。多孔子三年）鶴髮蕭蕭無可截。要一杯留客。漸陶母門外草。欲迷路。朗吟
白雪陽春句。狩夫君驪駒不至。鵲聲還誤。老去聊攀萊子例。倒著斑衣戲舞。記田舍火爐頭語。
肘後黃金腰下印。有高堂未敢將身許。且扇枕莫倚柱。

沁園春

（癸卯佛生翌日將曉夢中作既醒但易數字）

有箇頭陀形等枯株。心猶死灰。幸春山筍賤。無人爭喫。夜爐芋美。與客同煨。何處簾花。忽相導
引。莫是天宮迎赴齋。又疑道。向毗耶城裏。講席初開。這邊尙自徘徊。笑那裏紛紛早見猜。有
尊神奮杵。拳麤似鉢。名緇豎拂。喝猛如雷。老子無能。山僧不會。誰誤檀那舉請哉。山中去。便百
千億劫。休下山來。

又（和吳尙書叔永）

我所思兮。延陵季子。別來九春。笑是非浮論。白衣蒼狗。文章定價。秋月華星。獨步岷峨。後身坡
穎。何必苟□有。二仁中朝裏。看叔兮袞袞。伯也絲綸。洛中曾識機雲。記玉立堂堂。九尺身。歎
茗溪漁艇。幽人孤往。雁山馬鬣。弔客誰經。宣室釐殘。玄都花謝。回首舊游存幾人。新腔美。堪洗
空恩怨。喚起交情。

又（吳叔永尚書和予舊作再答）

莫羨渠儂。白玉成樓。黃金築臺。也不消顛怪。騎鱗被髮。誰能委由。令鴛爲媒。鬢有一毛。袖閣雙
手。只子持螯。與把杯。公過矣。賞陳登豪氣。杜牧麤才。便煩問訊。張雷甚斗。宿無光劍。不迴想
閣中。嗚佩時攜。客去壁間懸榻。近有誰來。撤我虎皮。讓君牛耳。誰道兩賢相。屢哉。中年後。向歌
闌易。樂極生哀。

又（維揚作）

遼鶴重來。不見繁華。只見凋殘。甚都無人誦。何郎詩句。也無人報。書記平安。閩里俱非。江山略
是。縱有高樓。莫倚闌。沈吟處。但螢飛草際。雁起蘆間。不辭露宿風餐。怕萬里歸來。雙鬢斑。算
這邊贏得。黑貂裘弊。那邊輸了。翡翠衾寒。檄草流傳。吟牋倚閣。開到瓊花亦嬾看。君記取。向中
州差樂。塞地無歡。

摸魚兒（用實之韻）

便披蓑荷鋤歸去。何須身著宮錦。與誰共話桑麻事。朱老阮生尤稔。箇樣餅。甕樣醬。長鬚赤腳
供樵。任清流濁品。盡掃去胸中。置諸膜外。對酒莫辭飲。華胥夢。怕殺人。驚曉枕。疏牕惟月來
闌。一生常被弓旌誤。且告朝家。追寢愁箇甚。君管取。有薇堪采。松堪蔭。茆山再在。幸不是。謀臣
又非世將。免犯道家禁。

一翦梅（余赴廣東買之夜讀于風亭）

東繹宵行十里強。挑得詩囊。拋了衣裳。天寒路滑馬蹄僵。元是王郎。來送劉郎。酒酣耳熱說文章。驚倒鄰牆。推倒胡牀。旁觀拍手笑疏狂。疏又何妨。狂又何妨。

滿庭芳（記夢）

涼月如冰。素濤翻雪。人世依約三更。扁舟乘興。莫計水雲程。忽到一洲奇絕。花無數。多不知名。渾疑是芙蓉城裏。又似牡丹。蓬萊應不遠。天風海浪。滿目淒清。更一聲鐵笛。石裂龍驚。回顧塵寰局促。揮袂去。散髮騎鯨。蘧蘧覺。元來是夢。鐘動野雞鳴。

鷓鴣天（腹疾且睡和朱希真詞）

前度看花白髮郎。平生痼疾是清狂。幸然無事汙青史。省得教人奏赤章。游俠窟。少年場。輸他羣謝與諸王。居人不識庚桑楚。弟子誰從魏伯陽。

又（戲題周登樂府）

詩變齊梁體已澆。香奩新製出唐朝。紛紛競奏桑間曲。寂寂誰知爨下焦。揮綵筆。展紅綃。十分峭措稱妖饒。可憐才子如公瑾。未有佳人敵小喬。

卜算子

亂似盎中絲。密似風中絮。行徧茫茫禹迹來。底是無愁處。好客挽難留。俗事推難去。惟有翻

身入醉鄉。愁欲來無路。

木蘭花慢（壽王質之）

瀛洲眞學士。爲底事。在紅塵。爲語觸宮闈。沈香亭裏。噴謫僊人。爲親近君側者。見萬言策子基。劉蕡。爲是尙方請劍。漢廷多憚朱雲。君言往事。勿重陳。且鬪酒邊身。也不會區區算它甲子。記甚庚寅。爾曹譬如朝菌。又安知老柏與靈椿。世上榮華難保。古來名節如新。

念奴嬌（壽方德潤）

卯君來處。與眉州仙子。依稀同日。一自前朝龔蔡後。頗覺壺山岑寂。誰料端平。繼居遺補。復有斯人出。幅巾林下。姓名玉座長憶。須信諛語尤甘。忠言最苦。橄欖何如密。諸老蕭疏。星欲曉。留取南都鐵壁。洛社自佳。鏡湖雖好。莫問君王乞。年年歲歲。大家同做眞率。

又（丙午少師生日）

禁中張讜。苦留公未許。歸尋初服。千載君臣魚有水。不比嚴光文叔。大德中天。客星一夕。草草聊同宿。重來凝碧。依然廣載相屬。過眼夸奪粉粉。浮雲野馬。幾度棋翻局。客話鳳池。三入事。洗耳湖光一曲。伯始泉荒。梅圭圃冷。占斷西風菊。年年歲歲。金萸常泛芳醪。

後村別調終

後村別調跋

致淳祐辛丑八月御批云。劉克莊文名久著。史學尤精。可特賜同進士出身。由是負一代盛名。偶有題跋。後人輒以爲定衡。所撰別調一卷。大率與辛稼軒相類。楊升庵謂其壯語足以立懦。余竊謂其雄力足以排寡。云。湖南毛晉識。

